

#3-1-159
of
Rot

DESCRIPTIONES ET ICONES *RARIORUM ET PRO MAXIMA PARTE NOVARUM* PLANTARUM

A U C T O R E

CHRISTIANO FRIIS ROTTBÖLL,

Med. Doct., Anatomiae & Botanices in Universitate Regia Havniensi Professore, & Societatum Literiarum
Havniensis & Nidrosiensis Socio.



EDITIO NOVA

c. Tab. XXI &cenis

H A V N I A E, M D C C L X X X V I .

Impensis G Y L D E N D A L I I , Universit. Bibliopolie, & Lipsiae apud PROFTIUM in Commissis.



LIBRARY OF THE UNIVERSITY


OF CRACOW


1850

CONSPECTUS LIBRI.

<i>CAP.</i>		<i>Pagina</i>
I.	Restio	I
—	II. Chondropetalum	10
—	III. Kylinga	12
—	IV. Cyperus	17
—	V. Scirpus	44
—	VI. Schoenius	60
—	VII. Fuirena	70







PROEMIUM.

Primum heic plantarum graminearum descriptions atqve icones continentem librum in publicam emitto lucem. Septem diversa ut explicat Genera, in totidem distinxii capita. Accessiones novarum Specierum, qvas præterlapsa æstate ex India misit experientissimus Medicinæ Doctor Königius, curiosis carius & commendatius reddituras esse opusculum, confido, & sic promissis in Programmate superioris anni factis me nonnihil addidisse credo.

Tria nova Genera, Fuirenam scilicet, Kyllingam & Chondropetalum, invenient Lectores botanici. Primum partes fructificationis adeo peculiares habet, ut consensu omnium, nisi valde fallor, novum sibi vindicet Genus. Alterum vicinis non modo Generibus, Scirpo, Cypero, Schoeno, notis pro constitutione Generis non cedit; sed, si reliqua veriorum graminum Genera sub examen revocentur, vix credo, eos, qvi Milium ab Agrosti, Agrostim ab Aira, Poam a Briza, hanc ab Uniola, Festucamque a Poa & Bromo genere distinctas tradunt & recipiunt, serio contendere posse, Kyllingam nostram ab affinibus non recte separari. Tertium, licet calycem atqve corollam consistentia & proportione Restioni in directum oppositum habeat, hujusqve quasi inversum sit Genus, ob rationes tamen infra in annotationibus ad hoc Genus exponendas parum absfuit, qvin sub genere Restionis reliqvissem. Etsi mihi ignotum est, an Botanici nomen ulli grami si impositum, qvum tamen nullam, cur hoc fieri neqviret, rationem viderem, memoriæ duorum dudum defunctorum civium, qvi de patriæ Flora optime meruerunt, Fuieni sc. & Kyllingi hac ratione consultum volui.

Ob levem in parte qvadam fructificationis differentiam me Genera multiplicare noluisse, lector harum rerum gnarus agnoscat. Defectum laciniæ in pistillo, hujus ut & staminum parum auctum vel imminutum numerum, consentiente reliqua fabrica, ad novum Genus inducendum non satis momenti habere credidi. Ad Boerhaviam, Valerianam &c. svadente structura, qvum referatur planta, licet numerus staminum classi non respondeat, cur Cyperis, Scirpis vel Schoenii eadem sub conditione non accederent aliæ, etiamsi 1 vel 2 modo stamina loco 3, vel 2 pro 1 stylo habent? Imprimis qvum Schoenus (85 compar?) qvi in flore terminali 3 in reliquis 4 obtinuit stamina, qvam parum hujus differentiæ natura fecerit, monstret. Imo si maxime hermaphroditis accedant alii foemini vel masculi flores, salva structura reliqua, novum hic mea qvidem sententia, non magis ac in Ægilope, Tripsaco, Panico, Carice, inducere debent Genus.

Schoeni præterea genus, ubi parvus hic obvenit recessus, quo modo natura per gradus partes fructificationis elidat, pulcre monstrat; in cunctis speciebus penitus steriles atque inanes sunt squamæ inferiores; in una alteraque etiam summa, vel huic, si mavis, proxima, cuius flos contiguus, hanc ob rationem evadit bivalvis; in plurimis, præter superiora 1 vel 2, germina marcescunt & abortiunt cuncta; in nonnullis demum deficiunt eadem prorsus in quibusdam floribus, qui inde masculini evadunt, parum cæteroquin a jam jam denominatis diversi, qvoniam effœta & sterilia germina nullis æqvipollent.


Restionem *distachyum*, cuius solos flores foemineos vidi, sub Genere, cum quo habitu convenit, reliqui, etsi calyce non parum a congeneribus differt. Scirpum *dipsaceum* ob germen vere singulare a reliquis non separavi. Nec squamæ 6 ciliatae, stamina & pistillum in Schoeno *involutato* cingentes, ut Genus novum conderem, movere potuerunt, qvum structura & habitu exacte reliquis respondeat, lingulæque hæ cartilagineæ involucrum constituant, qvod natura loco setarum, quibus hoc & Scirpi genus quandoque armavit, hic posuit. Utique quoad numerum partium fructificationis consensu authorum non penitus destituor, ita meæ respectu reliquorum rationes acutissimis seculi nostri Systematicis, qui Genera leves ob rationes dilacerare recte prohibent, haud, ni mihi nimis blandior, displicebunt. Sin secus, unam alteraque a posterioribus plantis quod attinet, evenierit; levi opera hoc ipsi supplere valent; qvum enim omnes fructificationis partes exponant descriptiones meæ, nihil ad Genus constituendum, præter solum nomen desideratur.

Non est, quod apud Botanicos, vim characterum genericorum intelligentes, illud excusem, quod paucas Species sub aliis, ac Linnæus, Generibus recensui;

recensui; deprehendent enim, aliter salvis his characteribus procedere mea in potestate non fuisse. Si una alteraque planta inclytissimi hujus viri effugerit attentionem, in amplitudine, quam complectitur, objectorum justam ille invenit excusationem, quam ego, qui anterioribus multo limitibus circumscripsum pensum absolvo, si has reliquiasque minutias negligerem, mihi polliceri non possem. Sunt lapsus, qui vasto operi facillime irrepunt, exiguum vero si curam habeas, nunquam deturpent, quare meritam Authori incurio accersent reprehensionem.

Inter plantas multas aut penitus novas, aut iconibus & descriptionibus non satis illustratas etiam quædam occurunt, quæ satis cognitæ atque perspectæ a nonnullis haberi fortasse possunt; cujus commatis sunt Cyperus articulatus, odoratus, fuscus; Scirpus articulatus, miliaceus, dichotomus &c. Quum autem raræ sint stirpes haec omnes, lectoribus, qui uno facileque parabili in opere, quæ alias in pluribus carioris pretii voluminibus quærenda forent, collecta habent, me rem non ingratam fecisse credidi. Inter satis notas autem minime referre possum eas Species, quæ ab Illustrissimo Linnæo in ultima Mantissæ particula descriptionibus brevibus admiratæ leguntur; habuit scilicet ab eodem, quo ego, indagatore, descripsit fere eodem tempore. Prior ille annotationes suas exactas, at, ut ominia ejus esse solent, succinctas edidit; sequor ego, plenioribus pro instituto meo descriptionibus, conquisitis, ubi haberi poterant, synonymis; & figuris, ni fallor, idoneis. Illustrationes sic, quas ille inchoavit, ad majorem, ut puto, evidentiam deduxi, quare me nec actum hic egisse, nec falcem alienæ segeti immisisse opinor. Descriptiones præterea, quæ non apud alios authores compilantur, sed juxta naturam i.e. ipsa objecta fiunt, in diversis tam Botanicis quam Anatomicis authoribus tolerari posse, & ipsius Linnæi & magnorum aliorum hominum exempla docent. Plantarum bene satis depictarum, si Cyperum Haspan & Scirpum setaceum excipias, icones, quantum scio, non suppeditavi. Harum posterior a Morisono exhibita, errore eis, qui spicam siccum considerarunt, facile excusabili, a me inter Cyperos in Elencho, quem Viburgi juxta adversaria a bibliotheca remotus scripsi, numerata, postea vero consultis hujus authoris iconibus suo loco redditæ est; quoniam vero excusa jam erat Tabula, figuram tollere non potui. Prioris a Plukenetio non inepte delineatæ statura atque elegantia, ut cæteris Cyperis ejus figuram adderem, me seduxit. Scirpi dichotomi fragmentum modo exhibuit Scheuchzerus; miliacei vero a juniori Buurmanno nuper data figura spicis Cyperum refert; adeoque longe a nostra recedit planta, ut vehementer, num eadem sit, dubitem. Delineationes Cyperorum longi, flavescentis, serotini, Papyri, quos omnes possideo, adjicere potuisse, nisi hoc negotium australioris Europæ Botanicis, qui plantas ipsas vivas accedere possunt, tutius relinquendum duxisse.

Maximam plantarum hujus' fasciculi partem collegerunt duo viri, itineribus & meritis inclytissimi. Prior a nobis in Elencho laudatus experientissimus Medicinæ Doctor Gerhardus Königius, Missionis Malebaricæ a Potentissimo Rege nostro constitutus Medicus, duas fere tertias Stirpium hic occurrentium misit. Post eum beato Professori Forskåhllo (qui munificentia gloriosæ memoriæ FRIDERICI QVINTI in sodalitio cum tribus aliis eruditis viris, qvorum solus superstes rediit Dominus Niebuhr, iter in Arabiam instituit) magnam rarissimorum, imprimis Cyperorum, cohortem, qvæ ex Herbario ejus ad nos pervenit, debemus. Perfectiores procul dubio descriptiones, & exactiores de loco natali, modo crescendi, tempore germinandi, usq; medico & domestico exhibuissemus notitias, si eruditissimi hujus viri adversaria consulere nobis licuisset. Collectio Domini Rolandi Surinamenses obtulit. Hos cæterosq;e, qvorum industria & favore aliquid obtinuimus, fautores ad calcem singulæ descriptionis cum laude nominamus, gratoq;e insuper & devincto animo omnium, qui symbolum aliquod huic obtulerunt negotio, agnoscimus operam. Hos inter eruditissimum artis hippiatricæ Professorem Dominum Abildgaard tacite præterire nefas foret, qui non solum ob amorem, qvo in plantas fertur, nitidissime juxta artis principia tabulas XVIII priores delineavit; sed minutissimas fructificationis partes saepius extricando, adversaria nostra optime confirmavit, interdumq;e correxit, aut pleniora reddidit. Has præter decimam, qvam exculpavit laudati mox Professoris frater, utriq;e Hasii senioris, Universitatis Chalcographi, filii ære excuserunt. Additæ sunt duæ Tabulæ Surinamenses Schoenos exhibentes, a pictore satis bono at scientiæ ignaro delineatæ, & ab Heckelio, qui Holmianos excudit fungos, ære exculptæ. Descriptioni cuiusvis Speciei explicationem figuræ mox subjecimus. Minores litteras partibus fructificationis apposuimus, indicaturi per m. n. naturalem & per m. a. auctam magnitudinem.





CAPUT I^{mum.} R E S T I O.

Huic Generi, qvod novum esse mox vidi, Kyllingæ nomen adscripsi. Multum sub examine dedit negotii. Partes quidem masculas in singula specie summa cum facilitate extricavi; fœmineas in nulla invenire potui. Receptaculum jam triquetrum germen inferum credidi, qvod summo etiam Linnæo contigisse e descriptione brevi Syst. Natur. Edit. 12. Tom. II. vidi. Jam vero qvum, omni licet diligentia adhibita, nec stylos nec stigmata evolvere possem, hanc opinionem invitus deserui. Ad examen iterum accedens, Calyce cum Corolla soluto, stamina abstuli; qvo facto, in centro Floris germen exiguum cum stylis mox 2, mox 3 foliaceis me videre putavi; at, qvum nec species ipsæ inter se, nec specierum individua unqvam exacte convenienter, Germen Stylosque meos floccosa fragmenta & reliquias superstites haud bene ablatarum partium esse intellexi. Dioicas post irrita hæc tentamina plantas meas credere primum erat. Hinc, qvum aliquod post tempus ad nos pervenit Systematis Naturæ Linnæi Editio duodecima, in hac classe qvæsivi, atqve inter Addenda pag. 735 sub nomine *Restionis* meum Genus expositum tandem inveni. Nomen igitur illustrissimi Authoris meo substitui, examineque iterum instituto, me solos mares in omnibus speciebus obtinuisse vidi, præter *R. Triticeum*, cuius fœminas postea reperi, qvæ, qvum characteri Authoris generico congruerent, plana mihi atqve liqvida fuerunt omnia.

Primam nostram speciem dudum notam, descriptam atqve delineatam fuisse, monstrant allata synonyma; nunqvam tamen exacte descripta fuit fructificatio, anteqvam paucis retro annis Illustrissimus Linnæus eodem fere tempore, qvo ego descriptiones has in chartam conjeci, illam publicæ luci exposuit. Cæteræ species omnes novæ sunt, a nemine, quantum scio, ante meum programma 1772. editum indicatae vel descriptæ, nona sola forte excepta, qvæ a reliquis paulum differt, & sub Elegia Linnæi, si a Restione distingvi meretur, fortasse comprehendi debet. Omnes mox secuturas hujus Generis

C.

species



CAP. I. RESTIO.

species in promontorio Capitis bonæ spei collegit egregius noster Botanicus, Dominus Königius, in Historiæ naturalis incrementum natus.

CharaCter Linnæi genericus parum a nostro recedit. Calycem ille nullum, præter squamas flores distingventes, admittit, sexque Petala Corollæ adscribit. Qvum vero folia 3 exteriora non modo figura sed etiam fabrica atque textura a 3 interioribus constanter in cunctis speciebus differant, naturam secutus separavi, atque in Perianthium & Corollam distinxii.

CHARACTER GENERIS.

SPICÆ squamis coriaceis, carinatis imbricatae.

FLORES dioici. Flos, unicus, sessilis in axilla squamæ singulæ, cui minor, incurvus, triquetus.

FLORES MASCULI.

CALYX Perianthium. Folia 3 inæqualia; 2 lanceolata, concava, compressa, navicularia, 3tio linearis-oblongo, plana.

COROLLA. Petala 3 marcescentia, oblonga, uno reliquis latiore.

STAMINA. Filamenta 3 plana. Antheræ cymbiformes, acutæ, corolla æquales.

RECEPTACULUM triquetrum, germen inferum mentiens.

FLORES FOEMININI *in distincta planta.*

CALYX & COROLLA ut in mare.

PISTILLUM. Germen triquetrum magnitudine floris. Styli 3, reflexi, hispidae.

PERICARPIUM & SEMINA non vidi.

HABITUS GENERIS.

RADICES simplices, fibrosæ, ligneæ.

CULMI teretes, subarticulati, solidi, juncei, tenaces, colorati, punctati, dichotomi.

RAMI plurimi, subdivisi, steriles. Pauci floriferi, simpliciusculi.

VAGINÆ coriaceaæ, laxæ, interius floccosaæ ad geniculas & divisiones Culmi atque paniculae, mucrone subulato, loco folii, terminatae.

PANICULA vel SPICA, ut plurimum composita, terminalis.

I. RESTIO dichotomus, scapis floriferis longissimis; panicula filiformi, nutante, laxa; spicis oblongis squarroso-fusca. Program. Ao. 1772. pag. 10.

Schenck Capensis, culmo tereti, ramosissimo, vaginato, spicis ovatis, nudis, dichotomis, pendulis. Linn. Sp. Plant. Tom. I. pag. 64.

Restio dichotomus Syst. Nat. Edit. 12. Tom. II. ADDENDA pag. 735.

Canna Capitis bonæ spei spicis juliformibus. Scheuchz. Agrostogr. 352.

Equisetum junceum nigrinodum Capit. B. Spei. Breyen. Cent. pag. 176. tab. 91.

Petiverii Gazophylac. tab. 7. fig. 5. Mus. 424.

Juncus Africanus, lignoso culmo ad nodos involucris nigris convoluto, panicula arundinacea. Plukenet. Mantiss. 109.

RADICES fibrosæ, simplices, teretes, flexuosaæ, ligneæ, descendentes.

CULMI

CULMI plures, steriles, farcti, teretes, tenaces, spithamæi, tenues, flavescentes, ad angulos acutissimos di- & tri-chotoini, basi squamis cylindricis, glabris, lucidis, vestiti, ramosissimi.

RAMI fusco-maculati, altero latere plani, summitatem versus approximati, flexuosi, reflexi.

VAGINÆ cylindricæ, coriaceæ, breves, fuscæ, e pagina interiore floccosæ, loco folii in acumen canaliculatum, subulatum, apicem culmi versus reflexum, productæ.

SCAPI plures simplicissimi, aggregati, sesquipedales, erecti, juncei, internodiis 4—5 quateruncialibus distincti; squamis ovatis vel ovato-lanceolatis fuscis ad basin cincti.

VAGINÆ spathaceæ, muticæ, apice interius in floccos laxatae, ad genicula culmi & ramifications Paniculæ.

PANICULA terminalis, subverticillata, diffusa; pedunculis planis, filiformibus, nutantibus, apice incrassatis.

SPICÆ $\frac{1}{2}$ — ad 1 pollicares, oblongæ, squarroso-fuscæ, undique imbricatæ squamis lanceolatis, acutissimis, carinatis, purpureis nigricantibus, nitidis; margine membranaceo, albido.

FLORES MASCULI in axillis squamarum, FOEMININI non visi.

CALYX. Perianthium. Folia 3 inæqvalia; 2 linear-lanceolata, acuta, navicularia, compressa, carinata; tertio linear-oblongo, plano.

COROLLA. Petala 3 oblonga, concava, tenuia, marcescentia, cum margine albo purpurea; uno reliquis latiore stamina ininclude.

STAMINA. Filamenta 3 plana, brevissima; Antheræ cymbiformes corollæ æquales, carinali linea gemina, purpurea, apice confluente, piætæ.

Tab. I. fig. I. A. Culmi steriles. B. Scapi squamis ad basin obvoluti. C. Vaginæ spathaceæ interius floccosæ. D. Panicula. E. Spicæ justo paululum breviores depictæ. a. squama florifera cum flore axillari. m. n. b. Flos squamæ exentus. m. n. cc. Folia calycina 2 navicularia acuta. c* tertium linear-oblongum planum. dd. Petala 2. d* tertium latius m. a. exhibit. e. Præter Calycem & Corollam antheras m. a. sistunt.

2. RESTIO triflorus, culmis teretibus, erectis; vaginis membranaceis, bifidis; spicis cylindricis, tenuibus, subternis. Program. nostr. An. 1772. pag. 10-

RADICES fibroso-fasciculatae, teretes, descendentes, ligneæ.

CULMI aggregati, teretes, duri, tenaces, filiformes, fusco-maculati. Plurimi steriles, ramosissimi; Ramis interiori latere planis, ad angulos acutos dichotomis, apicem versus in arbusculum efformatis, flexuosis, & veluti crispis. Paucissimi cæteris duplo longiores, strictissimi, superiori medietate simplicissimi, floriferi.

VAGINÆ coriaceæ, cylindricæ, striatæ, ad basin imbricatæ, muticæ; in Culmo breviores, alternæ, remotæ, ala membranacea bifida auctæ, mucrone subulato reflexo, loco folii terminatae.

SPICA terminalis composita spiculis 2—5 circiter alternis, tenuibus, cylindrico-subulatis, brevibus, infima haud raro remotiore; omnes imbricatæ squamis oblongo-lanceolatis, concavis, ferrugineis, scariosis, apice spinulosis, lineas duas circiter longis, unam latis.

FLORES dioici, quorum unicus, triqveter, intra squamam singulam, cui minor, sessilis.

CAP. I. RESTIO.

MASCULIS.

PERIANTHUM. Folia 3 inæqvalia; 2 compressa navicularia, acutissima, carinata. Terrium planum, obtusius.

COROLLA. Petala 3 marcescentia, tenuia, linearia, ferruginea; uno cæteris latiore.

STAMINA. Filamenta 3 membranacea, plana. Antheræ tenues, lineares, extus prominentes.

FOEMINAS *non vidi.*

Tab. II. Fig. 2. A. Culmi, qvorū major pars sterilis, basi vaginis cincti. B. Culmi pauci, fertiles, simplicisculi, vaginis tumidis, apice reflexis, ad genicula cincti. C. Spicæ.

3. RESTIO vimineus, culmo prostrato, tereti; ramis filiformibus, secundis, ascendentibus; spicis terminalibus, pluribus. Program. nostr. 1772. pag. 10.

CULMUS ramosus, decumbens.

RAMI *principales* filiformes, longissimi, apice fasciculati. *Secundarii* ascendentis viminei, simplicissimi, secundi, 2 vel 3 pollices remoti.

VAGINÆ spathaceæ, alatæ & mucronatæ, ut in specie antecedente.

SPICA terminalis, composita, 1—2 uncialis, basi interdum ramosa, constans spiculis ovato-subulatis, gibbis, alternis, ad 10 usque.

SQVAMÆ coriaceæ, margine scariosæ, spinula, ut in antecedente, terminatæ.

Polymorpha est hæc planta; compositione atqve declivitate majore & minori culmi, nec non numero atqve magnitudine spicularum multum varians. Fabrica vaginarum & sqvamarum spiculas componentium cum antecedente convenit; at culmo diffusiore, spiculis torosioribus, gibbis, numero pluribus, spinisqve sqvamarum distinguentium fortioribus differt.

Tab. II. Fig. 1. A. Ramulum. B. Vaginas geniculorum turgidas. C. Spicam sistit.

4. RESTIO paniculatus, panicula sesqvipedali, multiflora; spicis oblongo-ovatis; sqvamis ovatis, carinatis, margine argenteis. Program. nostr. 1772. pag. 10.

CULMUS altissimus, flexuosus, solidus, tenax, ligneus, altero latere convexus, opposito planus, viridi-flavescens, subtiliter punctatus.

RAMI alterni; *infimi* solitarii; *superiores* bini, terniqve, filiformes, subdivisi.

VAGINÆ ad ortum ramorum cylindricæ, ferrugineæ, sqvama lanceolata mutica terminatæ, margine in floccos membranaceos, lineares, albos fissæ.

PANICULA sesqvipedalis, ramosissima, contracta, oblonga.

SPICÆ parvæ (2—3 lin.) oblongo-ovatæ, imbricatæ sqvamis ovatis, carinatis, cum acuminè obtusis, coriaceis, ferrugineis; margine membranaceo, argenteo.

FLORES dioici, unico triquetro intra singulam sqvamam, cui minor, sessili.

MASCULIS.

PERIANTHIIUM. Folia 3 inæqvalia; 2 cymbiformia, concava, compressa, carinata; 3^{to} oblongo, plano.

COROLLA. Petala 3 oblongo-lanceolata, obtusa, tenuia, marcescentia; uno reliquis latiore, concavo.

STAMINA. Filamenta 3 brevia, membranacea; Antheræ incumbentes, lineares, cymbiformes, petalis conniventibus inclusæ.

FOEMINÆ non visæ.

- Tab. II. Fig. 3. A. Culmus. B. Rami e vaginae exeuntes. C. Panicula.
D. Spicæ.
a. squamæ. b. floris facies concava. c. convexa. d. glumarum calycis
altera cymbiformis, carinata. e. gluma calycis tertia plana. f. corolla
magnitudine multum aucta cum staminibus.

5. **RESTIO virgatus**, ramis alternis, culmo longioribus, subternis; floribus racemosis, glomeratis. Program. nostr. 1772. pag. 10.

CULMUS crassitie pennæ cygneæ, teres, ligneus, tenax, subarticulatus, striatissimus; internodiis bipollicaribus, pro receptione ramorum, leniter excavatis, distinctus; cortice gryseo, viridi, sordido, subtiliter punctato.

RAMI alterni, culmo longiores, semiteretes, filiformes, erexit, ad angulos acutissimos, dichotomi, apice setacei, steriles, subterni, intermedio crassiore.

VAGINÆ coriaceæ, striatæ, nigro-punctatæ, sordidæ, ramorum exortum obvolventes, foliorum loco spinis subulatis terminatæ.

RACEMUS terminalis, compositus; Rachis flexuosa, plana, ramosa; Rami breves, floribus conglomératis dense obsiti; Glomerulis ad rachis flexuras alternatim affixis.

SPICÆ conicæ, sessiles & pedicillatæ, bracteis minimis ovatis suffultæ, deciduae, maiores quam in specie antecedente, imbricatæ squamis coriaceis, concavis, ovatis, mucronatis, margine scariosis albidis.

FLORES dioici, parvi, compressi, incurvi, triquetri, solitarii, in axillis squamarum sessiles.

MASCULIS.

PERIANTHIIUM. Folia 3 inæqvalia; 2 lanceolata, concava, compressa, carinata; 3^{to} plano.

COROLLA. Petala 3 oblonga, marcescentia, alba, longitudine Perianthii; uno cæteris latiore, stamina includente.

STAMINA. Filamenta membranacea, basi dilatata, corolla æqvalia. Antheræ lineares, cymbiformes, didymæ.

FOEMINAS non vidi.

- Tab. I. fig. 2. A. Culmus ad genicula vaginis apice subulatis obvolutus. B. Rami. C. Racemus terminalis, cuius plurima pars spicarum decidit. a. spicæ 2 bracteis minimis ovatis suffultæ. b. Squama florem continens. c. Flos nudus m. n. d. Petala 2. d* tertium, ut & Filamenta basi dilatata m. a.



6. RESTIO distichus, spica simplici, terminali, oblonga, disticha; squamis lanceolatis, acutissimis, truncatis, patentibus. Program. nostr. 1772. pag. II.

CULMUS decumbens, ligneus, teres, strictissimus, junceus, fuscus, vel fusco-maculatus, internodiis, apicem versus longioribus, distinctus.

RAMI strictissimi, simplices, alterni, ad angulos acutos dichotomi, eretti.

VAGINÆ coriaceæ, striatæ, maculatæ, tumidæ, mucronatæ.

SPICA terminalis, solitaria (raro præter hanc alia inferior) disticha, oblonga, uncialis, ferruginea, involucro acutissimo, spathaceo obvoluta, constans squamis alternis, glabris, lanceolatis, convoluto-subulatis, basi truncatis, apice patentibus, multo longioribus ac in congeneribus.

FLORES dioici; lineares, incurvi, triquetri, in axillis squamarum, quibus multo minores.

MASCULIS.

PERIANTHIUM triphyllum inæqvale. Folium majus (c) obtusum, lineare, compressum, naviculare; carina antice imprimis hirsutissima. Folium medium (b) naviculare acutum, compressum, carina, extrema subpubescens. Folium tertium (d) oblongo-lanceolatum, glabrum, planum.

COROLLA. Petala 3 linearis-oblonga, membranacea, tenuissima, marcescentia, alba, longitudine calycis.

STAMINA. Filamenta 3 tenuissima, plana, corolla longiora; Antheræ incumbentes, cymbiformes, acutæ, carina utrinque purpureæ.

FOEMINAS non vidi.

Tab. II. fig. 5. A. Culmus basi decumbens. B. Rami. C. Spicæ. a. flos m. n. b. Folium calycinum mediæ magnitudinis. c. maximum. d. tertium oblongum. e. stamna corollæ exenta.

7. RESTIO compressus, culmo ramisqve compressis; spicis terminalibus pluribus, alternis, distichis. Program. nostr. 1772. pag. II.

CULMUS RAMIQVE crassi, compressi, fusco-grysei, minutissime punctati, sordidi, apice in rachim flexuosam, articulatam, complanatam, tomento rubro villosissimam, producti.

VAGINÆ oblongæ, tumidæ, 4 circiter pollices transversos ad apicem remotæ, infra sensim propiores, mucrone subrecurvo terminatae.

SPICA composita, alternatim disticha; spiculae distichæ, unciales fere; squamis lanceolatis, acutissimis, patentibus rachi affixa, ad basin squama transversa fulta.

FLORES dioici intra squamas singulas, solitarii, breviores, triquetri.

MASCULIS.

PERIANTHIUM. Folia 3 inæqvalia; 2 linearia, navicularia, acuta, compressa, carina hispida; 3 linearis-lanceolatum planum.

COROLLA. Petala 3 linearis-oblonga, 3 latiore.

STAMINA. Filamenta 3 brevissima. Antheræ lineares, cymbiformes, incumbentes, carina utrinque purpureæ.

Priori structura simillima.

FOEMINAS non vidi.

Tab. II. fig. 4. A. Culmus. B. Vaginæ. C. Spicæ. a. flos naturali, b. aucta magnitudine.

8. RESTIO Triticeus, culmo tereti, subgeniculato, filiformi; spica composita, flexuosa; spiculis transversis. Progr. nostr. pag. 11.

CULMUS tenax, teres, geniculatus, flavescens, punctis tenuissimis, fuscis aspersus, multo flaccidior ac tenerior, qvam in specie antecedente 6.

RAMI longissimi, filiformes, simplices, ad angulos acutissimos dichotomi, nudi.

VAGINÆ ovatae, ventricosæ, laxæ, obtuse mucronatae, basi præsertim fuscæ, $1\frac{1}{2}$ ad $2\frac{1}{2}$ pollicem remotæ, genicula obvolventes.

RACHIS ex apice culmi flexuosa, geniculata, bipollicaris; internodiis brevibus, apice in-crassatis, altero latere planis.

SPICA composita e spiculis pluribus (7) alternis, remotis, more tritici repentis trans-versim ipsis angulorum rachis cubitibus affixis. *Spiculae* oblongæ, involucro ovato, mucronato, obvoluta, ferrugineaæ, triplo minores ac in antecedente (6), non distichæ, sed undique imbricatae squamis VI—VIII coriaceis, concavis, ob-longo-lanceolatis, basi truncatis, cum acumine obtusis.

FLORES dioici, lineares, incurvi, triquetri, in axillis squamarum, sessiles.

MASCULIS.

PERIANTHIIUM. Folia tria inæqvalia; 2 acutissima lanceolata concava; 3 oblongo plano.

COROLLA. Petala 3 oblonga membranacea; uno reliquis latiore.

STAMINA. Filamenta 3 longitudine antherarum; Antheræ lineares, cymbiformes, acutæ, corolla longiores.

FOEMINIS.

PERIANTHIIUM ut in mare.

COROLLA ut in mare.

PISTILLUM. Germen triquetrum magnitudine floris; styli 3 reflexi, hispidae.

Structuram reliquam paulum diversam habent foemineæ stirpes. **CULMOS** sc. decumbentes. **RAMOS** alios *steriles*, breves, crispis; alios *floriferos*, alternos, filiformes, flexuosos. **SPICAS** constantes *spiculis*, jam 1 vel 2 approximatis, jam 3, 4, 5 pollices & ultra distantibus; ad infimas 1 vel 2 non raro pedunculus uniflorus, longitudine ipsius spiculae.

Tab. III. fig. 1. A. Rami vaginis tumidis ad genicula obvoluti. B. Spica flexuosa. a. flos squamæ insidens. b. exemptus, utrinque magnitudine parum aucta. cc. folia 2 calycina, lanceolata. c* tertium planum. dd. Petala 2. d* tertium latius. e. stamina cuncta m. a. f. flos foeminius. g. Pistillum justo majus.

9. RESTIO Thrysifer, culmo nudo, tereti; Thyrso oblongo, terminali; spathis alternis, maximis in lobos diviso. Progr. nostr. 1772. pag. 11.

Conferatur cum charactere & descriptione Elegiæ Linn. Mantissa Plant. altera pag. 162 & 296.

CULMUS crassitie pennæ anserinæ, quadripedalis, simplicissimus, strictus, laevis, flexuosus, teres, viridi-fuscus, internodiis (6) pluribus, apicem versus spithamæis, interstrictus.

VAGINÆ ad singulos culmi nodos coriaceæ, deciduæ, sola persistente basi, quæ annulo nigro, protuberante culnum cingit.

THYRSUS terminalis, oblongo-ovatus, strictus, sesqui- vel bi-pollicaris, spathis sparsis alternis in lobos distinctus.

SPATHÆ oblongo-lanceolatae, fuscæ, punctatæ, margine scariosæ, fere unciales.

SPICÆ conglomeratae, ovatae, squarrosoe, imbricatae squamis concavis, lanceolato-subulatis, amplexicaulibus, interioribus sensim brevioribus.

FLORES dioici, concavi, gibbi, triquetri, in axillis squamarum sessiles.

MASCULOS non vidi. FOEMINIS.

PERIANTHÍUM. Folia 3; 2 linear-lanceolata, acutissima, compressa, concava, carinata; 3 linear planum.

COROLLA. Petala 3 linearia, paulo breviora, cum foliis calycis alternantia.

PISTILLUM. Germen maximum, gibbum. Styli 2 breves, crassi, reflexi, pubescentes.

Tab. III. Fig. 1. A. Culmus vaginalium basi persistente vestitus. B. Thrysus.
D. Spathæ. C. Glomeres spicarum intra easdem. a. spica. bb. folia
calycina 2 compressa, carinata. b* tertium planum. c. petala.

10. RESTIO distachyos, culmo tereti, nudo; spicis terminalibus, geminis, subterragonis.

CULMUS tripedalis, teres, tenuis, solidus, nudus, tenax, flexuosus, simplicissimus, fusco-maculatus.

VAGINÆ cylindricæ, striatæ, obtuse mucronatæ, laxe obvolutæ, (6) circiter, infimis approximatis.

SPICÆ 2 terminales, oblongæ, 4 fariam imbricatae, sesqui-unciae circiter longitudine.

SQVAMÆ coriaceæ, oblongo-lanceolatae, acutæ, concavæ, striatæ, magnæ, mucrone fuso terminatae, cæterum ferrugineæ.

FLÓS dioicus, concavus, alatus intra squamam singulam, cui multo minor.

FOEMINIS.

CALYX. Folia 3; 2 lateralia, concava, linearia, angustissima, ala dorsali, basi inflexa, latissima aucta, apice libero, subulato; 3 linear, carinato, angustissimo.

COROLLA. Petala 3 linear-lanceolata, carinata.

PISTILLUM. Germen triquetrum, rugosum. Styli 2, ad basin membranacei.

STAMINA vel MARES non vidi.

Ob habitum huc retuli, et si floris structura aliquantum recedit a reliquis.

Tab. III. Fig. 5. A. Culmus vaginis obvolutus.

B. Bases & C. apices spicarum terminalium.

a. b. c. d. e. floris partes m. a. exhibentes.

a. flos exemptus integer. b. idem, diductis foliis calycinis lateralibus.

ccc. folia 3 calycina reflexa.

d. Petala 3 erecta. e. Pistillum.





CAPUT II.

CHONDROPETALUM.

Genus hoc a priori num separarem, diu hæsitavi. Staminum & Pistillorum similitudinem; habitus in utroqve convenientiam, fructificationis porro notitiam in ambabus novi Generis speciebus defectu laborantem animadvertis, prioribus jungendas putavi. At dum Squamarum & flosculorum, nec non Perianthii & Corollæ proportionem atqve strueturam hic prioris inversam, Petalorumqve imprimis rigidam atqve cartilagineam naturam, molli atqve membranaceæ prioris teneritudini in totum oppositam, meditabar, notas distinctionis sufficientes adesse credidi; vincitqve eo citius posterior consideratio, qvo facilius inqvirenti fore credidi, plantas meas hac separatione detegere. Naturam Corollæ cartilagineam rationem nominis dedisse, nemo non videt. CHARACTER GENERIS seqventi modo se habet.

SPICA imbricata squamis concavis, coriaceis, rigidis, flores distingventibus.

FLORES dioici, triqvætri, solitarii in axillis Squamarum, qvibus longiores, sessiles.

MASCULO.

PERIANTHIIUM. Folia 3; qvorum 2 concava, carinata, exteriora; tertium interius, planum, amplexantia.

COROLLA. Petala 3, calyce multo longiora, cartilaginea, rigidissima, dehiscentia; horum 2 navicularia, carinata, compressa; 3 erecto plano.

STAMINA. Filamenta 3, membranacea, brevia; Antheræ cymbiformes, acutæ, longitudine ipsius corollæ.

FOEMINÆ.

PISTILLUM. Germen triqvætrum, magnum. Styli 3 patentes. Stigmata plumosa.

II. CHONDROPETALUM deustum, culmo tereti, compresso, simplicissimo; spica terminali, composita, secunda, Spathis interstincta. Program. nostr. 1772. pag. 12.

RADIX tenuis, fusiformis, teres, tomentosus, simplex.

STOLONES cylindrici, horizontales; squamis imbricatis, ovatis, lucidis, fuscis obtecti, qvorum e nodis radicantibus exsurgunt caules.

CAULIS. Culmi plures, subnudi, fasciculati, juncei, erecti, compressi, strictissimi, simplicissimi, sulcati, sesquipedales, viridi-flavescentes.

VAGINÆ coriaceaæ, spina subulata armataæ; *inferiores* atro-purpureæ, striataæ, oblongæ, lucidaæ; his *proximæ* longiores, cylindricaæ, virides, margine membranaceo, fusco, basin caulis obvolventes; *unica* tumidiuscula, culmum, cætera nudum, supra medietatem vestiente.

SPICA

CAP. II. CHONDROPE TALUM.

II

SPICA composita, secunda, stricta, bipollicaris circiter, *spathis* subternis, concavis, coriaceis, apice spinosis interstincta. *Spica* ad quamlibet spatham gemina, quarum una manifeste pedunculata; altera ad basin hujus subseffilis; utraque *spiculis* alternis, approximatis, onusta. SPICULÆ ovatae, rigidissimæ, imbricatae squamis ovatis, concavis, rugosis, obtuse mucronatis, nigerrimis, & quasi deustis, unifloris.

FLOS MASCULUS incurvus, gibbus, triqveter, squama duplo longior.

PERIANTHIVM. Folia 3, $\frac{1}{3}$ longitudinis corollæ; quorum 2 *exteriora*, ovata, concava, acuta, carina glabra; 3 *interius* planum amplexantia.

COROLLA. Petala 3 rigidissima, cartilaginea, lanceolata, lucida, ferruginea; quorum 2 navicularia, compressa, carinata, acutissima, circa Antheras conniventia; 3 lanceolato, plano, erecto.

STAMINA. Filamenta 3 membranacea, brevia. Antheræ cymbiformes, acutissimæ, longitudine petalorum.

FOEMINAM non vidi.

Tab. III. Fig. 2. A. Stolones. B. Culmi ad basin squamis obvoluti. C. Culmi nudi. D. Vaginæ superiores. E. Spicæ spathis interstinctæ. a b c d e e* f. floris partes m. a. a. spica. b. squama. c. flos ab uno. d. ab altero latere. ee. Petala 2 carinata. e* tertium lanceolatum planum. f. stamina.

12. CHONDROPETALUM nudum, culmo tereti; spicis cylindricis, glomeratis nudis. Progr. nostrum. 1772. pag. 12.

CULMUS tenax, teres, compressus, junceus, flexuosus, sordidus, griseus, sine striis & fulcis, in plura internodia (4—6), apicem versus breviora, distinctus.

VAGINÆ coriaceæ, tumidae, deciduae, nigerrimæ, mucrone rigido terminatae, genicula cingentes.

PANICULA minima, ovata, nuda, constans pedunculis brevibus, alternis, strictissimis; spicis in cylindros glomeratis undique tectis.

SPICULÆ ovatae, parvae, paucifloræ, imbricatae squamis subrotundis, concavis, coriaceis, nigerrimis, flores solitarios sessiles, dioicos, ipsis longiores, interstinctibus.

MAREM non vidi. FOEMINÆ.

PERIANTHIVM. Folia 3 oblongo-lanceolata; quorum 2 compressa, concava, carinata; 3 ovato, obtuso, plano.

COROLLA. Petala 3 rigida, apice dehiscentia, calyce duplo longiora, quorum 2 lanceolata, concava, compressa, carinata; 3 ovato, obtuso, piano, paulo breviore.

PISTILLUM. Gerumen compressum, triqveterum, magnum. Styli 3 patentes stricti. Stigmata plumosa.

Utramque speciem Königio nostro, qui e Promontorio Capitis bona spei misit, debo.

Tab. III. Fig. 3. A. Culmus vaginis tumidis, mucronatis, obvolutus. B. Panicula. a. b. c. partes floris m. a. a. flos integer ab uno latere, 3 calycina folia cum 2 petalis carinatis, concavis exhibens. b. idem ab altero latere 3 petala cum foliis calycinis lateralibus monstrans. c. Pistillum.



CAP. III. KYLLINGA.

Sequuntur jam Genera, habitu maxime inter se convenientia. CULMI his enodes, strieti, triquetri, interdum tamen teretes, striati, farcti, superne ut plurimum nudi. VAGINÆ fere semper integræ. FOLIA striata, carinata, margine & carina ciliis, non raro secantibus, armata, duriora & asperiora quam in veris graminibus. FRUCTIFICATIO in spicis solitariis, capitulis, umbellis, paniculis. INVOLUCRUM posterioribus ad apicem Culmi e foliis caulinis similibus, radiorum ad instar ex uno centro excurrentibus. PEDUNCULI basi vagina cylindrica, truncata, longiore, breviore, acuminata, mutica, obvoluti. OCHREAM hanc dixi, magnitudinem, terminationem, obvolvendi modum, colorem in plerisque speciebus exposui, atque ubi commode fieri poterat, depingi curavi; particula enim hac, licet minima, notam ceteris, quibus inter se cognatae distinguuntur species, accedere compertus sum.

SPICULÆ squamis floriferis, unifloris imbricatae; velamenta praeter has nulla; sed Stamina atque Pistillum nuda. A solita tamen hac florum fabrica dispari ratione recedunt 2 genera, quorum unum, libri nostri ultimum, intra distingentes squamas veras gerit corollas; alterum autem, hoc capite expositum, simplicitate sua se a reliquis distinguit omnibus, quum non spicula imbricata sive amento, at calyce unifloro, æque ac corolla biglumi, floreat. Nullum hujus familiae genus, quum se a proximis evidentiore & magis palpabili nota distingvat, moleste laturum credo neminem, quod e plantis pro maxima parte notis, sed antea sub alienis generibus expositis, more aliorum Botanicorum novum Genus in honorem meritissimi nostri Kyllingii confecerim.

FLORES in Capitulum vel Spicam imbricati.

CALYX. Gluma bivalvis; valvis lanceolatis, acutis, compressis, concavis; altera breviore.

COROLLA. Gluma bivalvis, calyce multo longior; valvula altera, majore, lanceolata, acutissima, concava, gibba, marginem alterius, brevioris, angustioris amplexante.

STAMINA. Filamenta 3 membranacea, plana. Antheræ lineares, didymæ.

PISTILLUM. Germen obovatum, complanatum, margine altero gibbum. Stylus unicus, apice bi- vel trifidus. Stigmata simplicia.

SCHOENOIDES, Character Genericus. Program. nostr. 1772. pag. 14.

13. KYLLINGA monocephala, culmo filiformi, triqvetro; capitulo globoso, sessili; involucro subtriphylllo, longissimo.

Gramen Cyperoides Maderaspatanum, capitulo grandiori, simplici, globoso, candicante, ad summum caulem medio foliorum sessili. Pluk. Amalh. pag. 113.

Gramen Cyperoides, Spica compacta, alba; foliis ad spicam partim albis, partim viridibus. Sloan. Hist. Jamaic. pag. 119. tab. 78. fig. 1.

Pee Mottenga. Rheed. Malebar. Part. XII. pag. 99. tab. 53.

Cyperus fibratus, spicis subrotundis, magnis, singularibus, foliis sessilibus. Morizon. Hist. Pl. Part. III. pag. 238. N. 28.

Gramen capitatum. Rumphii Amboin. Part. 6. pag. 8. tab. 3. fig. 2.

Schœnus Coloratus, culmo triqvetro, capitulo subrotundo, involucro longissimo, piano, variegato. Linn. Sp. Pl. Part. I. pag. 64.

Schœnoides culmo filiformi, triqvetro, capitulo globoso, sessili; involucro tetraphyllo longissimo. Program. nostr. 1772. pag. 15.

RADIX repens, fibrosa, ferruginea.

CULMI plures, simplices, triqvetri, filiformes, flacci, spithamæ, ad radicem foliosi, supra nudi.

FOLIA plura; *Infima* mucronis instar minima; *Reliquæ* linearia, striata, mollia, margine atque carina scabra, culmo breviora, coloris viridissimi; Vaginis albescientibus, membranaceis, integris infimum culmum ambientia.

INVOLUCRUM. Folia 3—4 longissima, cæteris perfecte similia, unicoloria.

CAPITULUM solitarium, sessile, globosum, parvum, culmum terminans.

FLORES parvi, acuminati, compressi, striati, gibbi, rachi undique affixi; coloris gryseo-ferruginei.

CALYX. Gluma bivalvis, decidua; Valvula altera lanceolata, concava, gibba, acutissima, carina hirta viridi; altera minor, apice reflexa.

STAMINA. Filamenta 3 plana.

PISTILLUM. Germen planum, obovatum, altero margine gibbum. Stylus unicus, apice bifidus. Stigmata simplicia.

Tab. IV. fig. 4.

14. KYLLINGA brevifolia; culmo setaceo, monophyllo, involucro triphylllo brevi, capitulo terminali sessili.

CULMUS erectus, triqveter, setaceus, palmaris.

FOLIUM unicum, lineare, acutum, viridi-fuscum, longitudine sesquipollitics circiter, vagina albescente, integrâ, nascentem culmum obducens.

INVOLUCRUM. Folia 3 linearisubulata, inæqvalia, unicoloria; maximo longitudine folii caulinæ.

CAPITULUM terminale, unicum, sessile, subglobosum.

FLORES plani, lanceolati, acuminati, striati, grysei, cum margine utroque viridissimo.

CALYX antecedentis.



COROLLA. Gluma bivalvis; valvulae compressae lanceolatae, concavae, acutissimae, subæquales, apice saepius reflexae; carina hirta, viridissima.

STAMINA & PISTILLUM ut in priori, cuius sola videtur varietas.

Hanc cum priori a Domino Königio habeo.

Tab. IV. fig. 3.

15. KYLLINGA triceps, capitulis terminalibus, glomeratis, subternis, sessilibus. Program. nostr. 1772. pag. 15. N. 23.

Juncellus Maderaspatensis, capitulis compactioribus, acumine bifido, longiori. Pluken. Phytogr. tab. 197. fig. 7.

Gramen Cyperoides, parvum, tricephalon, e regione Maderaspatensi. Pluken. Amalthe. pag. 112.

Cyperus rotundus, Indicus, capitulis subrotundis, conglomeratis. Morizon. Hist. pl. Part. III. §. VIII. pag. 236. num. 7.

Gramen Cyperoides, minus; spica compacta, subrotunda, viridi, radice odorata. Sloan. Hist. Jamaic. §. I. pag. 119. tab. 78. fig. 2.

Mottenga Rheed. Maleb. Part. XII. pag. 97. tab. 52.

Cyperus Maderaspatanus, minimus, Xanthoides Scheuchz. Agrostogr. pag. 401. tab. IX. fig. 11. qvi hanc & K Monocephalam pro varietatibus habet.

Scirpus glomeratus, culmo triquetro folioso &c. Linn. Sp. Pl. Part. I. pag. 64. Schenck tuberosus, culmo triquetro; capitulis ternis sessilibus; involucro longissimo viridi radice tuberosa. N. L. Buurm. Fl. Indica pag. 19.

RADIX tuberosa, ferruginea, fibrarum fasciculum perpendiculariter emittens.

CULMI plures, filiformes, debiles, triquetri, spithamei.

FOLIA ad radicem plura, linearia, obtusa, sesqui-pollicaria, flavescentia; culmos distinguunt, cingentia. Caulina 3 linearis-setacea, culmo non raro longiora, canescens, vel glauca.

INVOLUCRUM. Folia 3—4 lanceolato-linearia, unicoloria, inæqualia; maximum longitudine fere ipsius culmi; cætera sensim breviora.

FLORIS lanceolato-lineares, incurvi, striati, albidi, in capitula (3 rarius 4) sessilia glomerati.

CALYX. Glumen bivalvis, lanceolata, acutissima, concava, compressa; altera duplo breviore.

COROLLA bivalvis; valvula superior, lanceolata, acuta, concava, apice, reflexa; inferior $\frac{1}{3}$ parte brevior, carina nuda.

STAMINA. Filamenta 3, membranacea, plana. Antheræ lineares, didymæ.

PISTILLUM. Germen oblongo-ovatum, complanatum, margine altero gibbum. Stylus bifidus, laciniis capillaribus, reflexis. Stigmata simplicia.

SEMEN oblongum sine setis.

Capitulis ternis, carina nuda, minime viridi, colore culmi & foliorum canescente a præcedentibus, quibus alias simillima, differt. Nostra planta multo tenerior est, quam Sloanei & Rheedii. Dominus Königius legit.

Tab. IV. fig. 6.

16. KYL-

16. KYLLINGA panicea, culmo setaceo, triqvetro; spicis cylindricis, imbricatis; floribus triqveteris, subulatis, erecto-patentibus. Progr. nostr. 1772. pag. 15.

CULMUS setaceus, triqveter, spithameus, enodis, infra foliosus, supra nudus.

FOLIA culmo æqvalia, linear-setacea, carinata, mollia, margine reflexa; vaginis integris culmum ambientia.

INVOLUCRUM. Folia 4, caulinis similia, inæqvalia, maximo umbella 4 vel 5 longiore.

SPICÆ (1—2) subseffiles, & totidem circiter pedicillatæ, cylindricæ; floribus parvis, striatis, acuminatis, triqveteris in quintupla serie imbricatis.

OCHREA triqveta, trilinearis, truncata, basin pedunculorum vaginans.

CALYX. Gluma gemina, ovata, minima; altera longiore, acuminata.

COROLLA bivalvis; valvæ lanceolato-ovatæ, acuminatæ, concavæ; altera latiore, marginem alterius amplexante.

STAMINA. Filamenta 3, membranacea.

PISTILLUM. Germen triqveturum, oblongum. Stylus trifidus, laciniis capillaribus reflexis. Stigmata simplicia.

SEMEN unicum, incurvum, acute triqveturum, sine setis.

In Malebaria invenit Dominus Königius; in Oriente B. Professor Forskåhl.

Tab. IV. fig. 1.

17. KYLLINGA umbellata, culmo triqvetro; umbella strictissima, simplici; spicis terminalibus, solitariis; floribus confertis, reflexis.

Schœnoides culmo triqvetro, umbella &c. Program. nostr. 1772. pag. 15. N. 25.

Gramen Cyperoides Indiæ orientalis, spicis e communi centro plurimis, Alopecuro accendentibus, summo caule paniculatis. Pluk. Amalh. pag. 112.

Cyperus longus, Indicus, spicis oblongis, petiolis propriis insidentibus. Moriz. Hist. Pl. Part. III. §. VIII. pag. 238. Num. 26.

Koll-pullu. Hortus Maleb. Part. XII. pag. 119. Tab. 63.

Scirpus Cyperoides; culmo triqvetro, nudo; umbella simplici; spicis oblongis; flosculis subulatis, unifloris, reflexis. Linn. Mantiss. altera pag. 181.

CULMUS triqveter, striatus, tenuis, pedalis & altior, basi foliosus, supra nudus.

FOLIA 5 circiter, linear-lanceolata, striata, carinata, mollia; margine atque carina retrorsum scabra, culmo longiora, basi vaginantia, purpurascens, cæterum pallide viridia sive glauca.

INVOLUCRUM UNIVERSALE. Folia plura (10) umbella triplo longiora. PARTIALE. Folia terna, linearia, decidua, spicis, quibus breviora, subiecta.

RADII vel PEDUNCULI plurimi (5), striati, triquetri, centrum versus decrescentes.

SPICÆ cylindricæ, $\frac{2}{3}$ vel $\frac{3}{4}$ unciales, undique imbricatæ floribus unifloris, confertis, patentissimis vel reflexis, subulatis, striatis, parvis, sub-triquetris, viridi-fuscis; cunctæ præter intermediam unam & alteram, quæ sessiles, radios umbellæ terminantes.

OCHREA semipollicaris, truncata, oblique mucronata.


CALYX. Valvulae 2 ovatae, minimæ, deciduae; altera paulo longiore.

COROLLA. STAMINA. PISTILLUM. SEMEN ut in antecedente.

Magnitudine omnium partium, structura & duritie habitus, multitudine foliorum involucri, radiorum atque florum, accessione involucri partialis ab antecedente distinguitur.

Egregio nostro Königio hunc cum cæteris debemus.

Tab. IV. fig. 2.





CAP. IV. CYPERUS.

Inter pulcherrima gramina referri certe merentur hujus generis species. Non mirum ergo, qvod curiosorum in se incitaverint desiderium. Desiderium hoc auxit summa raritas & acqvirendi difficultas; hospitantur enim in calidis regionibus, & si 5 vel 6 species exceperis, extra Europæ nostræ limites omnes. In hortis penitus fere desiderantur, atqve in ditissimis anthophilorum collectionibus possessoribus invisas relinquunt lacunas. Notitia, qvam Icones atqve Descriptiones Authorum suppeditant, vix ejusmodi est, ut hiatus hos aliquo modo explere valeat. Figuris multorum caretus penitus, plurimorum, qvibus gaudemus, paucissimæ idoneæ atqve laudabiles; reliqua pars rudi adeo arte, atqve plumbea manu sunt confectæ, ut carere fere malles. Descriptiones breves vel incompletæ, communes pluribus notas potius, qvam alicui speciei proprias, recensentes, sine bonarum iconum adjumento inqvirentem fere semper incertum reddunt, ut indagatione novorum continua definitiones & descriptiones veterorum vacillare taceam.

Laboranti hac in parte Botanicaæ medicas is optime admoveare potest manus, qvi maxima specierum copia instruetus, latissimum hujus indies increcentis generis campum simul perlustrare, comparatione sic proximarum maximeqve affinium differentias veras tradere, nec non descriptiones & definitiones suppeditare valet; & qvum sine adjumento iconum in multis habitu simillimis difficillime idea Plantæ, noscere eam cupientibus, ingeneretur, & cæteroquin commoditati curiosorum, atqve decori scientiæ conduceat, figura idonea cuiusvis speciei gaudere, hanc etiam, ubi deficit, exhibere potest.

Inter stirpes plurimas raras, qvibus noster abundat Thesaurus botanicus, Cyperorum & affinium multo qvam, qvæ apud Authores enumeratur, major copia animum meum movit, ut in hoc & proximis generibus vires meas primum peticitarer. Rem non omnis esse difficultatis expertem deprehendi. Species sunt vere differentes, adeo tamen omnibus partibus habitu convenientes, ut earum veri characteres difficulter constuantur. Magnitudines culmi, foliorum, pedunculorum, spicarum, ratione soli & ætatis differunt. Eadem compositionis majoris vel minoris umbellæ est ratio. Numerus partium, ut semper multum variat, ita etiam hoc obtinet in squalmis, spicas constituentibus, qvum ex apice spicæ, durante incremento, continuo evolvantur novæ squalmæ. Color spicarum in recentibus dilutior, in senioribus sâpe intenditur, aliasqve ratione soli & cæli variat. Inflorescendi modus, figura spicarum, fabrica atqve coordinatio squalmarum maxi- mi momenti mihi sunt visa. Minime tamen nuper jam enumeratas notas repudiavi penitus; etsi enim hæc vel illa fallit seorsim, tamen tota syndrome his speculationibus affve-

G

tis



tis raro imponere valet; id qvod si maxime alias eveniret, minus tamen hac in re ob adjectas figuræ a me metuendum erit, qvum his, qvæ vel deficiunt, vel minus perspicua in oratione sunt, optime suppleantur, atqve pleniori luci exponantur.

Si species qvædam, uti C. dubius, C. cruentus vel C. rotundus, tenuiflorus, hexastachyos, pumilus, lectoribus non satis videantur distinctæ, considerent qvæso, notas dari, qvas uno discernit obtutu assuetus oculus, prolixâ oratione & plurimis ambagibus exprimere nequit lingvâ vel calamus, unde fit, ut legentes descriptionem, plantas eas parum differre, interdum jūdicent, qvas cominus inspectas pro diversis haberent. At, hac non obstante difficultate, si, consultis simul figuris, attente legantur descriptiones, notas, qvibus nostræ se distingvunt plantæ, non desiderari puto. Sic Culmi teneritas, foliorum angustia, umbellæ divisio, spicarum frequentia & tenuitas Cyperum tenuiflorum; culmi flacciditas, foliorum mollitudo, canities, umbellæ simplicitas, colorqve spicarum dilutior C. hexastachyum; culmi brevitas, spicarumqve figura C. pumilum satis bene distingvunt. Si quis vero hujus generis differentias solo, cælo, vel cultura, induci posse contendat, de hac re ex uno alteroqve inspeçto specimine certe constare non posse mihi concedat: tutius itaque, anteqvam varietatibus annumerantur constitutæ species, exspectaveris, usqve dum hoc docuerint facta experimenta, & observationes fide dignæ.

Synonymum unum alterumqve, ab authoribus omissum, non raro adduxi. Si qvoddam vel cautius omiserim, vel securius adduxerim, vel si fortasse ipsorum in enumeratione erraverim, ut altioris subsellii viri hos lapsus excusent, errantemqve in viam reducant, oro atqve obtestor; His etiam cum mendis usui esse possunt descriptiones atqve icones, imo subtiliore accidente lima, qvæ hujus generis maculas deterit & expungit, tuitionem demum atqve pleniorem afferent utilitatem.

Characterem genericum Linnæi assūmī. Hoc unum insuper moneo, qvod sqvamæ omnes, duobus infimis qvandoqve exceptis, debent esse floriferæ. Sqvamæ ipsæ, si attente ad basin considerentur, sunt alternæ, sed ubi hoc certis in speciebus præ reliquis videtur evidenter, pro charactere in descriptione adduxi. Seqvuntur jam ipsæ Species.

I8. CYPERUS, culmis setaceis, triqvætris, subnudis; spica simplici, terminali, ovata; sqvamis infimis, longius mucronatis.

Cyperus Monostachyos, culmo triqvætro, nudo; spica simplici, ovata, terminali, sqvamis mucronatis. Linn. Mantissa altera pag. 180.

Gramen Cyperoides minimum, spica simplici, compacta, radice tuberosa, odorata.

Sloan. Histor. Jamaic. 120. Tab. 79. fig. 21.

RADIX tuberosa, fibras flexuofas, filiformes, capillatas, ferrugineas emittens.

CULMI plures, setacei, pedales, flexuosi, laxi.

FOLIA plurima, setacea, spithamæa, glauca, vaginis membranaceis, ferrugineis, laxis, bases culmorum ambientia, distingventia.

SPICA terminalis, nuda, semiuncialis circiter, solitaria, ovata, compressa, disticha; imbricata sqvamis (XII—XIV) alternis, ovato-lanceolatis, concavis, glaberrimis, carinatis, ad basin deciduis mucronatis; mucronibus binorum infimorum longioribus.

Color totius graminis glaucus, squamārum albidus, virescens; carina ferruginea.

Post Programma editum An. 1772 a Königio missum obtinui, qvi, nisi omnia me fallunt, C. Monostachyos L. est.

Tab. XIII. fig. 3. A. Culmi cum radicibus & foliis. B. Folia. C. Culmi nudi. D. Spicæ terminales.

19. CYPERUS lavigatus, culmo triqvætrō, nudo; capitulo diphylo; floribus lœvatis. Program. nostr. 1772. pag. 17. Linn. Mantissa altera pag. 179.

CULMUS sesquipedalis, nudus, crassitie pennæ anserinæ fere, intus porosus, siccitate colapsus; rugosus, flaccidissimus, testacei vel ferruginei coloris, cum maculis fuscis.

INVOLUCRUM. Folia 2, stricta, convoluto-subulata. *Superius* basi latum, concavum, ex apice culmi productum, capitulo triplo aut quadruplo longius; *Inferius* eidem subiectum, reflexum, superiori dimidio brevius.

CAPITULUM terminale, solitarium, e spicis (30) plurimis, sessilibus, albidis, glabris, conglomeratum.

SPICÆ lanceolato-oblongæ, distichæ, $\frac{1}{2}$ — $\frac{2}{3}$ unciales XVI—XX floræ. *Flores* vel *squamæ* concavæ, obtusissimæ, nitidæ, coriaceæ, albidæ, Dorso striato, testaceo, cum mucrone brevissimo, carinato.

STAMINA ferruginea extus prominentia.

Ad Caput Bonæ Spei invenit Dominus Königius.

Tab. XVI. fig. 1. A. Culmus. B. Involucrum. C. Capitulum & Spicæ.

20. CYPERUS mucronatus, scapo nudo, vaginato, triqvætro; involucro monophyllo, stricto; spicis subternis, sessilibus. Program. nostr. 1772. pag. 17.

CULMI plures, pedales, subnudi, flavescentes, triqvætri, ad basin, vagina 2 vel $2\frac{1}{2}$ unciali, ferruginea, vestiti, quæ saepius mucrone brevissimo, rarius folio subulato, stricto, longitudine dimidia culmi terminatur; apice in acumen strictum, rectum, producti.

SPICÆ ad 1— $1\frac{1}{2}$ pollicis distantiam infra apicem, oblongæ, rarissime solitariae, saepius numero admodum vario (2—7) aggregatae, frequentius ternæ, $\frac{1}{2}$ unciales, densissime imbricatae squamis coriaceis, nitidis, ovatis, obtusis, concavis, carinatis, albidis (XX) circiter.

INVOLUCRUM præter apicem culmi nullum.

Simillimus priori, spicis præsertim, quæ distingvi nequeunt; differt tamen evidenter teneritudine majore, defectu involuci infimi, spicarum longe minore numero.

In Arabia a B. Prof. Forskål collectus.

Tab. VIII. fig. 4. A. Culmi ad basin vaginis obvoluti. B. Culmi nudi. C. Capitulum cum spicis. D. Involucrum.

21. CYPERUS pygmæus, culmis triquetris, aggregatis; involucro polyphyllo; capitulo terminali, subsolitario; flosculis subæqualibus, apice spinulosis.

Gramen Cyperoides parvum Sinicum, capitulo globoso, ad summum caulem inter 4 folia sessile. Pluken. Amalthe. Botanic. pag. 112.

Scirpus Michelianus, culmo triquetro, capitulo globoso, involucro polyphyllo longo. Linn. Sp. Plantar. Part. I. pag. 76?

Cyperus Italicus omnium minimus. Till. Hort. Pisanius. 51 tab. 20. fig. 5?

CULMI plures, aggregati, triquetri, brevissimi, digitales, & breviores.

FOLIA ad basin culmi plura, linear-lanceolata, striata, carinata, culmum superantia.

INVOLUCRUM UNIVERSALE. Folia plura (6), inæqualia, caulinis similia, patentia, capitulo longiora. *Partiale*, squama oblongo-linearis, tubulata, concava, spicam singulam, cui longior, amplexans.

CAPITULUM terminale, solitarium; interdum 3—4 aggregata; densissime spicis erectis conglomeratum.

SPICÆ plurimæ, ovatæ, concavæ, minimæ, planissimæ, distichæ, imbricatæ squamis (X—XII) lanceolato-subulatis, concavis, subæqualibus, carinatis; apice mucronato, subspinoso, erecto.

STAMINA. Filamentum unicum, flexuosum, membranaceum, planum.

PISTILLUM. Germen incurvum, triquetrum. Stylus unicus. Stigmata 3, capillaria.

Inter semina pro horto nostro a Domino Königio e regione Tranquebarensi missis.

Statura & fabrica capituli, magis ad figuram in Horto Pisano accedit, quam subseqvens, quare synonyma huc transtuli.

Tab. XIV. fig. 5. cum capitulis maturis. Inter semina pro horto a Domino Königio missis detectus est.

Fig. 4. ante plenariam perfectionem delineatus, in horto provenit a prioris seminibus.

A. Culmos folio obiectos. B. Nudos. C. Capitula solitaria. D. Conglomerata in utraqve figura indicant.

a & b spicæ cum involucro, punctis ad suas figuræ deductæ.

22. CYPERUS dubius, culmo setaceo, triquetro; capitulo terminali; involucro tetraphyllo, longissimo. Program. nostr. 1772. pag. 17. excluso nomine triviali & synonymo.

CULMI plures, setacei, erecti, palmates, triquetri.

FOLIA linearia, striata, carinata, mollia, longitudine circiter culmi.

INVOLUCRUM. Folia quatuor, interdum plura, caulinis similia, inæqualia; 2 vel 3 longissimis.

CAPITULUM terminale, solitarium, subrotundum, spicis innumeris glomeratum.

SPICÆ linear-lanceolatae, parvae, compressæ, evidentissime distichæ, imbricatæ squamis VI—VIII circiter, concavis, ovatis, compressis, obtusissimis.

STAMINA 3.

PISTILLUM. Germen gibbum, subtriquetrum. Stylus unicus, bifidus.

Königius e Malabaria misit hunc, qvi facie adeo similis est K. monocephalæ, ut capitulo solo mutato, figura unius in locum alterius substitui possit; diversissimum tamen esse monstrat structura spicarum longe alia.

Tab. IV. fig. 5. Capitulum cum involucris fistit.

a. spica. b. squama cum flosculo. c. pistillum. d. germen transversim sectum.

23. CYPERUS cruentus, culmo triqvetro; involucro polyphyllo, longo; umbella simplici; spicis conglomeratis; flosculis sulcato-punctatis. Program. nostr. 1772 pag. 17.

CULMI aggregati, triqvetri, tenues, ad basin bulbosi, inferiore parte vaginis foliorum membranaceis, albidis, laxis, vestiti; supra nudi.

FOLIA 6 circiter, linearia, longissima, striata, carinata, conduplicata.

INVOLUCRUM. Folia (5) plura, patentia, longissima, prioribus similia. **INVOLUCRUM PARTIALE** nullum.

OCHREÆ laxæ, 2 ad 3 lineas longæ, oblique truncatæ, punctis cruentis aspersæ.

CAPITULUM centrale, sessile, cinctum radiis paucis, patentibus, glomere spicarum terminatis, centrum versus decrescentibus; extimus capitulo ipso longioribus.

SPICÆ lanceolatae, acutæ, torosæ, distichæ, 4 circiter lineas longæ, coloris testacei; imbricatæ squamis (XII—XIV) alternis, membranaceis, concavis, cum parvo acumine ovatis, sulcatis, decursu rachim ala membranacea augentibus. Lineæ punctis oblongis, cruentis, factæ, cum singulis striis alternantes.

STAMINA tria membranacea.

PISTILLUM. Germen glabrum, fuscum, triqvetrum. Stylus unicus. Stigmata 3 hirsuta, flexuosa, longissima, ferruginea.

Juniora specimina, nondum excretis radiis, & evolutis floribus, spicas gerunt ovatas, squamis VI modo constantes, sed structura reliqua nullam differentiam monstrat.

Legit Dominus Forskål in Arabia ad Bolghofin.

Tab. V. fig. I. A. Culmus. B. Umbella cum involucro. C. Glomeres spicarum.

a. spica. b. squama. c. flosculus.

Fig. 4. Junioris plantæ A. Culmus. B. Folia. C. Capitulum umbellatum.

a. b. c. ut in antecedente.

24. CYPERUS conglomeratus, culmis subtriquvetris; foliis fasciculatis, strictissimis, canaliculatis, sesquipedalibus; capitulo paniculato, terminali, triphyllio. Program. nostr. 1772. pag. 16.

RADIX fibrosa.



CULMI

CULMI in fasciculum, crassitie minimi digitii, compacti, squamis exaridis extra foliorum vaginas ad basin obvoluti, supra nudi, tenuis, sulcati, subtriqvetri, flavescentes, torti.

FOLIA fasciculata, semiteretia, canaliculato-subulata, sesquipedalia, tenacia, lignea, subtilissime striata, sine carina, margine punctis rigidis scabra, glauca; basin culmi ad palmæ spatium, vaginis nigro-purpureis, glabris, amplexantia.

INVOLUCRUM in specimine, quod vidi, unico, tetraphyllum, laxum, flexuosum, inaequale; Folia 2 ex ipso culmi apice producta. *Maximo* dodrantali *Secundi* duplo. *Tertium* inter pedunculos exiens subulatum, incurvum, unciale. *Quartum* capitulo subiectum, sesquiunciale fere, reflexum.

OCHREÆ breves, admodum oblique truncatae, obtusæ.

CAPITULUM sive UMBELLA terminalis, conglomerata, polystachia; umbellulae centrales sessiles; laterales brevissimis firmisque pedicillis insistentes.

SPICÆ ovato-lanceolatae, distichæ, densissime imbricatae squamis membranaceis, ovatis, concavis, striatis, (XIV—XVI) glabriusculis, glaucis, vel gryfeis, cum sublucente purpura; carina in acumen minimum producta.

PISTILLUM. Germen minimum. Stylus trifidus.

In Insula Gorâb & circa Ghunfudam a B. Prof. Forskåhl, qui nomen Cyperi Arundinacei adscripsit, inventus est, foliis suis a congeneribus distinctissimus.

Tab. XV. fig. 7. A. fasciculus foliorum. B. folia. C. Apex culmi. D. Umbella terminalis.

a. spica. b. squama a tergo. c. eadem a latere. d. pistillum.

25. CYPERUS effusus, culmo tereti, subligneo; umbella rara; spicis conglomeratis; involucro subulato, triphylio. Program. nostr. 1772. pag. 16.

CULMI apex teres, pulverulentus, solidus, tenuis, sulcatus, subtilissime striatus, albidus.

INVOLUCRUM UNIVERSALE, triphyllum, inaequale; Folium *maximum*, umbella longius, continuatio ipsius culmi in acumen anceps, rigidum, aduncum, canaliculato-subulatum; *Duobus* reliquis, subulatis, lateralibus, umbella brevioribus. INVOLUCRUM PARTIALE foliolum ovatum, basin radiorum obvolvens.

CAPITULUM solitarium, sessile, spicis divaricatis glomeratum; interdum præter hoc 2—3 lateralia, radiis rigidis, brevibus, insistentia.

SPICÆ fere ut in antecedente; sed longiores, oblongo-lanceolatae, distichæ, $\frac{2}{3}$ unciales UNICOLARUM instar, densissime imbricatae, squamis XXX—XXXII membranaceis, subpubescentibus, concavis, ovatis, striatis, cum parvo acumine carinatis; coloris gryfei, cum sublucente purpura.

Antecedenti maxime affinis.

Ad Mockam in Arabia a B. Prof. Forskåhl inventus.

Tab. XII. fig. 3. A. Culmus. B. Umbella cum involucro. C. Spicæ.

26. CYPERUS aristatus, capitulis oblongis, sessilibus, & pedunculatis; spiculis linearibus, minimis; flosculis subulatis, reflexis. Program. nostr. 1772. pag. 22.

Scirpus (capitatus) culmo tereti, folioso; capitulis axillaribus, pedunculatis; involucro diphylo, lineari. N. Buurmanni Flora Indica pag. 21.

Gramen hirsutum, Indicum; glomeratis capitulis Logopi, cæruleis; gluma e squamu lis plurimis purpurascensibus; aristâ unica donatis, compactili. Plukenet. Phyt. 178. tab. 190. fig. 7. mala.

Scirpus intricatus, culmo triqvetro, nudo, umbella foliosa, simplici; floscularum squamis subulatis, recurvatis. Linn. Mantiss. alt. pag. 182.

RADICES fasciculatæ, capillares, ferrugineæ.

CULMI plures, fasciculati, striati, triqvetri, digitales, infra vaginis foliorum coccineis vestiti, supra nudi.

FOLIA graminea, linearia, carinata, mollia, testacea, culmum fere æqvantia.

INVOLUCRUM. Folia 3—4 inæqvalia; maximis umbella fere duplo longioribus.

OCHREÆ ferrugineæ, 2 circiter lineas longæ, truncatæ.

CAPITULA florum oblonga, parva, 1—2 sessilia, & 2—3, pedunculis (uncialibus circiter) strictis, insistentia, e spicis plurimis conglomerata.

SPICÆ distichæ, lineares, tenues, squarrosoe, minimæ, (1 lin.) imbricatæ flosculis (VIII—X) lanceolatis, canaliculatis, acutissimis, striatis, margine subciliatis; apice subulatis reflexis, ferrugineis, cum basi non raro coccinea..

Domino Königio debemus.

Tab. VI. fig. I. A. Culmi cum radicibus & foliis. B. Umbella cum involucro. C. Radius capitulo terminatus.

a. spica cum squama b. m. a.

27. CYPERUS umbella simplicissima, polyphylla; capitulis terminalibus, solitariis, oblongo-ovatis; spicis ovatis, concavis, densissime conglomeratis. Program. nostr. 1772. pag. 23. No. 59.

Scirpus Luzulæ, culmo triqvetro, nudo, umbella foliosa, prolifera; spiculis subrotundis. Linn. Sp. Pl. Part. I. pag. 75?

N. Buurm. Fl. Indica pag. 22.

Gramen Cyperoides, orientale, panicula elegantissima in glomerulos conflata. Plukenet. Mant. 97. tab. 417. fig. 3.

Gramen Cyperoides minus, spicis compactis, subrotundis, flavicantibus. Sloan. Jam. tab. 79. fig. 1.

CULMUS sesquipedalis, strictus, striatus, triqveter, supra nudus.

FOLIA ad basin culmi (3—4) lanceolata, carinata, striata, margine retrorsum scabra, lineas 2 & ultro lata, longitudine culmi.

INVOLUCRUM patens, polyphyllum, (8—9) longissimum, margine & carina subacuteatum.

OCHREÆ laxæ, 3 circiter lineas longæ, striatæ, orâ superiori obliquissimæ, ferrugineæ, membranaceæ.

UMBELLA simplicissima. RADII five PEDUNCULI numero foliorum involuci, patentes, firmi, triqvætri; *extimi* biunciales; *intimi* qvo centro propiores, eo breviores. Omnes capitulo solitario, oblongo-ovato, magno, terminati.

SPICÆ confertissimæ, minimæ, ($1\frac{1}{2}$ lin.) ovatæ, concavæ, compressæ, distichæ; imbricatæ *squamulis* X—XII ovatis, concavis, membranaceis, sine striis manifestis, pellucido-argenteis.

Color totius Graminis glaucus.

Ex horto Amstelodamensi sicciam advexit hortulanus noster industrius Kæsemaker.

Varietatem dimidio minorem capitulis minoribus, tuberculatis, & e minoribus veluti conflatis, in Suriname legit Dominus Rolander. Fecit hæc, uti & Domini Buurmanni in Flora Indica authoritas, ut nostrum, cum dubio tamen, ad Scirpum Luzulæ Linnæi referam.

Tab. XIII. fig. 2. A. Culmus cum foliis. B. Culmus nudus. C. Umbella cum involucro. D. Radii. E. Capitula.
a. spica cum squama. b. m. a.

28. CYPERUS difformis, culmo triqvætro, subnudo; umbella diphylla, simplici, trifida; spicis linearibus, conglomeratis. Linn. Sp. Pl. Part. I. pag. 67. Mantissa altera pag. 321. Program. nostr. 1772. pag. 19.

Gramen Cyperoides elegans, Vassumbo Curri Malabarorum. Plukenet. Amalthe. tab. 317. fig. 5. mala.

Potius Cyperus Maderaspatanus minor, panicula e spicis mollibus composita. Moriz. Histor. plant. Part. III. §. VIII. pag. 238. No. 33.

Gramen Cyperoides elegans, panicula spicis valde mollibus composita, Maderaspatanum. Pluk. Almag. botanic. pag. 179. Phytogr. Tab. 192. fig. 2.

RADICES fasciculatæ, fibrosæ, ferrugineæ.

CULMUS triqvæter, flaccidus, debilissimus, pedalis, foliis binis linearibus, mollibus, biuncialibus, viridi-fuscis, supra basin instructus, cæterum nudus.

INVOLUCRUM UNIVERSALE; folia 2—3 linearia, margine scabra, qvorum unum terminale, erectum, longissimum; reliquum vel reliqua (si duo) inæqvalia, umbellæ subjecta, patentia, multo breviora. INVOLUCRA PARTIALIA. Squamæ lanceolatæ, vel ovato-acuminatæ ad ortum spicarum.

OCHREÆ ferrugineæ, striatae, laxæ, truncatæ, obtuse acuminatæ.

UMBELLA simplex. Radii (3—5) pauci, patentes, stricti, inæqvales, breves; singuli spicarum plurimarum (XXIV—XXX) in rosulam sparsarum glomere terminati, capitulo intermedio uno, alteroqve, sessili.

SPICÆ distichæ, lineares, tenerrimæ, 2 ad 3 lineas longæ, imbricatæ squamis (X—XII) parvis, alternis, remotiusculis, membranaceis, subrotundis, concavis, carina striatis, ferrugineis, cæterum albis.

Tab. IX. fig. 2. A. Culmus cum foliis. B. Umbella cum involucro. C. Rosulæ spicarum.

a. spica cum b. squama m. a.

29. CYPERUS squarrosum, culmo triquetro, folioso; umbella foliosa, glomerata; spicis linearibus, striatis, squarrosois. Linn. Sp. Plant. Part. I. pag. 66. Progr. nostr. 1772. pag. 17.

Grama Cyperoides, Maderaspatanum, minimum, Ischæmi paniculis cum aristis. Plukenet. Amalthea. 114. tab. 397. fig. 2.

RADICES capillares, fasciculatae, nigræ.

CULMI plures, 1—2 unciales, filiformes, triquetri.

FOLIA linearis-setacea, toto gramine longiora, vaginis purpurascientibus, basin culmi ambientia; recentia glauca, vetustiora ferruginea.

INVOLUCRUM. Folia 4, raro 3, aut 5, alternis brevioribus, umbella longiora, patentia, caulinis similia. Bracteæ parvæ, ovatae, ad basin spicæ singulæ.

OCHREÆ brevissimæ, truncatae, muticæ.

UMBELLA bi- vel trifida; umbellula intermedia sessilis, laterales 2—3 interdum, brevissimæ, subsessiles, nudæ, partem prioris mentientes, saepius pedunculis divaricatis, longitudine fere umbellulæ centralis, insistentes.

SPICÆ plurimæ, lineares, acutæ, striatæ, squarrosoe, distichæ, radiorum ad instar in orbem sparsæ, licet alternæ.

SQVAMÆ communiter (X—XIV) lanceolatae, acutissimæ, compressæ, carinatae, apice reflexæ, subhirtæ, ferrugineaæ vel gryseæ, carina virides, cotulam orbiculatam post decidentiam relinquentes.

Etsi figura spicarum non minus ac longitudine & numero involucri a specimine, quod in Amoenitatibus descripsit Linnæus, differat, eandem tamen speciem esse monstrant attributa reliqua, & annotationes seriores in Mantiss. Pl. altera pag. 321.

Ad Caput B. Spei & in Tranquebaria collegit Dominus Königius.

Tab. VI. fig. 3. A. Culmi cum foliis & radicibus. B. Umbellæ cum involucro.

a. spica. b. squama a tergo. c. a latere.

30. CYPERUS Jeminicus, culmo incurvo, triquetro, basi bulboso; foliis fasciculatis, setaceis; umbella simplicissima; spicis eonglomeratis. Program. nostr. 1772. pag. 24.

RADIX bulbosa, basi radiculas fibrosas, flexuosa, simplices emittens.

CULMUS tenuis, flexuosus, triqveter, palmaris, superiori parte nudus.

FOLIA fasciculata, linearis-setacea, flexuosa, culmo breviora, basi latecente, ferruginea, bulbum augentia.

INVOLUCRUM universale, diphyllo, umbella paulo longius. INVOLUCRUM partiale, squamæ lanceolatae, acuminatae, ad ortum spicarum.

UMBELLA simplicissima, constans radiis paucis (3—4) cum umbellula intermedia (1—2) subsessili, longitudine pedunculorum.

SPICÆ ad apices pedunculorum glomeratae, lineares, compressæ, distichæ, unciam vix longæ; imbricatae squamis plurimis (XXX circiter) lanceolatis, acutis, concavis, carinatis, apice recurvis, margine membranaceis.



STAMINA. Filamenta 3 membranacea. Antheræ subulatæ.

PISTILLUM. Germen parvum, triquetrum. Stylus trifidus. Stigmata longissima, flexuosa, hirsuta.

Color culmi & foliorum glaucus; spicæ variegatae; squamæ nigro-purpureæ, carina, striis & magine albæ. Filamenta, Germen & Stylus alba, Antheræ & stigmata nigro-purpurea.

In regione Jeminensi in Arabia invenit B. Prof. Forskål.

Tab. VIII. fig. I. A. Bulbus cum radiculis & foliis.

B. Culmus.

C. Umbella cum involucris.

a. spica. b. squama.

31. CYPERUS articulatus, culmo tereti, nudo, articulato. Linn. Sp. Plant. Part. I.

pag. 66. Program. nostr. 1772. pag. 16.

Juncus Cyperoides, creberrime geniculatus, medulla farctus, aquaticus, radice rubra, tuberosa, odorata. Sloan. Hist. Jam. Part. I. pag. 121. tab. 81. fig. I.

CULMUS articulatus, teres, farctus, siccitate collabescens, nudus, plus quam pedalis, coloris caesi.

INVOLUCRUM. Squamæ ovatae, concavæ, striatae, minimæ, exterius ad basin umbellæ; his similes, sed angustiores, lanceolatae, concavæ, ad ortum pedicillorum.

OCHREÆ peduncularum striatae, punctatae, ora superiori obliquæ, acuminatae. OCHREÆ Pedicillorum similes, sed breviores.

UMBELLA nuda, subsimplex. Radii plures (8—9) striati, filiformes, flexuosi, inæquales; longiores triunciales, apice subtrifidi; breviores ($\frac{1}{2}$ —1) unciales simplicissimi; umbellula non raro intermedia una, alteraque, subseffili.

SPICÆ confertæ, lineares, alternæ, 6—9 circiter lineas longæ, 1 latæ, coloris ferruginei, imbricatae squamis (XVI—XX in perfectioribus), alternis lanceolatis, concavis, carina striatis, hac uti & margine albis.

In Suriname collegit Dominus Rolander; Rosette in Ægyptia pulchriora & perfectiora specimina sub nomine Cyperi Nilotici novi B. Professor Forskål.

32. CYPERUS sphacelatus, culmo triquetro; umbella simplicissima; spicis linearibus, alternis, compressis; flosculis margine sphacelatis. Program. nostr. 1772. pag. 21.

RADIX bulbosa, fibras plures flexuosas undique emittens.

FOLIA ad radicem (5) plura, linearia, graminea, glauca, longitudine fere culmi.

CULMUS tenuis, pedalis, striatus, triqveter.

INVOLUCRUM universale. Folia 3 linearia, patentia, umbella longiora. INVOLUCRUM partiale. Squamæ linearis-setaceæ, ad pedicillorum ortum.

UMBEL-

UMBELLA simplicissima. Radii pauci (2—3) erecto-patentes, striati, triqveteri, sesquiuinciales, apice floribus five spicis paucis, alternis, onusti, cum umbellula una alteraque, intermedia, subsessili.

SPICÆ distichæ, lineares, complanatae, longitudine 4 vel 5 linearum; imbricatae flosculis alternis, oblongis, concavis, carinatis, glaucis, dorso viridibus, striatis, margine inferiori ad commissuram cum socio macula oblongo-lineari, nigro-purpurea, inquinatis.

RACHIS flexuosa.

Figura Scheuchzeri tab. VIII. 14 melius hujus, quam ejus, cui applicatur, umbellam designat. In Suriname detexit Dominus Rolander, qui ad Cyperum compressum Praceptoris retulit, de macula monens.

33. CYPERUS compressus, culmo triqvetro, nudo; umbella universali triphylla; glumis mucronatis, latere membranaceis. Linn. Spec. Plant. Part. I. pag. 68. Program. nostr. 1772. pag. 21.

Cyperus rotundus, gramineus, fere inodorus; panicula sparsa, compressa, viridi. Sloan. Hist. Jamaic. Part. I. pag. 117. tab. 76. fig. 1?

Graminis Cyperoidis species major, Vaudemalécodes Malabarorum. Pluk. Mantiss. pag. 97. tab. 417. fig. 2.

RADIX fibrosa, fusca.

CULMUS triqveter, striatus, supra nudus, pedalis.

FOLIA ad basin subterna, graminea, linearia, mollia, culmo breviora, glauca; vaginis purpurascientibus.

INVOLUCRUM universale. Folia 4 linearia, quorum maxima, umbella fere duplo longiora. **INVOLUCRA** *partialia* nulla.

OCHREÆ 3 lineas fere longae, coccineæ, apice pallescentes, truncatae.

UMBELLA simplex. Radii five pedunculi inæquales, $1\frac{1}{2}$ ad 3 uncias longi, filiformes; spicis digitatis quaternis terminati, cum umbellula intermedia, sessili.

SPICÆ lanceolatae, distichæ, lateribus compressæ, subtetraqveteræ, angulis lateralibus extantioribus, longitudine circiter $\frac{3}{4}$ ad 1 unciam.

SQVAMÆ in spica singula (XX—XXIV) concavæ, lanceolatae, compressæ, acuminatae, dorso atque carina virides, lateribus 3—4 striis purpureis pictæ, margine membranaceæ, albidae, basi deciduae.

Figura Sloanei, si nostram designat, minus laudabilis.

Dominus Königius e Malabaria misit.

Tab. IX. fig. 3. A. Culmus. B. Umbella cum involucro. C. Spicæ terminales.

a. squama.

34. CYPERUS hexastachyos, foliis gramineis, linearibus, molliusculis, glaucis; umbella simplici flaccida; spicis linearibus, alternis, subsenis.

Cyperus rotundus culmo triqvetro, subnudo, umbella decomposita, spiculis alternis linearibus. Linn. Fl. Zeil. pag. 15. N. 36. Sp. Plant. Part. I. pag. 67.
RADIX fibrosa, nodulos sive tubera, e quibus more generis nova germinat proles, hinc inde emittens.

CULMUS bipedalis, tenuis, striatus, triqveter.

FOLIA (5—6) alterna, linearia, molliuscula, longissima, glauca, margine levia, vaginis membranaceis, testacei coloris, ad 3 vel 4 pollices, Culmi basin obducentia.

INVOLUCRUM universale. Folia (4—5) inaequalia; maximis (1—2) umbella paulo longioribus. PARTIALE squama lanceolato setacea spicæ singulæ subiecta.

OCHREÆ oblique truncatae, striatae, laxae, coloris testacei.

UMBELLA simplex. Radii (3 vel 4) filiformes, flaccidi, tenues, 2—3 unciales, cum umbellula centrali, subsessili.

SPICÆ (4—7) frequentius (6) alternæ, lineares, acutæ, distichæ, ferrugineaæ, vel dilute purpureæ, margine albidae, glabrae, unciales fere, imbricatae squamis XIV—XVI, lanceolatis. obtusis, concavis; carina striata, viridi.

In Arabia a B. Forskållo lectus est. Synonymo ansam dedit Hermanni Herbarium, in biblioteca Excellentissimi Comitis de MOLTKE asservatum, cui numerus Fl. Zeilanicae Linnæi ipsius manu est adscriptus.

Tab. XIV. fig. 2. A. Culmus inferior foliis obtectus. B. Stolonum tubera. C. Culmus nudus, transversim sectus, magnitudine fere naturali. D. Umbella cum involucro. E. Radii. F. Spicæ.

35. CYPERUS tuberosus, culmo triqvetro, basi folioso; involucro triphyllum; umbella composita; spicis lanceolatis, teretiusculis. Program. nostr. 1772. pag. 18.

RADIX tuberosa, fusca vel ferruginea, squamis membranaceis, emarcidis per zonas vestita, fibras plurimas undique emittens.

CULMUS triqveter, supra nudus, bipedalis, testaceus, fusco-maculatus.

FOLIA 4 vel 5 alterna, lanceolata, longissima, glauca, margine atque carina scabra.

INVOLUCRUM UNIVERSALE. Folia 3, inaequalia, caulinis similia, maximo umbella duplo vel triplo longiore. INVOLUCRUM PARTIALE. Bractæ setaceaæ, ad divisionem Paniculae atque Florum exortum.

OCHREÆ ferrugineaæ, striatae, oblique truncatae, 2 lineas circiter longæ.

UMBELLA composita, constans radiis sive pedunculis (4—5) inaequalibus, sesqui- vel buncialibus fere, apice interdum divisis, cum umbellis centralibus, una, alteraque, brevissime pedunculatis.

SPICÆ alternæ, lanceolatae, teretiusculæ, distichæ, crassæ, longitudine dimidiæ circiter unciæ, imbricatae squamis ovatis, concavis, (XII circiter) dorso striatis, dilute ferruginea, margine membranaceis, albidis.

Tab. VII. fig. 1. A. Tuber, unde radiculae. B. Folia. C. Culmus. D. Umbella. E. Radii spicas ferentes.

a. spica. b. squama.

36. CYPERUS, culmo folioso, triqvetro; involucro tetraphyllo; umbella composita; spicis alternis, oblongo-lanceolatis, nitidis. Program. 1772. pag. 19.

Cyperus pumilus, culmo triqvetro, nudo; umbella diphylla, composita; spiculis alternis, digitatis, lanceolatis; glumis mucronatis. Linn. Sp. Plant. Part. I. pag. 67.

Gramen Cyperoides, pumilum, elegans e Maderaspatan. Pluken. Almagest. botanic. 179. tab. 191. fig. 8?

CULMUS palmaris, triqveter.

FOLIA lanceolata, vel linear-lanceolata, carinata, striata, margine inermia, revoluta, vaginis pallide purpurascensibus, reticulatis, basin culmi ambientia; coloris flavescentis.

INVOLUCRUM sub-tetraphyllum, inaequale; foliis alternis brevioribus, angustioribus, umbella minoribus.

OCHREÆ oblique truncatae, striatae, fuscæ, tres circiter lineas longæ.

UMBELLA composita. Umbellulae intermediæ sessiles; laterales pedunculatae; *Pedunculi f. Radii* pauci (4), 1—1½ unciales, striati, stricti, apice 7—10 spicas alternas, subdigitatas (inferioribus non raro binatis) proferentes.

SPICÆ oblongo-lanceolatae, distichæ, planissimæ, nitidæ, 5—7 lineas longæ, 1—2 & ultro latæ, imbricatae squamis (XVI—XVIII circiter) compressis, lanceolatis, concavis, obtusis, fuscis, vel obscure purpureis sive spadiceis, glaberrimis, lucidis, carina striatis, hac atque margine flavescentibus.

Subsequenti colore, carina, & structura squamarum simillimus.

Sub nomine *C. Pumili* sc. L. misit Dominus Königius, nec figura Plukenetii multum abscedit; sed de colore atque nitore spicarum tacet Linnæus; habitumque *C.* compressi, & mucrones squamarum, quos desiderat descriptiunctula, in nostro non invenio; hinc de synonymo meo adhuc incertus sum.

Tab. IX. fig. 4. A. Culmus. B. Umbella cum involucris.

a. squama.

37. CYPERUS procerus, culmo triqvetro, subnudo; foliis lanceolatis; umbella decomposita; spicis linear-lanceolatis, alternis, nitidis. Linn. Spec. Plant. Part. I. pag. 67. Program. nostr. 1772. pag. 18.

Potta-pullu Rheed. H. Maleb. Part. XII. Tab. 50. pag. 93?

Cyperus orientalis, radice olivari, spicis longis e spadiceo purpurascensibus. Seheuchz. Agrostographia p. 391. Tab. IX. fig. 3?

Cyperus rotundus, inodorus, esculentus sive Thras-Italorum. Moriz. Part. III. §. VIII. qvoad figuram.

CULMUS bipedalis, crassus, farctus, striatus, triqveter, ad basin capillamento fusco vestitus.

FOLIA in infimo caule subquina, lanceolata, carinata, margine laevia, culmum æquantia, viridi-lutea, vaginis pallidis, purpureo-maculatis, basin culmi amplexantia.

INVOLUCRUM universale. Folia subterna, inaequalia; maximis umbella duplo longioribus, præter hæc alia multo breviora, linear-subulata, setacea, pedunculis pedicellisque apposita.

K



OCHREÆ

OCHREÆ purpureæ, laxæ, truncatæ, pedunculos atque pedicillos vaginantes.

UMBELLA decomposita. Radii 5 vel 6, $\frac{1}{2}$ —3 unciales, tenues, stricti; *maximi* apice divisi, trifidi; *minores* simplicissimi, cum umbella centrali subsessili.

SPICÆ alternæ, lineares, compressæ, distichæ, glaberrimæ, sesquiuinciales circiter, lineam I—I $\frac{1}{2}$ latæ.

SQVAMÆ ovato-lanceolatae, obtusiusculæ, concavæ, obscure purpureæ, sive spadiceæ, nitidæ, dorso, carina vero imprimis striatae, hac ut & margine albæ (XXIV—XXVI) infima subulata, pallescente, membranacea, cæteris involucri loco subiecta.

Hunc in Ægypto legit B. Professor Forskål.

Specimina minora, culmis tenerioribus, foliis spicisqve angustioribus, umbella simplicissima, a Domino Königio & horto Parisiensi possideo; qvum tamen color & structura sqvamarum utrinque eadem, ad varietates refero. *Rotundi* nomen, qvo in Program. atque hujus libri Prologo ad Cyperos pag. 18 usus sum, mutavi, qvum ex Herb. Hermanni illud ad (nostrum 34) pertinere, his diebus didicerim. An hunc vel illum voluerit Scheuchz. pag. 391, nescio. Pro Esculento habere vetat Scheuchz. descriptio pag. 382, licet hoc syadeat Morizoni icon.

Tab. V. fig. 3. A. Culmus basi foliosus, supra nudus. B. Folia. C. Umbella. D. Divisio umbellæ.

a. sqvama a latere. b. a tergo. c. spica.

Fig. 3* varieta minor. A. Umbella. B. Spicæ.

a. sqvama.

38. CYPERUS tenuiflorus, culmo triqvetro; foliis linearibus; umbella decomposita; spiculis linearibus, acutis, angustissimis.

CULMUS triqveter, tenuis, striatus, ad basin foliosus.

FOLIA longitudine circiter culmi, linearia, margine revoluta, flavescentia, angustiora ac in antecedente.

INVOLUCRUM universale. Folia 3—4, inæqvalia, qvorum maximum umbella duplo circiter longius. PARTIALE. Folium lanceolatum, acutum, umbellæ divisibnibus subiectum.

OCHREÆ breves, oblique truncatae.

UMBELLA decomposita, constans radiis (7) pluribus (1—2 uncialibus) inæqvalibus, filiformibus, apice alternatim plures, at brevissimos ramulos emittentibus cum umbellula centrali, subsessili.

SPICÆ alternæ, lineares, acutæ, tenuissimæ, angustissimæ, nitidæ, plures in singula rachide, ac magis approximatæ, qvam in antecedente; (5—7) lineas longæ, $\frac{1}{2}$ circiter latæ; imbricatæ sqvamis (XII—XIV) oblongis, distichis; eadem, ac in antecedente, ratione coloratis.

Icon Morizoni Cyperum longum sistens, nostri umbellam referre videtur; exemplar vero C. Longi herbarii nostri, qvod Bononiæ dedit Optimus Ferdinandus Baffi, ut maximam ab hoc Tenuifloro monstrat differentiam, ita e contrario structura umbellæ, ut & fabrica & colore spicarum, iconi & descriptioni, quibus Scheuchzerus alterum pag. Agrostogr. 378 illustravit, optime convenit,

ut

ut veram speciem esse dubitare non possim. In horto Hagensi crevit, unde per hortulanum nostrum Kæsemakerum allata sunt specimina sicca.

Tab. XIV. fig. I. A. Culmus cum foliis ad basim. B. Umbella cum involucris.
C. Radii sive Pedunculi. D. Divisio pedunculorum.

a. spica m. a.

39. CYPERUS Pangorei, culmo triqvetro; involucro triphylo; umbella universali, decomposita; partialibus subtrifidis; spicis alternis, filiformibus. Program. nostr. 1772. pag. 18.

CULMUS triqveter, sesqvipedalis, & altior, fungosus, siccitate collabescens, striatus, pallide-viridis, fusco-maculatus.

INVOLUCRUM. Folia 3 linearia, glauca; 2 longitudine circiter umbellæ; tertium di-midio brevius. INVOLUCRUM PARTIALE. Sqvamula ovato-lanceolata ad pedicillorum & spicarum ortum.

OCHREÆ 1— $1\frac{1}{2}$ lineas longæ, truncatæ, ferrugineæ.

UMBELLA decomposita; *umbellulæ centrales* 1—2 sessiles; cæteræ radiis (8) pluribus, inæqualibus, $\frac{1}{2}$ —4 uncialibus, patentissimis, apice subtrifidis, insistentes.

SPICÆ lineares, distichæ, tenuissimæ sive filiformes, teretiusculæ, alternæ, sesquiunciales, $\frac{1}{2}$ lineam circiter latæ, 6—9 in terminali, 3—4 in lateralibus umbellulis.

SQVAMÆ XX & plures, alternæ, compressæ, oblongæ, concavæ, carina striatæ, coloris ferruginei cum carina & margine pallidiore.

Ab antecedente (37) facile distingvitur, licet habitu cum eo multum conveniat.
Misit sub hoc nomine barbaro Tranqvebaria Beatus Bög, Pastor tunc temporis loci meritissimus, cuius in matrimonio successor est Dominus Königius.

Tab. VII. fig. 3. A. Culmus. B. Umbella. C. Divisio umbellæ. D. Spicæ.
a. sqvama latus obvertens m. a.

40. CYPERUS ferotinus, umbella universali decomposita, foliosa; partialibus nudis, subtrifidis; spicis teretiusculis, alternatim pinnatis. Program. nostr. 1772. pag. 18.

Cyperus ferotinus, odoratus radice longa, paniculis e loculis latis, ferrugineis, compactis. Montii Prodr. Tab. I. fig. 2.

Scheuchz. Agrostographia pag. 380.

CULMUS altus, striatus, glaucus.

INVOLUCRUM universale. Folia (4—5) linear-lanceolata, qvorum (2), qvæ maxima bipedalia, umbella 3 & quatruplo longiora, reliqua sensim breviora; minimis sesquiuncialibus, linear-setaceis. INVOLUCRA partialia. Sqvamæ setaceæ ad subdivisiones umbellæ, spicarumque exortum.

OCHREÆ 6—8 lineas longæ, truncatæ, basi purpureæ.

UMBELLA decomposita, constans radiis pluribus, (10) patentibus inæqualibus, 2—5 pollicaribus, apice ramos alternos, sive pedunculos (3—5) paucos, edacentibus.

SPICÆ distichæ, lineares, subteretes, crassiusculæ, plurimæ (24—28) alterne pinnatim toti fere longitudini pedunculorum affixæ, imbricatæ squamis (XX circiter) alternis, concavis, ovatis purpureis, nitidis, carina margineqve albidis.

Liberalitati sagacissimi viri & acutissimi Botanici Domini Ferdinandi Bassi, inter plures rarissimas stirpes, qvibus me 1761, dum Bononiæ eram, donavit, elegantissimum hunc Cyperum, qvi inter Linnæanos non reperitur, debo.

41. CYPERUS fastigiatus, culmo triqvetro; umbella decomposita; pedunculis longissimis, filiformibus, subquinqvifidis; spicis plurimis linearibus, sparsis. Progr. nostr. 1772. pag. 18.

CULMUS superiori parte (inferiorem non vidi) crassus, triqveter, striatus, glaucus.

INVOLUCRUM UNIVERSALE. Folia (6) plura, colore culmi, margine & carina aculeata; *Maxima* umbella 2 vel 3 longiora, 2 lineas ad basin lata; cæteris per gradus latitudine & longitudine decrescentibus. **INVOLUCRUM PARTIALE**. Folia 2 setacea ad divisionem pedunculorum.

OCHREÆ oblique truncatæ, unciales circiter.

UMBELLA universalis constans pedunculis pluribus (10) inæqualibus, filiformibus, flexuosis, qvorum *longissimi* palmares & ultra, *minimi* vix unciales.

UMBELLÆ partiales subseffiles, constantes pedicillis subquvinis, capillaribus, flexuosis, patentibus, basi ad 1 vel 2 linearum distantiam nudis, cæterum tota longitudine floriferis.

SPICÆ (Cyperi longi similes) sparsæ, distichæ, alternæ, lineares, teretiusculæ, imbricatæ, 4—5 circiter lineas longæ, dimidiam latæ, ferrugineæ, XX—XXIV in singulo pedicillo; constantes squamis (XII) oblongo-lanceolatis, acuminatis, minimis, ferrugineis, margine albis, carina striata, sub-fusca cum linea intermedia alba.

An Varietas Cyperi longi, panicula compactiore, a Scheuchzero pag. 380 Agrostographiæ descripta?

Confer Cyper. umbellatum N. Burmann Fl. Ind. pag. 21. tab. 9. fig. 1.

Tab. VII. fig. 2. A. Culmus. B. Umbella cum involucre. C. Radii.
D. Umbellula.

a. spica. b. squama m. a.

42. CYPERUS Papyrus, culmo triqvetro, supra nudo; umbella decomposita; pedunculis umbellatis; pedicillis simplicibus, distiche spicatis, qvaternis. Linn. Spec. Plant. Part. I. pag. 70. System. Nat. Edit. 12. pag. 82. Program. nostr. 1772. pag. 23.

Papyrus Syriaca & Siciliana. Bauh. pinax 19 Theatri botanici 333.

Cyperus Niloticus, vél Syriacus maximus papyraceus. Morizon. Histor. Part. III.

pag. 239. S. 8. tab. II. fig. 41.

Cyperus enodis, nudus; culmis e vaginis brevibus prodeuntibus; spicis tenuioribus.

Scheuchz. Gram. pag. 387. tab. 8. fig. 14.

Cyperus omnium maximus, Papyrus dictus. Mont. Gr. 14. loculis minimis. Michel.

Gen. 44. tab. 19.

CULMUS crassus, striatus, triqveter.

INVOLUCRUM universale. Folia 8. 4 *Exteriora* lanceolata, acutissima, carinata, striata, margine aculeata, inæqvalia, umbella breviora, cum totidem *interioribus*, multo minoribus.

INVOLUCRA *partialia*. Folia 4, linearisetaea, angustissima, umbellula recenti multo longiora.

OCHREÆ PEDUNCULORUM cylindricæ, arctæ, transversim truncatæ, uncia longiores; OCHREÆ PEDICILLORUM oblique truncatæ, multo breviores.

UMBELLA decomposita. UNIVERSALIS ditissima, constans radiis sive pedunculis (40) plurimis spithamam & ultra longis, subæqvalibus, sine ulla umbella sessili. UMBELLÆ PARTIALIS radii numero foliorum involuci (4) flexuosi, filiformes, triqvetri, tota fere longitudine floribus alternis distiche obsiti.

SPICÆ lineares, distichæ, minimæ.

Color totius graminis glaucus, vel albidus; spicarum & apicum ochrearu:m testaceus, vel ferrugineus.

Graminis hujus diutissime noti tolerabili icone atqve completa descriptione adhuc caremus. Auctores vetustiores ramifications peduncularum qvidem exhibit, nimis tamen obscure & divisionem ipsam & fabricam umbellæ partialis exprimunt. Optimus Scheuchzerus umbellam partiale, cuius iconem minus laudabilem dedit, optime descripsit, at radios sive pedunculos umbellæ principis pro totidem culmis habuit, unde non potuit non perversam stirpis nostræ ideam animis curiosorum ingenerare. Qui post ipsum rem aggressus est Michelius, et si breviter admodum mentem suam exposuit, eadem tamen chorda oberrasse videtur. Hos secutus Linnæus in Tomo I. Sp. Pl. umbellam Cyperi nostri simplicem fecit; concinna vero & perspicua descriptione vitium definitionis, quam tamen mutare videtur oblitus, in Syst. naturæ postea correxit. In meo specimine numerum quaternarium in umbellulæ involucris & radiis, uti pinxit Michelius, nec ternarium, quod volunt Scheuchzerus atqve Linnæus, obtinere certum est; at laxitati potius naturæ, quam ullo vitio hanc differentiam adscribendam puto. Beato Forskållio, cui tot pulcerrimi sese gregatim obtulerunt Cyperi, hunc se in natali solo subduxisse mirum est. Anno 1761 vivum in horto Patavino vidi. Specimen inter multas raras plantas dedit vir humanissimus Professorqve prorsus egregius Ardvini.

43. CYPERUS fuscus, culmo triqvetro, nudo; umbella multifida; pedunculis simpli- cibus, inæqvalibus; spicis linearibus, confertis. Linn. Spec. Plant. Part. I. pag. 21.

L



Gramen

Gramen Cyperoides minus, panicula sparsa, nigricante. Bauh. pñ. 6.

Cyperus minor, pulcer, panicula compressa, nigricante. Morizon. Hist. P. 3. 239.
f. 8. tab. 9. fig. 38.

Cyperus minimus, panicula sparsa, nigricante T. Scheuchzeri Gramina 384.
Flor. Danicæ Icon. CLXXIX.

Cyperus umbella trifolia, spicis petiolatis, congestis, glumis ovato-lanceolatis. Hall.
Hist. St. Helv. Tom. II. pag. 181.

CULMUS tenuis, striatus, plus quam pedalis, triqveter, basi foliosus, cæterum nudus.

FOLIA graminea, mollia, linearia, carinata, culmo breviora.

INVOLUCRUM universale triphyllum, inæqvale; foliis duobus umbella longioribus, tertio breviore. INVOLUCRUM *partiale* nullum.

OCHREÆ sesquilineares, laxæ, oblique truncatæ, nigro-punctatæ.

UMBELLA decomposita; *umbellulae centrales* 2—3 subseffiles. Harum ad latus *Pedunculi* five radii (6) plures, patentissimi, laxi, inæqvales; *Maximis* uncias circiter duas longis. Cuncti fere, præter centralem sessilem, terminati umbellula brevissima, nuda, subtrifida; spicarum rosula apices ornante.

SPICÆ lineares, complanatae, distichæ, angustissimæ, breves, nigro-purpureæ; imbricatae squamis (XX) pluribus, minimis, suboppositis, oblongo-ovatis, mucronatis, concavis, nigro-purpureis, carina & margine viridibus.

Crescit copiose Rosettæ in Ægypto, ubi collegit B. Forskål rarum hoc gramen, quod Patriæ nostræ cum Ægypto commune est.

44. CYPERUS elegans, culmo triqvetro, nudo; umbella foliosa; pedunculis nudis, proliferis; spicis confertis; mucronibus patulis. Linn. Spec. Plant. Part. I. pag. 68. Program. nostr. 1772. pag. 20.

Cyperus panicula maxime sparsa, ferruginea, compressa, elegantissima. Sloan. Hist. Jam. Part. I. pag. 117, tab. 75. fig. I.

CULMUS durus, aper, punctis rigidis scaber, strictus, striatus, triqveter, pedalis & altior, supra nudus.

FOLIA linearia, carinata, involuta, longissima, stricta, scabra, basi culmum vaginantia.

INVOLUCRUM universale. Folia 4; 2 patentissima, umbella longiora, stricta, margine aculeata, cum 2 aliis minoribus, 1 circiter unciae longitudine. INVOLUCRUM *partiale*. Folia 3 aut 4, subulata, pungentia, margine aculeata, umbellula breviora.

OCHREÆ 3 circiter lineas longæ, striatæ, ferrugineæ, oblique truncatae, laxæ.

UMBELLA decomposita, strictissima. *Radii* (8) plures, culmi adinstar scabra. *Interiores* breviores, capitulo unico glomerato; *exteriores* longiores umbellula (3—4) paucorum radiorum, brevissimorum, divaricatorum, terminati, cum capitulo sessili, intermedio, ad divisionem utriusque umbellæ.

SPICÆ plures, divaricatae; omnes ovatae, torosæ, breves, distichæ, mucronibus flosculorum rigidis squarrosoæ.

SQVAMÆ (VIII—X circiter) concavæ, ovatae, membranaceæ, laxæ, striatæ, ferrugineæ, mucrone magis vel minus reflexæ.

Durioris & tristioris præ reliqvis habitus, qvi elegantia plurimis sui generis cedit, mihi apparet hic Cyperus. Spicæ in figura Sloanei linear-lanceolatæ, longiores, flosculisqve ditiores ac in nostro, qvem ceteroqvin non male exprimit. Ex insula Caribica St. Crucis per beatum Fabrum habeo.

Tab. VI. fig. 4. a. pedunculus sive radius. b. umbella partialis. c. glo-
meres spicarum. d. spica & e squama, utraqve m. a.

45. CYPERUS Surinamensis, culmo triqvetro, nudo; umbella decomposita; spicis oblongo-ovatis, conglomeratis; mucronibus incumbentibus. Progr. nostr. 1772.
pag. 20.

CULMUS plus qvam pedalis, striatus, flacidus, triqveter.

INVOLUCRUM UNIVERSALE, triphyllum, lineare. INVOLUCRUM PARTIALE
squama lanceolata, concava, spicis subjecta.

UMBELLA decomposita. *Pedunculi* (16) plurimi, striati, flexuosi, laxi, inæqvales, ab $\frac{1}{2}$ ad $2\frac{1}{2}$ unciae longitudine. *Umbella partialis*, brevis, nuda; *Pedicelli* huic pauci (4—5) patentissimi, reflexi, inæqvales, brevissimi; singuli glomere spicarum densissimo terminati. *Capitulum* 1 vel 2 in centro umbellarum sessilia.

SPICÆ oblongo-ovatæ, compressæ, distichæ, testaceæ, 2 circiter lineas longæ; densissime imbricatæ squamis (XX) oppositis, lanceolatis, acutis, concavis, carinatis, apicibus arcte incumbentibus.

E Suriname attulit Dominus Rolander, Cyperum elegantem L. credens, a qvo struc-
tura spicarum totoqve habitu diversissimus & certe novus.

Tab. VI. fig. 5. a. pedunculi sive radii summitas. b. umbella partialis.
c. spicarum glomeres. d. spica & e squama, utraqve m. a.

46. CYPERUS ligularis, culmo triqvetro, nudo; umbellæ spiculis capitatis, oblongis,
sessilibus; involucris longissimis, ferrato-asperis. Linn. Sp. Plant. Part. I. pag. 70.
Progr. nostr. 1772. pag. 23.

Cyperus maximus, panicula minus sparsa, ferruginea, capitulis compactis, crassioribus. Sloan. Jamaic. Hist. Part. I. pag. 36. tab. 9.

Ira Rheede Hortus Malabar. Part. XII. pag. 103. tab. 55.

Cyperus longus Indicus; spiculis plurimis, brevibus, tumidioribus, & coacervatis,
Moriz. Hist. Plant. Part. III. §. VIII. pag. 237. N. 17.

Gramen Cyperoides Maderaspatanum, panicula magna insigniter squamata. Pluken-
Amalth. pag. 211.

CULMUS altissimus, crassus, striatus, triqveter, glaucus.

INVOLUCRUM UNIVERSALE. Folia plura, (7) lanceolata, fulcata, reticulata, glauca,
marginæ & carina aculeata, basi coccinea, inæqvalia, *maximas* 2—3 pedalibus,

3—4 lineas latis; *minimis* 2 circiter lineas latis, longitudine umbellæ. INVOLUCRUM PARTIALE. Sqvamæ lanceolatæ ad divisionem pedunculorum. OCHREÆ 4—5 lineas longæ, oblique truncatæ.

UMBELLÆ decomposita, intermedia sessili. *Pedunculi* sive radii (5—6) inæqvalles (1—4 uncias) longi, stricti, patentes, apice umbellulas cruciatas, subsessiles, radiorum fere 5, proferentes.

CAPITULA radios terminantia, oblonga, solitaria, crassa, inæqvalia; longissimo, qvod pedunculum principalem terminat, spicis innumeris, confertissimis, undique patentibus, vel reflexis, imbricata.

SPICÆ cylindrico-subulatæ, distichæ, 3 circiter lineas longæ, vix 1 latæ, ferrugineæ & coccineæ, imbricatæ sqvamis, (6—8) alternis, oblongis, concavis, striatis, membranaceis, carina mucrone terminata.

Descriptio Horti Malabarici, figura spicularum, atque numerus sqvamarum faciunt, ut nostrum credam, et si icon cæteroquin est pessima. Sloanei etiam minus laudabilis. Specimen meum in Guinea legit Chirurgus Degen.

Tab. XI. fig. 2. A. Culmus. B. Involucrum cum umbella. C. Radii.
D. Umbella partialis. E. Capitula terminalia. F. lateralia.
a. spica. b. sqvama.

47. CYPERUS Haspan, culmo triqvetro, folioso; umbella supra decomposita, spiculis umbellato-sessilibus. Linn. Spec. Plant. Part. I. pag. 66. Program. nostr. 1772. pag. 17.

Cyperus Maderaspatensis, panicula sparsa, e plurimis minimis composita. Moriz. Pl. Hist. Part. III. §. VIII. pag. 236. N. 12.

Gramen Cyperoides Maderaspatanum, panicula magis sparsa & speciosa. Plukenet. Almag. 179. tab. 192. fig. 2.

Cyperus Maderaspatanus, panicula speciosa ramosissima Petiv. Scheuchz. Agrostogr. 389. Tab. 9. fig. 1. an hujus varietas?

RADIX fibrosa, ferruginea.

CULMUS pedalis, laxus, flavescens, striatus, tener.

FOLIA linearia, striata, flavescens, fusco-maculata, toto gramine longiora.

INVOLUCRUM UNIVERSALE. Folia 2 caulinis similiæ. Majus umbella $\frac{1}{3}$ parte longius; Minus eadem triplo circiter brevius. INVOLUCRUM PARTIALE. Sqvamæ lanceolatæ, ad subdivisiones umbellæ partialis, & basin spicarum.

OCHREÆ pedunculorum 4—5 lineas longæ, truncatæ.

UMBELLA supra-decomposita. Radii *principales*, plurimi, (20 circiter), patentes, inæqvalles, filiformes, longissimis palmaribus. R. *secundæ divisionis* pauciores, (12—15) patentissimi & fere horizontales; longissimis sesquipolligaribus. Radii 3 *divisionis* (ubi datur) 5 ad 6 semipollicares & breviores. In 4 vel *ultima subdivisione* spicæ 3 ad 6 in stellam expansæ.

SPICÆ lineares, compressæ, distichæ, tenellæ, delicatissimæ, $\frac{1}{3}$ poll. longæ, vix $\frac{1}{2}$ lineam latæ, imbricatæ sqvamis minimis, compressis, alternis, distantibus, obtusiusculis, vel truncatis, ferrugineis, punctatis XVI—XX in singula spica.

E Capite bonæ spei misit Königius.

- Tab. VI. fig. 2. A. Culmus cum radice & foliis.
cum involucro & ochreis. C. U. secunda.
radii stella terminantur.
- a. spica cum involucro partiali ad basin m. a. b. squama m. a.
- B. Umbella principalis
D. tertia umbella, cuius

48. CYPERUS, culmo triqvetro, nudo; umbella foliosa, supra-decomposita; spicis alternis, longissimis, filiformi-subulatis. Progr. nostr. 1772. pag. 20. N. 47.

Cyperus elatus, culmo triqvetro nudo, umbella foliosa, supra-decomposita, spicis digitalibus imbricatis, spiculis subulatis. Linn. Spec. Plant. Part. I. pag. 67.

An Cyperus longus Indicus spiculis rarius dispositis, minimis. Moriz. Hist. Plant. Part. III. §. VIII. pag. 237. N. 19?

Vara-pullu Hort. Malabar. Part. XII. Tab. 42. pag. 77?

Gramen Cyperoides, Malabaricum, tenui panicula sparsa. Pluk. Amalh. pag. 112?

RADIX tuberosa, fibras flexuosa, ferruginea, undique emittens.

CULMUS bipedalis, triqveter, striatus, flavescens.

FOLIA alterna, lanceolata, carinata, margine reflexa, glauca, vaginis inferiore Culmi medietatem ambientia.

INVOLUCRUM UNIVERSALE. Folia plura, lanceolata, inæqualia, maximis umbella multo longioribus. INVOLUCRA PARTIALIA. Folia (2—4) linearia vel lineari-setacea, umbellulis breviora.

OCHREÆ unciales, seta vel acumine subæquali terminatae.

UMBELLA supra-decomposita, umbellula centralis ad divisionem primam atque secundam subsessilis. Radii primæ divisionis (10) plures, inæquales, maximi spiculamæ, minimis vix sesquiuncialibus. R. secundæ divisionis dimidio pauciores (5) sesqui- & biunciales. R. tertiae divisionis subterni in pedunculos, tota longitudine spicas recipientes, elongati, quorum intermedius longissimus, fere biuncialis, interdum trifidus.

SPICÆ (10) plures alternae, laxæ, tenuissimæ, filiformi-subulatae, patentissimæ sive horizontales, longitudine fere unius unciae; imbricatae squamis plurimis (XXVIII) minimis, alternis, patulis, oblongis, obtusiusculis, ferrugineis, cum carina striata, viridi.

Dantur specimina multo brevioribus spicis, umbella solummodo bis divisa, imo omnino simplici, ut e seminibus Königii sata provenere in horto nostro præterlapsa æstate plura, quibus quum recenter erumpentes umbellæ responderint non male similibus figuræ Horti Malabarici, occasionem sic citationibus dederunt.

Inveni hunc in Herbario Missionis Malabaricæ antiquo, misit etiam e Malabaria Defunctus nuper laudatus Pastor Bög; semina Königius; at perfectissimum specimen effigiei nostræ archetypum liberalitati Nobilissimi Centurionis Domini de Rohr, qui in insula nostra Americana St. Crucis collegit, debeo.

Tab. X. A. Culmus. B. Umbella cum involucro. C. Umbella secunda.
 D. tertia. E. Radii, qvorum intermedius. F. trifidus.
 A* Spica magnitudine parum, B* magnitudine magis aucta.

49. CYPERUS culmo triqvetro, nudo; umbella supra decomposita sesqvipedali; spicis confertissimis subulatis. Program. nostr. 1772. pag. 21.

Cyperus odoratus, culmo triqvetro, nudo; umbella decomposita, simpliciter foliosa, pedicillis distiche spicatis. Linn. Spec. Plant. Part. pag. 68.

Cyperus longus odoratus, panicula sparsa, spicis strigosioribus viridibus. Sloan. hist. Jamaic. Part. I. pag. 116. tab. 74. fig. I.

GRAMEN giganteum.

CULMUS crassitie digitii, striatus, triqveter.

INVOLUCRUM universale & partialia polyphylla, foliis lanceolatis, vel linear-lanceolatis, longitudine respondentis umbellæ.

OCHREÆ unciales, angulatae, apice bifidae, purpurascentes.

UMBELLA sesqvipedalis, supra-decomposita, 3 divisa, ramis ditissima. **PEDUNCULI** five RADII principales, (24) plurimi, longissimi, pedicillis subsequentes ad divisiones numero & longitudine decrescentibus.

SPICÆ confertissimæ, horizontales, toti fere pedicillorum longitudini distiche affixa; omnes teretes, tenues, subulatae, distichæ, dimidiæ unciam circiter longæ, coloris ferruginei.

Apud Sloaneum spicæ longiores & crassiores, sed multo pauciores magisque distantes; atque umbella ipsa bis modo divisa pingitur; cæterum figura satis bene respondet. In Suriname collegit Dominus Rolander.

50. CYPERUS Alopecuroides, culmo triqvetro; umbella supra-decomposita; spicis digitatis, oblongis, spiculis confertissimis, imbricatis, erectis. Program. nostr. 1772. pag. 20.

CULMUS crassus, triqveter, striatus, supra nudus.

INVOLUCRUM UNIVERSALE (5 phyllum circiter) inæquale. Folia lanceolata, sulcata, rugosa, margine lœvia, revoluta; *Extima* umbella 2 vel 3 longiora, *interioribus* eadem multo brevioribus. **INVOLUCRUM PARTIALE**. Folia lanceolato-linearia, (3—4) acutissima, inæqualia, ad divisionem pedunculorum umbellulis, quibus breviora, subiecta.

OCHREÆ unciales circiter, ora superiori obliquæ, foliolo ovato-lanceolato terminatae.

UMBELLA supra decomposita. *Radii* five Pedunculi plures (8) patentes, striati, triqvetri; *extimi* palmates & ultra, *intimi* sensim breviores. *Radii secundæ divisionis* (ubi datur) subqvini $\frac{1}{2}$ vel 1 unciae longitudine patentissimi, terminati SPICIS (3—5) digitatis, oblongis, sessilibus, fere bi-uncialibus, ad basin bractea linearifolacea

setacea suffultis, qvæ spiculis innumeris, erectis, vel erecto-patentibus, undique & confertissime imbricatae sunt. Spicæ præterea paucæ (2—4) in centro umbellæ primæ atqve secundæ sessiles.

SPICULÆ ovato-lanceolatae, compressæ, distichæ, squamula ovata, transversim posita, suffulta, 2 ad 3 lineas longæ, compositæ *Squamis* (XII—XIV) parvis, membranaceis, ovatis, obtusissimis, gibbis, carina striatis, margine inflexis; cunctis floriferis.

PISTILLUM. Germen parvum, obovatum, triqvætrum, album. Stylus unicus. Stigmata 2 capillaria, ferruginea.

Color totius graminis in junioribus flavescens, in senioribus ferrugineus.

In Arabia speciosissimum hoc gramen collegit B. Prof. Forskål.

Tab. VIII. fig. 2. A. Culmus. B. Umbella cum involucro. C. Radii.
D. Umbella altera. E. Spicæ laterales. F. intermedia.
a. spicula. b. squama inflexa, utraqve m. a.

51. CYPERUS Polystachyos, culmo triqvætrum; involucro polyphyllo; panicula terminali, subsessili, ramosissima; spicis linear-lanceolatis, complanatis, confertissimis.

Program. nostr. 1772. pag. 21.

Plukenet. Tab. 416. fig. 6?

CULMUS bipedalis, & altior, triqvæter, striatus, flavescens.

FOLIA ad basin plura, linearia, carinata, vaginis purpurascientia, cæterum glauca.

IN VOLUCRUM. Folia 4 ad 6, lanceolato-linearia, qvorum 2 vel 3 panicula multo longiora.

OCHREÆ arctæ, basi coccineæ, oblique truncatae, apice patulo utrinque terminatae, 2 fere lineas longæ.

PANICULA terminalis, compressa, ramosissima, semicircularis fere, subsessilis, facta pedunculis plurimis, fasciculatis, mox in ramos divisæ, raro uno alteroqve ante divisionem parum elongato.

SPICÆ confertissimæ, alternæ, lanceolato-lineares, acutissimæ, complanatae, distichæ, longitudo circiter 6—8 linearum, latitudine unius lineæ; imbricatae *Squamis* (XX circiter) obtusæ, glabris, dorso striatis, testaceis vel ferrugineis, margine atqve carina albidis.

STAMINA 3.

PISTILLUM. Germen oblongum, triqvætrum. Stylus unicus. Stigmata 3 reflexa.

SEMEN oblongum, subtriquætrum, latere tertio reliquis duplo angustiore.

Tab. XI. fig. 1. A. Inferior pars culmi cum radice & foliis. B. Superior nudus. C. Panicula cum involucro.
a. spica. b. squama a latere m. a. c. a tergo. d. pistillum. e. ger-
men transversim sectum.

52. CYPERUS, culmo triqvetro; involucro tetraphyllo; panicula terminali, pedunculata; spicis linearibus, torosis, confertissimis, patentibus. Program. nostr. 1772. pag. 22.

Cyperus strigosus, culmo triqvetro, nudo; umbella simplici; spiculis linearibus, confertissimis, horizontalibus. Linn. Spec. Plant. Part. I. pag. 69?

Cyperus rotundus, panicula sparsa, spicis strigosis, ferrugineis. Sloan. Hist. Jamaic. Part. I. pag. 116. tab. 74. fig. 2. 3?

CULMUS supra nudus triqveter.

INVOLUCRUM tetraphyllum, inæqvale.

FOLIA lanceolato-linearia, glauca, inæqvalia, panicula longiora, præter minimum ipsa paulo brevius.

OCHREÆ 2—3 circiter lineas longæ, laxæ, ora superiori transversim truncatæ, muticæ, longitudinaliter interdum fissæ.

PANICULA terminalis, pedunculata. Pedunculi conferti, triqvetri, apice ramosi, inæquales; longissimis vix sesquiuncialibus.

SPICÆ lineares, teretiusculæ, patentes, confertissimæ, distichæ, longitudine & latitudine ut in antecedente, imbricatæ *squamis* (XX circiter) ovatis, obtusis, dorso striatis, margine subserratis, albidis, cæterum fuscis, nitidis.

SEMEN ovatum, acute triqveturum, æqvilaterum.

Ora & terminazione ochrearum, elongatione pedunculorum, colore atque crassitie spicarum, nec non figura feminis a priore, cui cæteroquin facie simillimus, distingvitur. Crassiora omnia atque majora in Figura Sloanei, qvare etiam de synonymis meis vehementer dubito.

Experientissimus Königius hunc cum antecedente misit.

Tab. XI. fig. 3. A. Culmus. B. Umbella cum involucro. C. Radii cum Ochreis.
a. spica. b. c. squamæ a latere & a tergo m. a. d. pistillum. e. germinis transversim secti planum m. a.

53. CYPERUS *Familiarius*, culmo triqvetro; involucro hexaphyllo, subæqvale; panicula sessili, terminali, densissima; spicis compressis, linear-lanceolatis, paucifloris. Program. nostr. 1772. pag. 22.

Gramen Cyperoides Americanum, spicis speciosis plurimis compressis, summo caule absqve pediculo adnatis. Pluken. Almag. botan. pag. 127. Phytoogr. tab. 91. fig. 3?

CULMUS spithameus, triqveter, striatus, ad basin foliis lanceolato-linearibus, dimidio brevioribus, glabris, flavescentibus, cinctus, supra nudus.

INVOLUCRUM hexaphyllum, subæqvale, panicula duplo longius.

OCHREÆ truncatæ, breves.

PANICULA sessilis, ramosissima, spicis confertissimis onusta.

SPICÆ lanceolato-lineares, acutæ, 3 circiter lineas longæ, complanatæ; imbricatæ *squamis* (X circiter) alternis, lanceolatis, obtusis, concavis, testaceis; carina pallide viridi-bus, striatis.

Crescit in Suriname, unde advexit Dominus Rolander.
A C. Polystachio nuper descripto distinctissimus.

54. CYPERUS Ira, culmo triqvetro, seminudo; umbella foliosa, decomposita; spiculis alternis, granis distinctis. Linn. Spec. Plant. Part. I. pag. 67. Program. nostr. 1772. pag. 20.

Gramen Cyperoides Indiæ orientalis elatius, panicula sparsa pallescente. Pluken. Alm. 179. tab. 101. fig. 7.

Cyperus Indicus tenuifolius, panicula sparsa flavescente. Moriz. Hist. Pl. Part. III. §. VIII. pag. 238. No. 34.

Ira sive Balari Rheed. Malab. Part. XII. pag. 105. tab. 56?

RADIX fibrosa.

CULMUS pedalis, striatus, triqveter.

FOLIA lanceolato-linearia, striata, carinata, mollia, longitudine ferme totius graminis, vaginis inferiorem culmi medietatem cingentia.

INVOLUCRUM UNIVERSALE triphyllum, umbella longius. PARTIALE squamæ setaceæ, flexuose, deciduae, pedicillis subiectæ.

UMBELLA decomposita. Radii plures, (8) patentes, inæquales, $\frac{1}{2}$ ad 3 circiter uncias longi, apice in ramos sive rachides (5—6) divisi, quibus alternatim affiguntur spicæ.

SPICÆ pedicillatae, lineares, compressæ, distichæ, 3 lineas longæ, imbricatae *squamis* (X) alternis, parvis, compressis, navicularibus, obtusissimis, carina striatis.

SEMEN parvum, triqveturum, glabrum.

Color baseos culmi & radiorum ferrugineus, culmi reliqui & foliorum incanus; spicarum fulvus micans; carinæ viridis; semen brunneus. Icon Horti Malabarici, si nostrum sistere debet, pessima est.

Meum exemplar e China habui.

55. CYPERUS Santonici, paniculis sessilibus & pedunculatis; spicis linearibus; florculis alternis, remotis, obtusissimis. Program. nostr. 1772. pag. 19.

Cyperus Maderaspatanus, paniculis semen Santonici æmulans Petiverii. Scheuchz. Agrostogr. pag. 90. tab. IX. fig. 2?

RADICES fibroæ, planæ, simplices, ferrugineæ.

CULMUS plus quam pedalis, triqveter, tenuis, debilis, supra nudus.

FOLIA graminea, linearia, striata, mollia, margine subaculeata, retrorsum scabra, pallide viridia; longitudine circiter culmi.

INVOLUCRUM UNIVERSALE triphyllum, inæquale, *maximo* pedali. PARTIALIA squamæ setaceæ ad divisiones paniculae.



OCHREÆ compressæ, obtuse mucronatæ, ad basin purpureæ, 3 circiter lineas longæ.
PANICULÆ (3) sessiles & (2) pedunculatæ, utræqve ramulis capillaribus, alternis, varie subdivisæ.

SPICÆ delicatæ, lineares, alternæ, distichæ, imbricatæ *squamis* (XII—XVI) alternis, distan-
tibus, parvis, concavis, compressis, obovatis, obtusissimis, pallide flavis, cum cari-
na subfuscæ, 3 striis pīcta.

SEMINA ferruginea, glabra, triqvætra sine setis.

Tranqvebaria misit Dominus Königius rarissimum hunc Cyperum, qvem eundem
cum Scheuchzeri allato credidi. Si qvis vero eum potius velit ad Cyperum
ejus Borneacum referre, me eo minus refragantem habebit, qvo minorem
inter utrumqve differentiam video.

Tab. IX. fig. 1. A. Culmi cum foliis. B. Paniculæ sessiles. C. Pedun-
culatæ.
a. spicæ geminæ cum squamis b. m. a.

56. CYPERUS corymbosus, involuero polyphyllo; umbella supra-decomposita; pe-
dunculis filiformibus, corymbosis, strictis. Program. nostr. 1772. pag. 19. omis-
so Synonymo.

CULMUS crassus, triqveter, glaucus, fusco-maculatus.

INVOLUCRUM UNIVERSALE. Folia 4, linear-lanceolata, inæqvalia, margine scabra,
longitudine umbellæ, 2 fere lineas ad basin lata. INVOLUCRUM PARTIALE.
Squamæ linear-setaceæ ad ramifications umbellæ.

OCHREÆ 4 lineas longæ, striatæ, oblique truncatæ, cum obtusissimo mucrone.

UMBELLA diffusa, constans radiis (12—15) pluribus, strictis, filiformibus, inæqvalibus,
ab $\frac{1}{2}$ ad 3 uncias longis, *maximis* apice corymbos, *minimis* spicas alternas,
patentes, ferentibus.

SPICÆ tenuissimæ, teretes, subulatæ, distichæ, 4—5 fere lineas longæ, imbricatæ *squamis*
oblongis, concavis, (XII fere) dorso testaceis, margine albidis.

Exclusi synonymon, qvia descriptionem Linn. in Amœnitatibus cum mea conciliare
neqvivi. Exper. Dominus Königius nostrum misit; similem involuero longio-
re, & spicis saturioris sive ferruginei coloris in Asia invenit B. Forskål.

Tab. VII. fig. 4. A. Culmus. B. Umbella cum involucro. C. Radii.
D. Corymbi. E. Spicæ.
a. squama a latere vifa m. a.

57. CYPERUS flabelliformis, culmo fulcato, triqvetro; involucris alternis; pedun-
culis axillaribus solitariis, terminalibus umbellatis, corymbiferis. Progr. nostr.
1772. pag. 22. N. 57.

CULMUS crassus, superiori parte fulcatus, contortus, triqveter.

INVOLUCRUM UNIVERSALE. Folia plurima (20) alterna, pedalia, lanceolata, acutissima, patentia, striata, sulcata, margine & carinis retrorsum scabra, semiamplexicaulia, margine inflexa, triplici serie per sesquipollicare spatium juxta latera culmi disposita. **INVOLUCRUM PARTIALE.** Squamæ lanceolatæ, acutissimæ, concavæ, ad ortum pedicillorum.

OCHREÆ dimidiato-lanceolatæ, concavæ, obtusæ, longitudine circiter 3 linearum, basi brevissima pedunculos amplectantes. **ALIÆ** urceolatæ, lineam unam circiter longæ, transversim truncatæ, mucronatæ, pedicillos vaginantes.

PEDUNCULI triquetri, tenues, stricti, sulcati, axillares; *inferiores* remotiores, solitarii, longiores, (7 circiter uncias); *superiores* sensim breviores, approximati, in umbellam supra-decompositam quasi coacti. Omnes folio suo dimidio breviores apice corymbiferi. **Pedicilli** (10) circiter, patentes, approximati, alterni, breves; apice umbellam paucorum (3—4) radiorum, patentissimorum, cum umbellula centrali sessili formantes.

SPICÆ paucæ (4—6) sessiles, oblongo-lanceolatæ, compressæ, distichæ, lineas duas ad 3 circiter longæ, in stellam expansæ; imbricatæ *squamis* XII vel XIV suboppositis, membranaceis, glabris, ovatis, obtusis, concavis, cum parvo acumine carinatis.

STAMINA. Filamenta 3, membranacea antheræ cuspidatæ.

PISTILLUM. *Germen* triquetrum, minimum. *Stylus* trifidus. *Stigmata* filiformia, flexuosa, hirsuta.

Color totius graminis glaucus vel cæsius; spicarum albidus; filamentorum candidus; pistillorum & antherarum ferrugineus.

Involucro polyphyllo trifarium imbricato, flabellum referente, atque pedunculis axillaribus, solitariis, continua serie infra umbellam terminalem exeuntibus, faciem a cæteris Cyperis distinctissimam acquirit hocce gramen, quod in Arabia detexit beatus P. Forskål.

Ob formam involuci nomen triviale mutavi.

Tab. XII. fig. 2.	A. Culmus.	B. Umbella cum involucris.	C. Pedunculi.
	D. Umbella altera sive corymbus.		E. Umbella ultima.
	F. Glomeres spicarum terminalium.		
a. spica.	b. squama.		





CAP. V.
S C I R P U S.

Scirpi character genericus mihi est SPICA undique *squamis* imbricata; cunctis (si, uti in Cyperis monui, inferiores 2, qvæ tunc loco involucri haberi possunt, in paucissimis speciebus excepbris) flores solitarios includentibus, atqve a proximis distinguentibus. *Corolla* flosculis nulla. *Stamina* communiter *tria*. *Pistillum* germen unicum, ovatum, triquetrum vel gibbum cum stylo tri- vel bifido. Ad basin vel apicem germinis sunt *setæ* parcæ, breves, in paucis, absunt in plurimis, qvi a Linnæo & recentioribus ipsum seqventibus ad hoc genus referuntur. Illustrissimus Hallerus harum præsentia sola nostrum a Marisci sui o: Schœni genere distingvit.

A Cypero rotunditate atqve torositate spicarum, imprimis vero imbricatura non disticha, sed omnigena distinguitur. A Schœno num & qvomodo differat, inferius distingendum est. Difficilis a Caricibus hermaphroditis removetur, qvum capsulas vel Linnaiana nectaria semen involventia posteriori Generi soli propria non esse monstrant inter nostros Scirpi atqve Schœni non pauci, qvorum principes sunt ei, qvi stylum gerunt Turriculæ vel Pyramidis ad instar germini impositum; omnes enim capsulam formant, semen unicum includentem. Et licet unus atqve alter caricibus commode satis jungi possit, reliqui tamen involucris, ochreis, spicarum conglomeratione & toto habitu tam arcte cum Scirpis atqve Schœnis cohærent, ut avellere non ausus sim. Omnes hujus indolis hactenus a me observatos, qvos sub novo PYRGOPHORÆ Genere olim tradere constitui, asterisco hic notavi, systematicis sortem ipsorum relinqvens.

58. SCIRPUS geniculatus, culmo tereti, nudo; spica oblonga, terminali. Linn.

Spec. Plant. Part. I. pag. 71. Progr. nostr. 1772. pag. 24.

Juncus aquaticus, geniculatus, capitulis Eqviseti major. Sloan. Hist. Jamaic. Part. I.
pag. 122. tab. 81. fig. 3.

CULMUS nudus, teres, altus, farctus, siccitate collabescens, articulatus, glaberrimus, subtilissime striatus, coloris infra glauci, apicem versus ferruginei, crassitie pennæ circiter cygneæ.

SPICA terminalis, cylindrica, vix in nostra pollicaris, crassitie pennæ anserinæ, densissime imbricata *Squamis* membranaceis, oblongis, carinatis, testaceis; staminibus atque stylis ferrugineis, longissimis, hispida.

INVOLUCRUM. *Squamæ* 4 ovatæ, obtusæ, parvæ, ad basin spicæ.

Inter plantas Surinamenses Rolandri habui.

59.* SCIRPUS spiralis, culmis aggregatis, subnudis, triqvætris; spica cylindrica, terminali; flosculis cuneiformibus, truncatis, spiraliter dispositis.

Scirpus mutatus, culmo triqvætro, nudo; spica cylindrica, terminali. Linn. Spec. Plant. Part. I. pag. 71?

STOLONES repentes, cylindrici, subnudi, ad nodos culmiferi, radicati.

CULMI ex uno nodo plures, fungosi, tumidiusculi, rugosi, triqvætri, sesqvipedales, striati, ad tertiam partem vaginis longis, quæ apice mucrone brevi ovato terminantur, obducti, superius nudi.

SPICA terminalis, sesqvipollucaris, undique imbricata, cylindrica, penna anserina crassior, ad basin squama truncata, obtusissima, juxta 2 culmi latera obvoluta.

SQVAMÆ cuneiformes, apice latissimæ, recte truncatæ, glabrae, substriatæ, plicatæ, in series obliquas spirales dispositæ.

STAMINA. *Filamenta* intra squamam singulam tria, linearia, membranacea, tenuissima, longissima. *Antheræ* lineares.

PISTILLUM. *Germen* gibbum, subtriquætrum, glabrum, punctatum, marginatum, basi setis paucis (3), dimidio brevioribus, cinctum. *Stylus* unicus, planus, turriculæ ad instar, germini impositus. *Stigmata* 3, filiformia, flexuosa, hirsuta.

PERICARPIUM subtriquætrum gibbum, semen unicum continens.

Culmi glauci, basi purpurascentes. Spicæ albidae. Margines squamarum testacei. Filamenta candidissima. Setæ, Antheræ & Stigmata ferruginea.

Anno 1772 post editum programma, a Diligentissimo Domino Königio, cui tot alia debo, rarissimum hunc scirpum e Malabarria missum accepi.

Tab. XV. fig. I. A. Stolones cum radicibus. B. Culmi foliis obvoluti.

C. Culmi nudi. D. Spicæ.

a. Squama. b. Stamina. Pistillum. Setæ.

60. SCIRPUS plantaginoides, culmis ventricosis, sulcatis, nudis; spica cylindrico-subulata, terminali; flosculis oblongis, carinatis.

CULMI ventricosi, teretes, geniculati, sulcati, simplicissimi, supra nudi.

SPICA 2- & tripollucaris, cylindrica, subulata, terminalis, undique SQVAMIS oblongis, carinatis imbricata; ad basin *squama* brevissima, truncata, antecedentis in modum obvoluta.

STAMINA. *Filamenta* 3 membranacea, tenuissima, longissima, linearia. *Antheræ* lineares, longæ.

PISTILLUM. *Germen* tenuē. *Stylus* longitudine staminum planus. *Stigmata* 3 filiformia, flexuosa, hirsuta.

Color graminis glauco-viridis. Sqamarum albidus, dorso virescens, margine testaceus. Filamentorum & germinis candidus. Styli & Antherarum ferrugineus.

Priori facie simillimus, licet coordinatione & forma sqamarum distinctissimus. Missus cum priore a Domino Königio.

Tab. XV. fig. 2. A. Culmus. B. Spica.
a. sqvama.

61.* SCIRPUS bulbosus, radice bulbosa; scapis teretibus, canaliculatis; foliis setaceis, rigidis; spica cylindrica, terminali. Program. nostr. 1772. pag. 25.

Scirpus trigynus, culmo tereti nudo, spica cylindrica, sqvamis lanceolatis latere membranaceis. Linn. Mantiss. altera pag. 180?

RADIX bulbosa, sqvamis vel membranis ferrugineis, striatis, obducta.

CULMI pedales, simplicissimi, teretes, canaliculati, juncei, tenaces, striati.

FOLIA ad radicem plura, fasciculata, setacea, dura, flexuosa, sicca, vix $\frac{1}{2}$ culmi longitudine.

VAGINÆ membranaceæ, tenuissimæ, undulatæ, laceræ, albæ, culmos & foliorum fasciculos cingentes.

INVOLUCRUM. Folia bina ad basin spicæ cæteris longius acuminata; acumine altero incurvo longitudine spicæ; altero recto, paulo breviori.

SPICA cylindrica, uncialis & longior, terminalis, undique imbricata SQVAMIS oblongo-lanceolatis, nigris, striatis; carina in acumen subulatum producta.

STAMINA. *Filamenta* intra sqvamam singulam 3, membranacea, plana, hirta.

PISTILLUM. *Germen* obovatum, planum, incurvum. *Stylus* unicus. *Stigmata* 3 cirrofa.

PERICARPIUM. Capsula oblonga, semen unicum oblongum in centro continens.

In Promontorio Capitis bonæ spei legit Dominus Königius.

Tab. XVI. fig. 2. A. Bulbus. B. Vaginæ. C. Folia. D. Culmi.

E. Spicæ.

a. pistillum, cuius intra germen pellucet semen immaturum.

62. SCIRPUS Caribæus, culmis fasciculatis, setaceis, sulcatis, triqvætris; spicæ minima, ovata, terminali. Program. nostr. 1772. pag. 24.

Scirpus capitatus, culmo tereti, nudo, setiformi; spica subglobosa, terminali. Linn. Spec. Plant. Part. I. pag. 70?

Juncus aquaticus capitulis equiseti minimis. Sloan. Historia Jamaic. pag. 122.
 RADICES descendentes, fibrosæ, ferrugineæ.
 CULMI cespitosi, fasciculati, simplices, setacei, sulcati, nudi, triquetri, siccitate collapsi & subarticulati, palmares circiter, coloris e viridi flavescentis.
 VAGINÆ surgentis culmi binæ; *Superior* uncialis, acumine parvo terminata; *Inferior* triplo brevior, submutica. Utraque ad basin purpurea, ad apicem flavescens.
 SPICA terminalis, ovata, minima, undique imbricata SQVAMIS minimis, oblongis, concavis, glabris, ferrugineis vel testaceis, carina atque margine albis; binis inferioribus sterilibus.
 STAMINA. *Filamenta* 3 brevia. *Antheræ* subulatae.
 PISTILLUM. *Germen* minimum. *Stylus* unicus. *Stigmata* 2 plumosa.
Setæ paucæ germen cingentes longitudine pistilli.
Antheræ & *Stigmata* ferruginea.
 Ex insula Caribæa St. Crucis miserunt Nobilissimus Centurio de Rohr & B. Faber.
 Tab. XV. fig. 3. A. Culmi inferiores cum radicibus. B. Culmi superiores.
 C. eidem abrupto capitulo mutilati. D. Capitula.
 a. Capitulum m. a.

63. SCIRPUS setaceus, culmo nudo, setaceo, spicis lateralibus, subsolitariis, sessilibus.
 Linn. Spec. Plant. Part. I. pag. 73.
 a. Scirpus, culmo nudo, capillari; foliis angustissimis; spica solitaria minima, involucro longitudine spicæ monophyllo mucronato. TAB. XV. fig. 4.
 Cyperus culmis setaceis, spica minima, ovata; involucro monophyllo, mucronato,
 nutante. Program. nostr. 1772. pag. 16.
 Scirpus setaceus. Linn. Mantiss. Alter. pag. 321.
 Scirpus, culmo nudo, setaceo, spica solitaria subtriflora. Manuscr. König.
 b. Scirpus, culmo nudo setaceo, spicis terminalibus subternis, involucro longitudine spicæ, monophyllo, mucronato. Tab. XV. fig. 5.
 Gramen Junceum perpusillum, capillaceis foliis, Æthiopicum. Pluken. Almag. 179.
 tab. 300. fig. 5.
 Juncellus perpusillus, Æthiopicus, capillaceus, capitulis, ut plurimum ternis, sessilibus.
 Morison. Histor. Plant. Part. III. §. 8. pag. 233.
 Cyperus minimus, culmo tereti, nudo; spicis sub apice. Linn. Spec. Plant. Part. I.
 pag. 66. excluso Synonymo Sloanei.
 γ. Scirpus culmo nudo, setaceo, spicis subsolitariis, sessilibus, mucrone longiori. Tab.
 XV. fig. 6.
 Gramen Junceum, minimum, capite squamofo. C. B. Pin. Prodr. pag. 13.
 Juncellus omnium minimus. Moriz. Hist. Plant. Part. III. §. 8. pag. 232. Tab. 10.
 fig. 23.
 Scirpus omnium minimus, capitulo breviore. Scheuchz. pag. 358.
 Mariscus setaceus, capitulis lateralibus, paucissimis. Haller. Histor. Stirp. Helvet.
 Tom. II. pag. 180. N. 1345. Emendat. III. N. 164.

δ. *Scirpus culmo tereti, nudo; spicis sessilibus, in medio culmo glomeratis.* Linn. Sp. Plant. Part. I. pag. 73.

RADICES plurimæ, fasciculatæ, capillares, flexuosaæ, ferrugineaæ.

CULMI plures, digitales, flexuosi, setacei vel capillares, supra nudi.

VAGINÆ infimi culmi binæ; SUPERIOR vix uncialis, folio linearis, setaceo, longitudinis admodum diversæ, terminata. INFERIOR duplo brevior, obtusa, ut plurimum mutica.

SPICA lateralis, subsolitaria (1. 2. 3) ovata, compressa, minima; imbricata SQVAMIS numero admodum diversis, oblongis vel oblongo-ovatis, concavis, striatis, carinatis.

INVOLUCRUM. Folium unicum, oblongo-lineare, concavum, ex apice culmi productum, spicam amplexans; acumine setaceo, stricto, variæ longitudinis, terminatum.

STAMINA. Filamenta 3, membranacea.

PISTILLUM. *Gerrjen* ratione floris magnum, triquetrum. Stylus unicus. Stigmata 3, reflexa.

Color carinæ pallide viridis; Sqvamarum, Filamentorum, Stylorum ferrugineus; Germinis albus.

Ter repetitus inter Linnæanos, si quid video, reperitur. Teneritate & magnitudine culmorum, longitudine involucri, crassitie atque numero spicarum, ut & sqvamarum has componentium, ratione ætatis & soli admodum variat. Qvum sqvamæ spicarum superiores sint distichæ; inferior modo una & altera transversa, siccatus atque inter chartas compressus facile pro Cypero habetur. Anno 1760 in excursione botanica, cum Illustrissimo Bernh. Jussieu & reliquis jucundissimi itineris sociis, circa Lutetiam Parisiorum varietatem β optime figuræ Plukenetii, cui soli nititur Cyperus minimus Linn. (qvum Sloanei figura ad plantam multum diversam pertinere videatur) congruentem legi. Ibidem etiam varietatem γ, præterea circa Hafniam a nostro Königio lectam, cuius involucrum, figuræ Morizoni optime respondit, inveni. Ubi Culmus huic pygmæus, mucro paulo longior atque spicæ (2—3—4) plures. Scirpi supini Linnæi atque Turnetortii characteribus in omnibus satisfacit. Varietatem α omnium tenerimam e capite B. Spei misit toties laudatus Königius, apud fontes intra valles montium crescere scribens; numeravit ille in spica communiter flores III, uti Hallerus in suo Marisco 1345. In spicis vero, qvas evolvi, Capensium, ego multo plures, VI. sc. ad XI. & in Gallicis atque nostris adhuc plures inveni; qvæ Hallerianis sic in Actor. Helveticor. Vol. 5. pag. 59. No. 164. descriptis satis bene respondent, qvas valde multifloras esse hoc loco monuit Illustrissimus Author.

Tab. XV. fig. 4. 5. 6. A. Culmi inferiores cum radicibus & foliis. B. Superiores, integri, nudi. C. Mutilati. D. Spicæ.

a. spica solitaria cum involucro. b. spicæ nudæ.

64. SCIRPUS tristachyos, culmo nudo setaceo; spicis ternis, sessilibus; involucro diphyllo. Program. nostr. 1772. pag. 25.

Scirpus

Scirpus culmo teretiusculo, seminudo; spicis capitatis, sessilibus; involucro diphyllo, setaceo. Fl. Zeil. Linn. pag. 16. No. 39.

Gramen pusillum, junci capitulis minimis, ad basin foliolis binis acutis. Buurm. Thesaurus Zeil. pag. 108. tab. 47. fig. 2. exclusis Synonymis.

Ad hunc etiam referto Gramen Cyperoides, capillaceis foliis, pusillum, ex Insula Cheusan. Plukenet. tab. 417. fig. 8.

RADIX fibrosa, flexuosa, ferruginea.

SCAPI plures, fasciculatim aggregati, palmares & dodrantales, flexuosi, striati, setacei.

FOLIA ad basin culmi plura, fasciculata, setacea, duriuscula, culmo breviora, basi vaginis membranaceis albescientibus nascentem scapum vestientia.

INVOLUCRUM diphylum basi latecens, mucronatum. Foliū superius erectum spicis tri- & quatrupo longius; inferius patulum vel reflexum aliquanto brevius.

SPICÆ in junioribus 3 vel 4, in proiectioribus plures, sessiles, oblongo-ovatæ, obtusæ, parvæ, undique imbricatæ *Squamis* floriferis, ovatis, obtusis, concavis, carinatis, striatis, ferrugineis.

STAMINA 3.

PISTILLUM. *Germen* triquetrum, oblongum, imberbe. *Stylus* unicus. *Stigmata* 3 cirroſa.

Habitus durus & siccus; Color pallide viridis, ætate ferrugineus. Charakteri & descriptioni, qvibus illustrissimus Linnaeus in Flora Zeilanica Scirpum 39, capillarem postea dictum, olim constituit, apprime respondet nostra planta, qvam e Capite B. Spei misit Dominus Königius; nec, si teneritatem majorem & longitudinem involuci excepteris, refragatur figura Buurmanni in Thesauro Zeilanico, ut, etsi cum descriptione consummatissimi Botanici meam, qvoad fructificationis partes, conciliare in omnibus neqveo, eandem tamen credam esse plantam. Rem plane conficit Hermanni herbarium, qvod a Possessore defuncto Gunthero dudum in Bibliothecam Excellentissimi Comitis de MOLTKÉ migravit; ibi enim in Tomo IV. Capenses & Zeilanicas mixtas juxta Præfamen Linn. ad Floram Zeilanicam pag. 18. continente reperitur hoc gramen cum nomine & numero Scirpi 39, ipsius Linnæi manu adscripto, qvi respondet eidem Floræ Zeilanicæ numero pag. 16. In specimine hujus Herbarii, ut & meis a Königio missis omnibus, involucrum semper est diphylum, spicæque omnes sessiles, qva, qvum contraria ratione se habeant in ea, qvam pro capillari jam descripsit Linnaeus in Mantissa altera, diversa videtur planta. In Scirpi *setacei* 63 varietate β, qvi huic alias valde affinis est, spicis lateralibus saepe decidunt inferiores squamæ, quo fit, ut calvae rachides pediculos mentiantur parvos, respondeantque sic omnia descriptioni Sc. *capillaris* in altera Mantissa.

Tab. XIII. fig. 4. A. Culmi bases cum radicibus & foliis. B. Culmi nudi, vitio Chalcographi justo crassiores. C. Spicæ cum involucro.

a. spica m. a.

65. SCIRPUS, culmo setaceo, triquetro; capitulis subternis, sessilibus, squarroso; involucro diphyllo, stricto. Program. nostr. 1772. pag. 28. sub nomine Scirpoidis squarroso.

P

Scirpus



Scirpus squalrosus, culmo triquetro, nudo, setaceo; spicis ternis, sessilibus, ovatis, squalrosis. Linn. Mantiss. altera 181.

Gramen Cyperoides orientale perpusillum, capitulis subrotundis, hispidis, plerumque gemellis. Vanamalleecodde Malabarorum. Plukenet. Mantiss. pag. 98. tab. 350. f. 6.

Gramen Cyperoides Cheusanense tricephalon, globulis echinatis. Pluken. Amaltheia Botanic. pag. 112?

Gramen juncatum minus Indicum, spicis ternis tumidioribus sessilibus. Moriz. Hist. Plant. Part. III. §. VIII. pag. 227. N. 9.

Motta-Pullu Rheed. hort. Malab. Part. XII. tab. 38. pag. 72.

RADIX fasciculata, fibrosa, fibris albicanibus, flexuosa.

CULMI plurimi, teneri, triquetri, striati, glauci, a dimidia digitu ad magnitudinem fere palmæ.

FOLIA ad radicem plura, ovato-lanceolata, obtusa, striata, uncialia, purpurascens, culmos singulos distinguentia. Caulimum unicum vagina unciali basin culmi ambiens, lineari-setaceum, colore & longitudine fere ipsius culmi.

INVOLUCRUM diphylum, breve, inaequale; Folio uno, setaceo, incurvo, stricto, ex apice culni producto; altero inferiori, reflexo, triplo fere minori; raro praeter haec unum alterumque foliolum laterale minus.

CAPITULA communiter 3, interdum 4, rarius 1 vel 2 sessilia, parva, squalrosa, cylindrica, imbricata Squamulis minutissimis, ovatis, basi coccineis, cum acumine subulato, recurvo, luteo vel flavescente, ipsi squamæ æquale.

STAMINA. Filamentum intra squamam singulam 1 (rarius 2) breve, planum, supra latius. Anthera oblongo-linearis sulcata.

PISTILLUM. Germen triquetrum, nudum. Styli 2 breves, recurvi. Stigmata simplicia.

Figuræ Plukenetii & Horti Malabarici pessimæ; staminum numero, imprimis vero stylis, a cunctis se distinguit scirpis, cum quibus tamen potius conjungere quam Genera multiplicare amo. Cum optima descriptione hunc e Malabarico misit nunquam satis laudandus Dominus Königius.

Tab. XVII. fig. 5. A. Culmorum bases cum radicibus. B. Folia. C. Culmi. D. Capitula e spicis ternis. E. e spicis duabus. F. e spicis 4 composita. G. Spica solitaria.

a. spica. b. squama. c. pistillum. d. anthera.

66. SCIRPUS monander, culmo setaceo; involucro triphylo, longo; Capitulo sessili, glomerato; flosculis monandris.

Cyperus Maderaspatanus, spicis plurimis summo caule in orbem congestis. Moriz. Hist. Plant. Part. III. §. VIII. pag. 238. No. 35?

Gramen Cyperoides Maderaspatanum, spicis plurimis apicibus obtusis, summo caule in orbem congestis. Pluken. Almag. botan. pag. 178. Tab. 192. fig. 4?

RADICES fibrosæ, flexuosaæ, simplices, ferrugineaæ.

CULMI plures, palmares, setacei, triquetri, glauca.

FOLIA linearis-setacea, mollia, culmo, cuius basin vaginis membranaceis, albis, ambiunt, breviora.

INVOLUCRUM triphyllum, inæqvale, patens, capitulo triplo longius.

CAPITULUM sessile, spicis undique imbricatis, teretibus, 3 lineas circiter longis, globosum.

SQVAMÆ omnes floriferæ, parvæ, lanceolatae, obtusaæ, concavaæ.

STAMEN unicum.

PISTILLUM. *Germen* turbinatum, candidum, gibbum. *Stylus* planus, germini pyramidis ad instar impositus. *Stigmata* 2 capillaria, recurva.

FRUCTUS an capsula?

Hic noster, Kyllinga Monocephala & Cyperus dubius culmo, foliis, involucris, & toto habitu exæcte convenient, licet fructificatione maxime differant. Missus æstate Anni 1772 e Malabaria a Domino Königio.

Tab. XIV. fig. 3. A. Culmi cum radicibus & foliis. B. Spicarum glomerum cum involucro.

a. spica cum b. sqvama m. a.

67. SCIRPUS argenteus, culmis setaceis, triquetris; involucro tetraphyllo, longissimo; spicis cylindricis, plurimis, in Capitulum glomeratis. Program. nostr. 1772. pag. 27.

Gramen Cyperoides, Maderaspatanum, panicula compactiore, summo caule, trium foliorum in sinu sessili. Plukenet. Amalthe. Botanic. pag. III.

Mullen-pullu Hort. Malab. Part. XII. tab. 54. pag. 101.

Gramen junceum, minus, Indicum, spicis plurimis, parvis, in capitulum digestis. Moriz. Hist. Plant. Part. III. §. VIII. pag. 227. N. 8.

Scirpus minimus, capillaceo folio, Maderaspatanus, capitulo parvo. Scheuchz. Agrostog. pag. 370.

RADICES fibrosæ, simplices, fuscæ.

FOLIA plurima, fasciculatim in cespitem congesta, ad basin ovato-lanceolata, imbricata, pallide ferruginea; supra convoluto-subulata, striata, glauca, culmis fere æqvalia.

CULMI plurimi, setacei, triquetri, striati, glauci, fasciculis foliorum circumsepti, 1—4 uncias longi.

INVOLUCRUM. Folia communiter 4, convoluto-subulata, rigida, patentia, vel reflexa, inæqvalia, maximis culmos fere æqvantibus.

SPICÆ plurimæ (20—25) cylindricæ, vel oblongæ, parvæ (2 lin.) in capitulum congestæ, imbricatae *Squamis* floriferis, ovatis, acutis, argentei coloris, cum striis ferrugineis intermixtis.

RTAMINA. Filamenta 3 plana, brevia. Antheræ longæ, lanceolato-lineares.

PISTILLUM. *Germen* triquetrum sine setis. *Stylus* apici Germinis turris in modum impositus, hispidus. *Stigma* bifidum, hirsutum.

FRUCTUS an capsula?

In Missionis Malabaricæ Herbario antiquo a tineis & blattis fere devastato hoc gramen inveni.

Tab. XVII. fig. 6. A. Bases Culmorum cum radicibus. B. Folia. C. Culmi.
D. Capitula.
a. spica. b. sqvama. c. flosculus.

68. SCIRPUS barbatus, culmo triqvetro; vaginis suboppositis, ora superiori barbatis; capitulo terminali, subrotundo, polystachyo. Progr. nostr. 1772. pag. 27.

Scirpus parvus Maderaspatanus, capitulo glomerato fusco. Scheuchz. Agrostogr. pag. 370.

Gramen juncum, parvum, supinum, sive Holosteum, strictissimis & hirsutis foliis, Maderaspatanum. Plukenet. Almag. Botanic. 179. tab. 299. fig. 3.

Moriz. Hist. Plant. Part. III. §. VIII. pag. 229. N. 24.

RADICES fibrosæ, ferrugineæ, descendentes.

CULMI plurimi, fasciculati, setacei, prostrati, triqvetri, subnudi, palmares & dodrantales.

FOLIA ad radicem 2 vel 3, setacea, 1 vel $1\frac{1}{2}$ pollicem longa, ad basin vaginas formantia.

VAGINÆ suboppositæ, compressæ, striatæ, flavescentes, longitudinaliter fissæ, ora superiori utrinque fasciculo pilorum barbatæ.

INVOLUCRUM UNIVERSALE. Folia 4 vel 5 setacea, longitudine circiter capituli.

Proprium sqvama minima, obovata, mucronata, ciliata, ad basin spicarum.

CAPITULUM subrotundum, squarrosum, e *Spicis* plurimis, 3 circiter lineas longis, tetraqvetris, in fasciculum collectis; omnes undique imbricatæ *squamis* fertilibus, compressis, navicularibus, cum acumine carinatis, purpureis; carina, marginibus que albis.

STAMINA. Filamenta 3, plana, brevia. Antheræ linear-lanceolatæ, incumbentes.

PISTILLUM. Germen triqveturum, imberbe. Stylus unicus. Stigma trifidum.

In Missionis herbario inveni.

Tab. XVII. fig. 4. A. Bases culmorum cum radicibus. BB. Folia cum pilorum fasciculis. C. Culmi. D. Capitula.
a. spica. b. sqvama a tergo. c. a latere. d. flosculus.

69.* SCIRPUS nodosus, culmo compresso, nodoso; capitulo glomerato, mucronato.

Program. nostr. 1772. pag. 24.

Scirpoïdes acutum maritimum capitulo glomerato, solitario. Scheuchz. Agrostogr. pag. 373. Tab. VIII. fig. 6?

Herbarium Zeilanic. Hermanni Tom. IV. pag. 27. hunc, cum adscripto nomine *Junci*, sine numero Floræ Zeil. Linnæi respondentē habet.

CULMUS simplex, nudus, levis, compressus, farctus, siccitate contractus & nodosus, striatus, subtriqueter, tortus, apice in acumen subulatum, strictissimum, produktus.

CAPITULUM magnum, pollicis distantia sub apice culmum inæqualiter cingens, glomeratum *Spicis* innumeris, ovatis, acutis, ferrugineis, sessilibus.

SPICÆ oblongæ, imbricatæ *Squamis* lanceolatis, obtusis, concavis, carinatis; cunctis fertilibus.

STAMINA. *Filamenta* 3 plana. *Antheræ* lineares.

PISTILLUM. *Germen* obovatum, subtriquetrum, nudum. *Stylus* unicus. *Stigmata* 3, cirrofa.

PERICARPIUM. Capsula triquetra, semen unicum continens.

Icones & descriptiones Authorum a Sc. Romano, cui structura proximus, diversum monstrant. Per Dominum Königium e Capite bonæ spei habui.

Tab. VIII. fig. 3. A. Culmus. B. Capitulum. C. Mucro.

a. spica. b. flosculus.

70. SCIRPUS articulatus, culmo tereti, nudiusculo, semi-geniculato; capitulo glomerato, laterali. Linn. Spec. Plant. Part. I. pag. 70. Program. nostr. 1772. pag. 23.

Tsieli, Rheed. Hortus Malabaricus Part. XII. pag. 135. tab. 71.

Juncus Indicus major, stylis geniculatis. Moriz. Histor. Plant. Part. III. §. VIII. pag. 231. N. 3.

CULMUS altus, crassus, teres, nudus, siccitate collapsus, subtiliter striatus, flavescens, nitidus, infra laevis, supra geniculatus.

CAPITULUM laterale, sessile, magnum, nudum, constans *Spicis* plurimis, ovatis, acutis, basi turgidis, magnis; imbricatis undique *Squamis* magnis, membranaceis, ovatis, acutis, concavis, striatis, testaceo & purpureo sive ferrugineo colore variegatis, carina viridibus.

STAMINA. *Filamenta* 3 membranacea.

SEMEN magnum, triquetrum, glaberrimum, fuscum, ante maturitatem candidissimum.

In Malabaria hunc Expertissimus Dominus Königius, & in oriente B. Prof. Forskål collegit.

71. SCIRPUS Capensis, scapis, foliisque setaceis, basi alatis; capitulis glomeratis, per bracteas setaceas interstinctis. Progr. nostr. 1772. pag. 25.

Schœnus bulbosus, culmis triquetris, nudis; florum glomeribus alternis, foliis linearifiliformibus. Linn. Mantiss. altera pag. 178.

Q



* BIBLIOTECA *
DE
CIENCIAS NATURALES *

RADIX

RADIX bulbosa, radiculas fibrosas, capillares, fuscas, emittens.

STOLONES repentes, compressi.

SCAPI plurimi, setacei, compressi, striati, teretes, striati, pallide virides, palmates & spithamei.

FOLIA ad radicem plura, canaliculato-setacea, striata, longitudine vix scapi, inferius ala membranacea, alba, undulata aucta.

CAPITULA ovata, parva, ferruginea vel fusca, ad apicem scapi alternatim in glomeres congesta, infimo saepe remotiore.

BRACTEÆ setacea, foliis similes, sed breviores, florum glomeres distingventes.

SPICÆ compressæ, subtriqvætræ, uno latere undique, opposito distiche imbricatae; cunctæ ovatae, breves, glabrae, constantes *Squamis* ovatis vel oblongo-ovatis, carina acuminatis, ferrugineis, margine membranaceo, scarioso, albido; *infimis* duobus brevioribus, ovatis, inanibus.

STAMINA. *Filamenta* 3 membranacea. *Antheræ* cuspidatae.

PISTILLUM. *Germen* oblongum, planum, imberbe. *Stylus* unicus. *Stigmata* 3 cirrofa.

Cum Sc. (61) cui habitu simillimus, e Capite bonæ spei a Domino Königio missus.

Tab. XVI. fig: 3. A. Culmi infimi. B. Stolones. C. Alæ foliorum.
D. Folia. E. Culmi nudi. F. Involucra. G. Spicarum glomeres.
a. Spica ab uno. b. ab altero latere. c. Sqvama.

72.* SCIRPUS, capitulo terminali, glomerato, subnudo. Progr. nostr. 1772. pag. 27. *Scirpus Hottentottus*, culmo triqvætro, folioso; capitulo subglobose; *squamis* lanceolatis, hirtis. Linn. Mantissa altera pag. 182?

CULMUS simplex, 2- & 3-pedalis, procumbendo radices agens, striatus, triqveter, geniculatus, geniculis infimis approximatis.

FOLIA alterna, palmam transversam remota, linear-lanceolata, striata, testacea, longitudine internodiorum.

VAGINÆ tumidae, hispidæ. *Membrana oris* brevissima, ferruginea.

INVOLUCRUM nullum præter bracteam oblongam, muticam, spiculae singulæ subjectam.

CAPITULA plura (8), crassa, ovata, obtusa, brevia, in glomerem collecta, imbricata *Squamis* oblongis, ferrugineis, striatis, hirsutissimis, cunctis fertilibus; carina in aculeum subæqvalem producta.

STAMINA. *Filamenta* 3 linearia. *Antheræ* lineares, medio sulcatæ.

PISTILLUM. *Germen* triqvætrum, angulis & basi hirsutum. *Stylus* unicus. *Stigmata* 3, reflexa.

PERICARPIUM. Capsula triqvætra, acuminata, trivalvis, semen unicum, triqvætrum, continens.

Si Caricibus quis jungere velit, non refragabor. Dominus Königius e Capite bonæ spei misit.

Tab. XVI. fig. 4.	A. Culmus.	B. Vagina, Folio terminata.	C. Culmus
	e supremi folii vagina exiens.	D. Capitula.	
a. Bractea mutica spicæ subjecta.	b. Squama.	c. Flosculus.	e. valvulae 3
pericarpi.	d. Semen inclusum.		

73.* SCIRPUS, pedunculis lateralibus & terminalibus, multifloris; spicis oblongis, hirsutissimis; squamis tricarinatis, aristatis. Progr. nostr. 1772. pag. 26.

Scirpus ciliaris, culmo triquetro, folioso; umbellis sparsis; squamis calycinis, aristis ciliatis. Linn. Mantissa altera pag. 182?

Gramen Cyperoides Indiae orientalis, foliis hirsutis, pubescentibus, intervallata panicula pulchra. Poonarrepille Malabarorum. Pluken. Mantissa pag. 97. tab. 417. fig. 6.

CULMUS triquetus, pilosus, tenuis, simplex.

FOLIA alterna, canescens, linear-lanceolata, mollia, striata, hispida, ciliata, basi vaginantia.

VAGINÆ subtumidæ, fissa, marginibus pilosæ, cum membrana oris brevissima, truncata, ferruginea.

PEDUNCULI terminales & axillares, breves, multiflori (5—6).

SPICÆ alternæ, oblongæ, hirsutissimæ, pallide virides, seu incanæ, 3 lineas circiter longæ, imbricatæ Squamis oblongis, tricarinatis, arista ipsis æquivali, pilosissima, molli, terminatis.

STAMINA. Filamenta intra squamam singulam 3, membranacea.

PISTILLUM. Germen triquetrum, nudum. Stylus unicus. Stigmata 3 reflexa.

PERICARPIUM. Capsula trivalvis, triquetra, semen unicum continens.

Bractea tetacea spicæ singulæ subjecta.

Misit Dominus Königius hunc, qvi Caricibus satis commode annumerari potest.

Tab. XVII. fig. 1.	A. Culmus.	B. Vagina; Membrana oris; Folium.	
	C. Pedunculus axillaris.	D. Terminales.	
a. squama.	b. partes fructificationis.	c. valvula pericarpii.	d. semen.
	e. ejus segmentum transversum.		

74. SCIRPUS prolifer, culmo tereti, compresso, nudo; capitulis glomeratis, nudis, tandem proliferis. Progr. nostr. 1772. pag. 25.

CULMI procumbentes, striati, teretes, compressi, nudi.

SPICÆ terminales, linear-lanceolatae, initio pauciores, tandem plurimæ in *Capitulum* collectæ; imbricatæ Squamis fertilibus, obtusis, lanceolatis, striatis, ferrugineis cum punctis coccineis intermixtis; squama minima, obtusa, ovata, concava, capitulum loco involucri fulciente.

PEDUNCULI vel potius *RAMI* plures, fasciculati, ex apice culmi inter spicas adultioris capituli prorumpentes; singuli capitulo solitario terminati, cuius inter spicas simili ratione fasciculatum progerminat nova proles.

OCHREÆ striatæ, coccineæ, obtusæ, mucronatæ, unciaæ dimidiæ vel fere integræ longitudo, bases ramorum vaginantes.

STAMINA non mihi visa.

PISTILLUM. *Germen* triquetrum, sine setis. *Stylus* unicus. *Stigma* trifidum.

In promontorio Cap. b. spei ad radices montis Leonis in Udis a Domino Königio inventus est.

Tab. XVII. fig. 2. A. Culmus. B. Capitulum. C. Radii fertiles.
D. Steriles. Utrique ad basin ochreati. E. Capitula terminalia.
a. spica. b. squama. c. pistillum. d. germinis segmentum.

75. *SCIRPUS* dipsaceus, culmis setaceis; umbella simplici; capitulis oblongis, squarrosis; flosculis subulatis, recurvis, diandris, germine echinato.

RADIX fibrofa, ferruginea.

CULMI plurimi, setacei, striati, triquetri, digitales, supra nudi, ad basin vaginis purpurae distinctibus, acumine sive foliolo brevissimo terminatis, cincti, atque a sociis distincti.

INVOLUCRUM. Folia (3—4) basi lata, concava, apice subulata, umbella ipsa breviora.

UMBELLA terminalis, simplicissima, cum Capitulo intermedio sessili. *Radii* pauci (2—6) incurvi, triquetri, breves, longitudine circiter $\frac{1}{2}$ unciae.

CAPITULA parva, oblonga, teretia, squarrofa, solitaria, radios terminantia, densissime imbricata *Squamis* basi membranaceis, concavis, ovatis, carinatis; apice subulato, recurvo, longo.

STAMINA. *Filamenta* intra singulam squamam 2 juxta Königium.

PISTILLUM. *Germen* lineare, incurvum, gibbum, concavum, ferrugineum, margine utroque spinulis ciliatum. *Stylus* tenuis, ferrugineus. *Stigma* 2 capillaria, recurva.

Squamaram Color albidus; carinæ & apicis viridis.

Elegantisimum hunc Scirpum, antecedenti (65) habitu similem, at multis notis, imprimis vero Germine singulari distinctissimum, præterlapsa æstate cum reliquis supra relatis ab indefesso nostro Königio e Malabaria accepi.

Tab. XII. fig. 1. A. Culmi bases cum radicibus & foliis. B. Summitates nudæ. C. Umbella. D. Capitula.
a. Squama. b. Pistillum.

76. SCIRPUS dichotomus, culmo triqvetro, nudo; umbella supra-decomposita; spicis dichotomiae sessilibus. Linn. Spec. Plant. Part. I. pag. 74.

Fl. Zeil. pag. 40. Program. nostr. 1772. pag. 25.

Gramen Cyperoides Maderaspatanum, Juncelli Gesneri capitulis sparsis. Plukenet.

Almag. 179. tab. 119. fig. 3.

Cyperus minor Maderaspatanus, Juncelli Gesneri capitulis. Moriz. Histor. Plant. Part. III. §. VIII. pag. 38. N. 30.

Cyperus supinus, minimus, sparsa panicula, e rarioribus loculis conferta. Monti Prodr. 13.

Scirpus Maderaspatanus, spicis conoidibus fuscis. Scheuchz. Agrostogr. pag. 359.

Cyperus Maderaspatanus, calamo compresso, spicis minoribus fuscis. Scheuchz. Agrostogr. pag. 395. Tab. IX. fig. 5.

RADICES fibrosæ, ferrugineæ.

CULMI plures, basi decumbentes, setacei, triqvetri, supra nudi, striati, hispidi, palmæ circiter magnitudine.

FOLIA graminea, linearia, striata, hirsuta, patentia vel reflexa, culmum, cuius inferiorem partem vaginis compressis, uncialibus, amplexantur, fere æquanta.

INVOLUCRUM. Folia (3—6) plura, linearia, inæqualia, margine aculeata, inæqualia; maximis umbella duplo fere longioribus. INVOLUCRUM PARTIALE simile, sed brevius.

OCHREÆ brevissimæ, bifurcæ.

UMBELLA supra-decomposita. *Radii* plures; *interiores* breves, simplices vel bifidi; *exterioris* longiores ($1\frac{1}{2}$ unc.) umbella altera terminati, cuius unus & alter radius umbellam tertiam, radiis simplicibus vel bifidis constante, promit.

SPICÆ solitariæ, terminales & axillares in centro umbellarum & bifurcatione pedunculorum sessiles; omnes oblongo-ovatæ, acutæ, (3 circiter uncias) longæ, imbricatae *Squamis* hispidis, ovatis, concavis, carinatis; carina in spinulam mollem rectam producta.

PISTILLUM. *Germen* turbinatum, gibbum, striatum, glabrum. *Stylus* hispidus, turris ad instar germini impositus, bifidus. *Stigmata* capillaria, reflexa.

FRUCTUS an capsula?

Color graminis glaucus vel incanus; *squamaram* testaceus vel ferrugineus; carina & acumine pallide viridi; pistilli brunneus.

Plukenetii icon spicas bene, paniculam pessime exhibet. Scheuchzerus bis hunc descripsit.

In Oriente hunc legit Professor Forskål, quem sub nomine Montii Anno 1761 Bononiæ dedit optimus Ferdinandus Bassi.

Tab. XIII. fig. 1. A. Culmi cum radicibus & foliis. B. Culmi nudi.

C. Umbella. D. Umbella altera. E. tertia subdivisio.

a. spica cum b. *squamam*, & c. pistillum m. a.



77. SCIRPUS, culmo triqvetro, nudo; involucro setaceo; panicula verticillata, supra-decomposita; spicis centralibus, sessilibus. Progr. nostr. 1772. pag. 26.

Scirpus Miliaceus, culmo triqvetro nudo; umbella supra-decomposita; spicis intermediis sessilibus; involucro setaceo. Linn. Spec. Plant. Part. I. pag. 75.

Cyperus minor Maderaspatensis, panicula sparsa e loculis rotundis composita. Moriz. Hist. Plant. Part. III. §. VIII. pag. 238. N. 29.

N. L. Buurmanni Fl. Indica pag. 22. tab. 9. fig. 2?

Juncus orientalis panicula speciosa ex Maderaspatan. Pluken. Almag. botanic. 200. Phytogr. tab. 95. fig. 3?

CULMUS filiformis, supra nudus, triqveter, striatus, viridi-flavus.

INVOLUCRUM. Folia pauca (2—4) linear-setacea, amplexicaulia, apice communiter reflexa, verticillis, quibus breviora, apposita.

PANICULA triplicaris, filiformis, supra-decomposita, diffusa, verticillata. *Verticilli* in nostris speciminibus tres, infimo remotiore.

PEDUNCULI plurimi, simplices ramos commixti, triqvetri, margine scabri, laxi, divaricati vel reflexi, apicibus sub angulo patulo bisepti.

SPICÆ obtusæ, ovatæ vel globosæ, minimæ (longitudine 1 lin.) solitariæ, in centro verticillorum & divisionibus pedunculorum sessiles, cæterum pedunculatæ, terminales; imbricatae *Squamis* minimis oblongis vel subrotundis, concavis, ferrugineis, cum carina viridi, quæ obtuso mucrone, ad basin spicæ longiori, terminatur; cunctis præter 2 infima fertilibus.

STAMINA 3.

PISTILLUM. Germen triqveturum, nudum. *Stylus* unicus, bifidus. *Stigmata* setacea, flexuosa.

SEMEN unicum, obovatum, triqveturum, minimum, scabrum.

Synonymon Buurmanni ob spicas ejus distichas, umbellas simpliciores, & folia involuci nimis brevia, etsi a Linnæo receptum est, cum formidine adduco.

Königius misit.

Tab. V. fig. 2. A. Culmus. B. Umbella prima. C. altera. D. Umbellæ ultimæ, binis radiis. E. eadem tribus radiis constantes.
a. spica. b. squama.

78. **SCIRPUS**, involucro diphylo; panicula supra-decomposita; spicis terminalibus, solitariis, lanceolatis, subtetraqvetris. Program. nostr. 1772. pag. 26.

Scirpus autumnalis, culmo ancipiti nudo; umbella decomposita, foliosa; spiculis ovatis. Linn. Mantiss. altera pag. 180?

CULMUS mollis, farctus, tenuis, supra nudus.

INVOLUCRUM UNIVERSALE. Folia 2 lanceolato-linearia, inæqvalia; *maxima* alterius, quod longitudine circiter ipsius umbellæ est, facile duplo. **INVOLUCRUM PARTIALE.** Squamæ ovato-vel lanceolato-subulatae, umbellulæ subiectæ, pedunculisque interpositæ.

OCHREÆ laxæ, semi-pollicares, cum mucrone obtuso truncatae.

UMBELLA supra-decomposita, 3 in nostris speciminibus divisa. *Primæ divisionis RADII* (14—15) plurimi, patentes, inæqvalēs, a $\frac{1}{2}$ usqve ad 2 vel 3 uncias longi. *RADII secundæ divisionis* prioribus numero fere pares, inæqvalēs; *maximis* vix unciam longis. *RADII tertiæ divisionis* pauciores (6), brevissimi, incrassati.

SPICÆ terminales, solitariæ, linear-lanceolatæ, brevissimæ (1 lin.), tenuissimæ, viridi-fuscæ, apice albidae, imbricatae *Squamis* minimis, oblongis, vel oblongo-linearibus, concavis, truncatis, carinatis.

STAMINA. *Filamenta* intra singulam squamam modo 2 numeravi. *Antheræ* longæ, lineares.

PISTILLUM. *Germen* triquetrum, nudum. *Stylus* unicus. *Stigmata* 3 reflexa.

Pedunculi, pedicilli & spicæ sub-tetraqvetræ.

Color totius graminis viridi-fuscus.

Dominus Königius hunc misit.

Tab. XVII. fig. 3. A. Culmus. B. Umbella cum involucro. C. Radii.
 D. Umbella secunda. E. Tertia. F. Spicarum stellulæ.
 a. pedicillus ochreatus, bractea ovata fultus. b. squama a tergo. c. a latere.
 d. pistillum; cuncta m. a.





CAP. VI.
S C H O E N U S.

Omnes, qvas vidi, hujus Generis plantæ *Spicas* gerunt squamis duplicis indolis imbricatas; *Inferiores* scilicet vel *Exteriores* duras, coriaceas, rigidas, breves, inanes sive steriles, non raro arista vel spinula, apicem spicæ versus decrescente, instructas; *Superiores* vel *Interiores* longiores, membranaceas, molles, fertiles, muticas.

Differt sic a Cypero & Scirpo nostrum genus, fere uti a *Briza Uniola*. *Setarum* nullam ad genus constituendum rationem habeo; non qvod ea particula, e mente Illustrissimi Halleri, duo genera pulcerrime distingvi posse negem, sed qvod notam in speciebus calidarum regionum, qvas tractavi, statim obviam eo minus negligendam putavi, qvo melius menti Illustrissimi Linnæi respondet, facitqve, ut sic sine transmutatione cum ipsius speciebus meas conferre & jungere possim. *Stamina* & *Pistillum* superiorum squamarum, ut in Scirpo. *Fructus* semen unicum, nudum, vel capsula inclusum.

Dissimulare tamen minime queo, me tanti meam notam, a sterilitate & fabrica reliqua squamarum inferiorum du<am, non facere, ut hac de causa, si penes me staret, Genus Schœni conservatum cuperem; sine ullo enim rei Botanices detimento hoc potius elidi, speciesqve omnes Scirpis vel Cyperis accenseri posse opinor; nec est, qvod qvis vereatur, ne, accessione ad duo hæc genera adeo locupleti, investigatio singulæ speciei multo reddatur intricatior, qvum subdivisione e squamarum differenti indole petita tota hæc levari possit difficultas. Nostrum Genus a Scirpo distingvere noluit Dilectissimus Præceptor, Venerabilis jam senex B. JUSSIÆUS, cuius humanitatem & benevolentiam, qva integro anno, dum Parisiis ejus familiaritate uti licuit, me amplexus est, nunquam oblidiscar. Adansonium, Familles des plantes, Tom. II. p. 40. grave Præceptoris judicium confirmasse video.

79.* SCHOENUS Cephalotes, culmo folioso, triqvetro; involucro tetraphyllo, deflexo; capitulo oblongo, terminali. Program. nostr. 1772. pag. 14.

Scirpus Cephalotes, culmo triqvetro, nudo; capitulo ovato, squarroso; involucro triphylllo, longo. Linn. Spec. Plant. Part. I. pag. 76. excluso Synonymo Brounii.

CULMUS striatus, triqveter, crassus, foliosus, pedes 2 & ultra longus.

FOLIA pedalia, linear-lanceolata, carinata, striata, alterna, remota, margine & carina aculeata.

INVOLUCRUM tetraphyllum, longissimum, reflexum, dependens.

CAPITULUM cylindricum, maximum, 2 ad 3 uncias longum, unam circiter latum, ad basin brevissime paniculatum.

SPICÆ oblongo-ovatæ, undique imbricatæ, crassiusculæ, 3 lineas longæ.

CALYX. Squamæ inferiores coriaceæ, rigidæ, carinatae, mucronatae.

COROLLA. Squamæ superiores plures, lanceolatae, concavæ, molliusculæ, muticæ-

STAMINA intra singulam squamarum superiorum tria.

PISTILLUM. Germen subrotundum, exteriori latere gibbum, punctatum, basi setis articulatis, ciliatis, longitudine staminum, cinctum. Stylus unicus, calyptræ vel mitræ ad instar germini, cuius ad basin utrinque ligula membranacea decurrit, impositus, supra filiformis, in spiram flexus. Stigmata 2 oblongo linearia.

PERICARPIUM. Capsula (quam in monstrosum, cymbiforme, cassum exuvium saepe inveni transformatum) glabra, solitaria, punctata, semen unicum includens.

Supremarum squamarum flores masculi mihi visi sunt.

Interdum squamæ spicarum in foliola striata, hispida, ciliata, reflexa mutantur, spicas sic facientes squarroso-flosculosas, quæ multum a nuper descriptis recedunt, eisque, quas describit Linnæus, nisi quod steriles, exacte sunt similes; inveni capitula tota his solis constantia, vidi alia utrisque mixta. An ergo vivipara haec planta? An potius infectis adscribenda peculiaris haec metamorphosis?

E Suriname a Domino Rolandro aduentus est.

Tab. XX. A. Caput naturali habitu. B. transformatum mutatione squamarum in folia brevia, undulata, reflexa. C. Involucrum tetraphyllum. D. Culmus. E. Folium abruptum, persistente basi.

a. spica proiectior. b. junior. c. spica degener mutatione squamarum in folia.

1. dd. corollæ inferiores. h. setæ. e. germen fecundum. f. squamarum una, germen degener, cassum includens.

2. Flos unicus. g. squama. e. germen. k. stamina. i. stylus circumflexus apice bifidus cum stigmatibus.

3. Flos magnitudine auctius e squama exemptus. E. Germen. K. Stamina. L. Setæ. g. Stylus, ut in priori, flexus atque divisus.

4. h. Setæ. i. Styli basis apicem germinis calyptræ instar tegens.

5. h. Setæ, germen degener, cassum cingentes.



80. SCHOENUS Fabri, culmo compresso; capitulis solitariis, involucro maximo testis; apicibus exteriorum squamarum longissimo folio terminatis. Program. nostr. 1772. pag. 28. N. 80.

Bobartia spicis capitatis, involucro majori folioso testis. Brounii Jamaic. 129. CULMUS altus, flexuosus, geniculatus, compressus, striatus, sulco profundo ad latus utrumque exaratus.

FOLIA longissima, linearia, carinata, flexuosa, striata, dependentia, basin versus imprimis pilosa, vaginis latere fissis internodia tota cingentia.

CAPITULA lateralia & terminalia, maxima, solitaria, erecta, obtecta squamis coriaceis, ovatis, acuminatis, concavis, striatis, multicarinatis, erectis, hirsutissimis; extimus loco acuminis in folia longissima dependentia productis.

Totum Receptaculum intus floribus pedicillatis obiectum.

FLOS constans *Squamis* canaliculatis, linearis-subulatis, inaequivalibus, patentissimis, non imbricatis, sed supereqvitantibus, & eadem basi insistentibus.

STAMINA & PISTILLUM mihi non visa.

Flos & tota structura novum Genus indicare videntur. Sub Schœenis interim retuli, usque dum fructificatio plene innotuerit. In Jamaica legit Broune; ex Insula Caribica Sanctæ Crucis misit b. Nicolaus Faber, cuius memoriae nemo melius consulere potest, ac Nobilissimus atque eruditissimus Dominus de Rohr, defuncti amicus, qui in solo natali plantam rarissimam adeundi copiam habet.

Tab. XIX. fig. 2. A. Culmus. B. Vaginæ internodia vestientes in folia productæ. CC. Capitulum terminale cum involucro. D. Squamæ exteriores folio linearis longissimo terminatæ. E. Interiores acutissime mucronatæ.
a. Rudimentum floris.

81.* SCHOENUS setaceus, culmo triquetro, foliisque setaceis; spicis aggregatis; floribus diandris. Program. nostr. 1772. pag. 14.

CULMUS setaceus, triqveter, debilissimus, simplicissimus, spithameus.

FOLIA alterna, setacea, longissima præter supremum, quod fasciculo florum terminalium vix longius est.

PEDUNCULI axillares, foliis multo breviores, tenuissimi; inferiores solitarii; superioribus 3 vel 4 brevissimis, in fasciculum collectis.

SPICÆ (3—4) aggregatae, undique imbricatae, teretes, subulatae, tenuissimæ, 3 lineas longæ.

CALYX. Squamæ inferiores (4—5) ovatae, carinatae, arista terminatae.

COROLLA. Amentum subulato-convolutum, constans *squamis* unifloris, mollibus, muticis, lanceolatis, apice convolutis; inferiore quolibet omnes superiores includente.

STAMINA 2.

PISTILLUM. *Stylus* unicus, basi tumidus, apice inflexus, bifidus.

PERICARPIUM. Capsula dentata, semen ut in antecedente (79) includens.

In Suriname vulgatissimum est in pratis uidis, argillosis. Mane & vesperi mala cydonia spirant flores, testante Rolandro, qui inde advexit.

- Tab. XXI. fig. 2. A. Culmus. B. Folium. C. Pedunculus. D. Fasci-
culus florū terminalis. E. Idem seorsim exhibitus.
 1. Spica integra magnitudine multum aucta. a. squamæ calycinæ aristatæ.
 b. corollæ.
 2. Pistillum. c. germen. g. stamina. e. stylus. f. stigmata.
 3. c. Pericarpium rugosum apice d. dentatum.

82.* SCHOENUS, culmo tereti; vaginis lucidis; spicis distichis, aristatis; singulis simplicibus spatha unica cinctis. Program. nostr. 1772. pag. 12.

Schœnus ustulatus, culmo tereti, folioso; spicis pedunculatis, pendulis, oblongis, aristatis. Linn. Mantiss. altera pag. 178?

CULMI longissimi, tenaces, siccæ, tenues, juncei, teretes, glabri, striati, subarticulati, flavescentes; supra fulco pro ramis excavati.

VAGINÆ cylindricæ, striatæ, lucidæ, fuscæ, uncia longiores, ad basin subtumidæ; altero latere cancellatæ, opposito in folium productæ.

FOLIA alterna, canaliculato-setacea; margine aculeata; *infra* remotissima, longissima, laxa, flexuosa; *supra* stricta, approximata, alterna, brevia, florū paniculas spicasque vaginis obvolventia.

PEDUNCULI multiflori, semiteretes, flexuosi, debiles; *inferiores* solitarii, tripollicares circiter, remoti; *superiores* binati, approximati, sensim breviores, tandemque nulli.

SPICÆ plures (4—5) alternæ, terminales, congestæ, distichæ, ferrugineæ vel rufæ, longitudine 1 unciae, singulis spatha transversa, quæ in aristam margine aculeatam, sequi longiorem, excurrit, obvolutis atque distinctis.

CALYX. Squamæ spicæ *inferiores* 6 circiter, coriaceæ, lanceolatæ, concavæ, aristatæ; *interioribus* longioribus cum arista breviori.

COROLLÆ binæ spicam terminantes, univalves, membranaceæ, lanceolato-lineares, concavæ, muticæ.

STAMINA. Filamenta 3, membranacea, longitudine corollæ. Antheræ lineares, triquetræ, cuspidatæ, in hamulum non raro inflexæ.

PISTILLUM. Germen lineare, triquetrum. Stylus linearis, hispidus, longitudine staminum. Stigmata tria, hirsuta, flexuosa, longissima, rufa.

PERICARPIUM. Capsula triquetra, semen unicum includens. Germen corollæ inferioris mihi abortire visum.

Königius in Promontorio Cap. b. spei legit.

- Tab. XVIII. fig. 1. A. Culmus. B. Vagina & Folium. C. Pedunculi.
 a. spatha. b. spica. c. squama corollæ fertilis. e. altera sterilis, torta,
 postice visa. d. flores. e* e* corollæ.

83. SCHOENUS, culmo tereti; spicis alternis, aristatis; singula composita spiculis plurimis, per totidem bracteas interstinctis. Program. nostr. 1772. pag. 12.

Schœnus thermalis, culmo triqvetro, folioso; capitulis lateralibus, compositis, subsessilibus; foliis ensiformi-carinatis. Linn. Mantiss. altera pag. 179.

CULMUS bipedalis & altior, geniculatus, striatus, glaber, pallide viridis vel glaucus, infra teres, supra, latere pedunculos spectante, fulco excavatus.

FOLIA alterna, remota, longissima, apicem versus approximata, magnitudine decrescentia, lanceolato-linearia, canaliculata, flexuosa, carina & marginibus subaculeata, ad basin vagina lutescente, antice cancellata, culmum vestientia.

PEDUNCULI complanati, alterni, laxi, debiles; *infimi* longissimi; *summi* brevissimi & fere nulli.

SPATHÆ plurimæ, ovato-lanceolatæ, concavæ, carinatæ, aristatæ; *exteriores* majores spicularum fasciculos in spicam majusculam compositam colligentes; *interiores* minores, spiculas continuo interstingentes.

SPICÆ compositæ, terminales, oblongæ, ferrugineæ, magnitudine minimi fere digitæ.

SPICULÆ lineares, tenuissimæ, imbricatæ *squamis* linearis subulatis, quvarum 4 *inferiores* steriles; *reliquæ* subulatæ, convolutæ, floriferæ, ob tenuitatem a me non evolutæ.

Color spicarum testaceus vel dilute ferrugineus.

Spicæ in hac ferme triplo maiores ac in antecedente; Spiculæ e contrario decuplo minores, magnitudinem quum solummodo faciant spathæ sive bractæ innumeræ, spicularum fasciculos, ipsasque spiculas, continuo interstingentes; facie itaque licet priori simillimus & quasi ejus sola varietas, tamen optime distinctus.

Dominus Königius misit ex eodem loco.

Tab. XVIII. fig. 2. A. Culmus. B. Vagina folio terminata. C. Pedunculus. D. Capitula sive spicæ.
a. Spatha spiculas 3 bbb. involvens. c. spicula expansa.

84. SCHÖENUS involucratus, panicula foliosa, nutante; spicis congestis, aristatis, subdistichis; flosculis gemellis, nectariferis.

CULMUS teretiusculus, farctus, subtilissime striatus, subgeniculatus.

FOLIA linearis-setacea, carinata, striata, longa; vaginis uncialibus, striatis, lucidis, coloratis, culmum ambientia.

PANICULA sesquipedalis, secunda, nutans, foliosa, ramosissima. Rami alterni, remoti, complanati, filiformes, flaccidi, paniculati, 3 vel 4 e vagina singuli folii, quorum *unicus* maximus, folio duplo longior; *reliqui* minores, decrescentes, brevissime pedunculati, subsessiles.

FLORES. Spicæ congestæ, oblongo-lanceolatæ, compressæ, distichæ, unciam dimidiam circiter longæ.

CALYX imbricatus *Squamis* spicæ *inferioribus*, (6—7) coriaceis, ovatis, aristatis infimis longissimis.

COROLLÆ in apicē spicæ, binæ, quvarum *superior* bivalvis, *inferior* univalvis, factæ e *Squamis* membranaceis, oblongo-lanceolatis, concavis, obtusis, muticis.

STAMINA. *Filamenta* 3, membranacea, plana, intra utriusque corollæ squamam.

PISTILLUM. *Germen* subtrigvetrum, turbinatum. *Stylus* unicus. *Stigmata* 3, filiformia. *Germen* inferius marcescit.

NECTARIUM. *Squamæ* 6 subcartilagineæ, erectæ, lineares, acutæ, margine ciliatæ, basi gibbæ, candidissimæ, germine paulo longiores, stamina & pistillum involventes.

Culmus & Folia flavescentia; spicæ ferrugineaæ, marginibus squamarum pallidis.

Habitus cum congeneribus perfecte idem, qvare nolui ob unicum speciem genus struere, etsi hoc svadere posset involucrum sive nectarium.

Habui e Capite B. Spei hac æstate per Proto-chirurgum navalem Societatis Indicæ, Dominum Borch.

Confer, si placet, cum nostro seqventes Linn. cum synonymis:

Cyperus spathaceus, culmo vaginis foliorum vestito, pedunculis pinnatis, lateralibus. System. Nat. Edit. 12. Tom. II. ADDENDA pag. 735.

Schœnus spathaceus, culmo tereti, spathis alternis, mucronatis, paniculas involventibus, spicis alternis, patentibus. Linn. Spec. Plant. Part. I. pag. 63.

Gramen junceum elatius, caule articulato, Virginianum, cyperi paniculis inter folia prope summitatem prodeuntibus. Pluken. Almag. 179. tab. 301. fig. I.

Cyperus alterni-folius, culmo triqvetro nudo, apice alternatim folioso, pedunculis lateralibus proliferis. Mantiss. Linn. pag. 28. & System. Natur. Tom. II. ADDENDA pag. 734.

Gramen fluviatile geniculatum, panicula foliacea, loculis tenuibus oblongis Virginianum. Moriz. Historia Plant. Part. III. pag. 183. §. 8. tab. 3. fig. 17.

Racemis & Spicis plantæ hæ Plukenetii & Morizoni Scirpo nostro valde videntur similes, at culmo crassiore, articulis manifestis, tumidis, approximatis, utraqve, qvas post maturius examen jam separavit illustrissimus Linnaeus, adeo longe recedit, ut ad neutram referre sustineam.

Tab. XIX. fig. I. A. Culmus. B. Vagina cum foliis.

a. spica. b. flores bini. c. germen cum involucro.

d. Involucrum sive Nectarium m. a. e. Pistillum m. a.

85. SCHOENUS, scapo strictissimo, tereti; spicis glomeratis; bracteis subulatis.

Program. nostr. 1772. pag. 13.

Schœnus compar, culmo tereti, nudo; spica composita, spiculis geminatis. Linn. Mantiss. altera pag. 177.

SCAPUS teres, striatus, glaber, enodis, juncus, tenax, viridi-glaucus, tripedalis.

PANICULA terminalis, spicata, brevis, oblonga, conglomerata, multiflora.

BRACTEÆ oblongæ, mucrone aculeato, longissimo, rigidissimo, terminatæ, glomeribus spicarum interpositæ; *infimæ* acumine paniculam bis superante.

SPICÆ lanceolato-lineares, distichæ, longitudine fere $\frac{1}{2}$ unciae.

CALYX. *Squamæ inferiores* 6 circiter, coriaceæ, rigidæ, nitidæ, carinatæ; *infimæ* ova-tæ, minores, apice spinosæ; *summæ* lanceolatæ, obtusæ, muticæ.



COROLLÆ 2—3 in apice spicæ; *summa* bivalvis; *inferiores* univalves, oblongo-lineares, concavæ, membranaceæ, muticæ.

STAMINA. *Filamenta* membranacea, plana, longissima, alba, in corolla terminali 3, in cæteris 4. *Antheræ* longæ, triquetræ, ferrugineæ, cum acumine flavo.

PISTILLUM. *Germen* obovatum, triquetrum, apice turrigerum. *Stylus* planus, hirtus. *Stigmata* 3, longissima, filiformia, hispida.

Germina cuncta præter summum extenuata abortire videntur.

Cum prioribus a Domino Königio missus.

Tab. XVIII. fig. 4. A. Culmus. B. Panicula. C. Involucrum.

- | | | |
|---|---|-----------------------------------|
| a. bractea. | b. spica ad apicem florens. | c. eadem ante floris evolutionem. |
| d. corollæ explicatæ, superior bivalvis, triandra; inferiores univalves, tetrandræ. | | |
| e. anthera didyma, cuspidata. | f. g. Germina marcescentia inferiorum florum. | |
| r. Germen supremi floris fœcundum. | | |

86. SCHOEONUS cuspidatus, culmis teretibus, subnudis; panicula tenuissima, linearis; bracteis annularibus, obliquis, brevissimis, mucrone longissimo terminatis. Program. nostr. 1772. pag. 13.

CULMI ex una radice plures, simplicissimi, teretes, juncei, enodes, striati, tenaces, erecti, sesquipedales, superius nudi, coloris flavescentis.

VAGINÆ ad basin culmi sangvineæ vel ferrugineæ, glabræ, cylindricæ, mucronatæ; mucronibus sensim in folia convoluto-setacea, rigida, 2 fere uncias longa, abundantibus.

PANICULA terminalis, linearis, tenuissima, sesquiancialis. Rami fasciculati, striati, inæquales, breves, subdichotomi, ad angulum acutissimum erecti.

BRACTEÆ annulares, breves, lucidæ, brunneæ, obliquæ, altero latere emarginatæ, opposito in mucronem linearem aculeatum, carinatum productæ, singulæ dichotomias paniculæ & florum bases obvolventes; mucrones quo inferiores, eo majores; infimo panicula duplo fere longiore.

SPICÆ axillares & terminales, tenuissimæ, parvæ, 3 lin. longæ, lanceolato-subulatæ, ferrugineæ, distichæ.

CALYX. Sqvamæ spicæ *inferiores* (6) ovato-lanceolatæ, concavæ, rigidæ, margine membranaceæ, albæ.

COROLLA. Sqvamæ *superiores* 2 convoluto-subulatæ, floriferæ.

Tab. XVIII. fig. 3. A. Culmorum bases cum foliis. B. Culmi nudi.

C. Panicula. D. Bractearum mucrones.

- | | | |
|------------------------------------|----------------|---------------------|
| a. Bracteæ ad divisionem Paniculæ. | b. spicæ m. a. | c. sqvama a laterc. |
| d. a tergo m. a. | | |

87. SCHOENUS fasciatus, culmis foliisqve setaceis, longissimis; floribus tenuissimis aristatis. Program. nostr. 1772. pag. 13.

CULMI plures, striati, filiformes, pedales, sulcati, semiteretes, latere plano canaliculati, flavescentes, ad basin ferruginei vel fusi, squamis linearibus distincti, telaqve cancellata atro-purpurea cincti.

FOLIA ad radicem fasciculata, plurima, convoluto-setacea, striata, margine subaculeata, longissima, flexuosa. *Caulina alterna*, remota, vagina cylindrica atro-purpurea, nitida, longitudine vix pollicis, fasciae ad instar culmum ambientia.

PEDUNCULI axillares, alterni, filiformes, flexuosi, marginibus retrorsum scabri, subtriflori, folio breviores, longitudine apicem versus decrescentes; Inferiores solitarii. Superiores bini & terni.

SPICÆ vagina spathacea, margine ferrata, obvolutæ, crassitie aciculæ, 3 lineas longæ, subulatæ, colore vaginalium; imbricatae *squamis* oblongo-lanceolatis, concavis, aristatis, quvarum inferiores quum steriles invenerim, ob hanc causam æque ac habitum cæteroquin similem ad hoc genus retuli, licet superiores ob tenuitatem evolvere non valuerim.

Hunc cum præcedente e Promontorio Capitis b. spei misit oculatissimus noster Königius.

Tab. XVI. fig. 5. A. Bases culmorum. B. Culmi. C. Vaginae cum foliis. D. Pedunculi cum spicis.
a. spatha spicam involvens. b. spicæ pars inferior explicata.

88. SCHOENUS polymorphus, culmo subnudo, triqvetro; involucro mucronato, diphylo, inæqvali, ciliato. Program. nostr. 1772. pag. 13.

Scirpus ferrugineus, culmo triqvetro, subnudo, involucris longitudine paniculæ ciliatis. Linn. Spec. Plant. Part. I. pag. 74.

Gramen cyperoides majus, spicis ex oblongo-rotundis, compactis, ferrugineis. Sloan. Histor. Jamaic. Part. I. pag. 36. tab. 77. fig. 2.

a. Scirpus spadiceus, culmo triqvetro, nudo; umbella subnuda; spicis oblongis, sessilibus terminalibusqve. Linn. Spec. Plant. Part. I. pag. 74?

Gramen cyperoides, majus, aquaticum; paniculis plurimis, juncis, sparsis; spicis ex oblongo-rotundis, spadiceis. Sloan. Histor. Jamaic. Part. I. pag. 118. tab. 76. fig. 2?

β. Schœnus culmo triqvetro, nudo; spica cylindrica terminali; involucro diphylo, inæqvali, brevi.

CULMUS triqveter, bipedalis, striatus, flavescens, subnudus.

SQVAMÆ coriaceæ, concavæ, fusco-maculatæ, basin culmi ambientes; *suprema* in folium convoluto-setaceum longitudine circiter pollicis producta.

INVOLUCRUM. Squamæ ovatae, concavæ, ferrugineæ, exterioribus 2 inæqualibus, acuminatae linearis, carinata, subaculeata, terminatis.

UMBELLA decomposita, terminalis cum Spica intermedia sessili. *Pedunculi* pauci (3—4) triquetri, inæquales ($\frac{1}{2}$ ad $1\frac{1}{2}$ uncia) simplices & paniculati; *Pedicillis* brevissimis.

SPICÆ solitariæ, oblongo-ovatæ, ferrugineæ, magnitudine variæ, ut plurimum *Scirpi* palustris.

CALYX. Sqvamæ spicæ *inferiores* (6—7) coriaceæ, subrotundæ, concavæ, cum parvo acumine carinatæ.

COROLLA sqvamæ, spicæ *superiores* floriferæ.

STAMINA intra singulam superiorum sqvamarum 3.

PISTILLUM. *Germen* unicum oblongum triqvætrum. *Stylus* unicus, compressus, alatus, ciliatus. *Stigmata* 2 linearifetacea.

Numero atque magnitudine spicarum, ut & divisione atque proceritate paniculae, insigniter variat hic Schœnus. Vidi spica solitaria terminali cylindrica, ut scirpum suum mutatum (quem hic ut synonymon ad varietatem β omisimus, quoniam ad scirpum *spiralem* 59, post programma editum a nobis primo visum, majori cum verisimilitudine pertinere judicavimus) describit Linnaeus, hac sola cum differentia, quod noster involucrum diphillum, foliorum uno superiore, magnitudine spicæ, altero spicæ subiecto, dimidio minore, habeat, cuius non meminit Author illustrissimus. Vidi spica gemina, intermedia sessili, cum binis lateralibus brevissime pedicillatis; vidi alium pedunculis 4 subæqualibus parvis, unifloris, terminatum; alium porro spica centrali gemina, & pedunculis 5 vel 6, quorum nonnulli uniflori, cæteris bi- imo trifloris. Inveni denique specimina, umbella supra-decomposita, pedunculisque biuncialibus, facie & habitu referentibus *Gramen Cyperoides majus aquaticum* Et c. Sloanei, quod pro distincta specie ab Illustrissimo Linn. sub nomine sc. *Spadicei* habetur. Culmi, non minus ac ipsæ spicæ jam teneriores, jam crassiores; sed in cunctis involucrum simile diphillum, foliolo uno Peduncularum magnitudine, altero dimidio breviore; structura etiam spicularum atque forma sqvamarum perfecte eadem. Synonymum ergo, quod cum dubio est allatum, retineat vel deleat, cui bona specimina utriusque speciei simul conferre licet. Tranquebaria misit Dominus Königius.

89.* **SCHOENUS Surinamensis**, culmo folioso, triqvætro; pedunculis corymbosis; inferioribus alternis; superioribus in umbellam aggregatis. Progr. nostr. 1772. pag. 14.

Tsiolap pullu Rheed. Hortus Malab. Tom. XII. pag. 127. tab. 67?

Gramen Cyperoides Indicum pànicula sparsa, majus, semine nigerrimo. Moriz. Hist. Plant. Part. III. §. VIII. pag. 242. No. 7?

Gramen Cyperoides Indianum, foliis varie adumbratis, paniculis Graminis pratensis minoris nostratium, ex alis foliorum prodeuntibus. Plukenet. Amaltheum pag. 112.

CULMUS altissimus, triqvæter, scaber, striatus.

VAGINÆ striatæ, laxæ, alternæ, uno latere mucrone obtuso; opposito, folio longissimo, linearis, carina & margine aculeato, late viridi, terminatæ.

CORYMBI laterales, compositi, pedunculati, patentes, foliis multoties breviores; infra solitarii, remoti, supra quasi in umbellam aggregati.

PEDICILLI ocreati, bractea setacea suffulti.

SPICÆ terminales, aggregatae, cylindrico-subulatae, ferruginea vel rufa, longitudine 3 linearum.

CALYX. Sqvamæ *inferiores* ovatae, undique imbricatae, inanes.

COROLLA. Sqvamæ *superiores* 2, floriferæ, quarum *inferior* hermaphrodita, *superior* mascula.


PISTILLUM. *Germen* ovatum, setis articulatis ad apicem & basin cinctum. *Stylus* unicus, pyramidalis, longissimus, apice setaceus. *Stigma* oblongo-lineare, acutum.

PERICARPIUM. Capsula dentata, semen unicum, subrotundum, nigrum, includens.

Facies Schœni Marisci. In Suriname collegit Dominus Rolander.

Tab. XXI. fig. 1. A Culmus. A* Vagina, cuius e sinu exit pedunculus solitarius, altero latere mucrone, opposito, folio terminata. B. Umbella terminalis cum involucro. C. Pedicilli ad basin ocreati. D. Sqvamæ setaceaæ his subiectæ.

1. Flos integer a. Calyx.
2. Corolla gemina, b. sqvama inferior continens stamina 3 f. pistillum e, setas g. vix videndas. c. sqvama superior, intra quam stamina 3 d.
3. Partes fructificationis inferioris floris m. a. F. Stamina. G. Setæ ad articulos ciliatae. H. Germen. I. Stylus.
4. Flos uterque k, inferioris hermaphroditi stamina sqvamæ inclusa latent; superioris masculini filamenta 3, antheris ad basin abruptis, sqvamam involventem supereminunt.
5. Flos masculinus. c. sqvama. d. stamina.
6. Semen l. pericarpii hæmisphærio inferiori inclusum, sqvamæ suæ insidens.





CAP. VII.

F U I R E N A.

CHARACTER GENERIS.

SPICA oblongo-ovata, undique squamis tricarinatis, aristatis, imbricata.

FLOS intra squamam singulam solitarius, minimus, tuberculo insistens.

CALYX praeter squamas distingventes nullus.

COROLLA. Petala 3 obcordata, minima, tricarinata, membranacea, cirro vel filo terminata.

STAMINA. Filamenta 3 linearia, membranacea, tuberculo extra corollam, qua multo longiora, affixa. Antheræ lineares, erectæ.

PISTILLUM. Germen acute triquetrum, corollam totam explens. Stylus unicus, apice bifidus.

90. **FUIRENA** umbellata, culmo angulato; foliis lanceolatis, striatis, remotis; floribus umbellatis. Program. nostr. 1772. pag. 27. No. 78.

Scirpus tripetalos. Rol. Manusc.

Beera-kaida Hort. Malab. Tom. XII. Tab. 58. pag. 109? vix.

Gramen Cyperoides Indiæ orientalis latiore folio, striato, fummo caule paniculis paleaceis. Pluken. Amalh. 112?

Cyperus longus Indianus, spiculis brevibus tumentibus, seminibus rotundis spadiceis. Moriz. Hist. Plant. Part. III. §. VIII. pag. 237. No. 20?

CULMUS altus, angulatus, simplex, striatus.

FOLIA alterna, lanceolata, profunde striata, glauca, in supremo caule, longitudine internodiorum, vaginis laxis, urceolatis, pilosis, brevibus, culmum ambientia.

MEMBRANA oris ciliata, ferruginea.

PEDUNCULI plures (2—3) axillares, apice umbellati, teretes, hirsutissimi, folio multo breviores.

SPICÆ oblongæ, teretes, breves (3 fere lin.) conglomeratæ, nigricantes, imbricatæ squamis obovatis, concavis, rigidis, carinis ternis apice in aristam confluentibus.

Facies Scirpi. Dominus Rolander in Suriname detexit.

Tab. XVIII. fig. 3. A. Culmus. B. Folia, qvorum e vaginis tumidis exeunt pedunculi. C. Umbella terminalis. D. Spicarum glomeres.
 a. Spica. b. Sqvama. c. Flos connivens. d. expansus, ubi partium frumentationis structura & situs simul appetet.

EMENDANDA & ADDENDA.

Procem. Pag. 1 lin. 19 oppositum, l. oppositam.

- 2 — 35 a posterioribus, l. e posterioribus.
- 3 — 6 deturpent, l. deturpant.
- — 7 incurio, l. incurioso.
- — 17 adnembratæ, l. adumbratæ.
- — 35 arbusculum, l. arbusculam.
- 4 — 15 symbolum aliquod, l. symbolam aliquam.
- — 22 excusferunt, l. excuderunt.

* * *

Pag. 1 lin. 16 qvæ, qvum, l. qvæ qvum.

- 2 — 10 cui, l. qva.
- — 16 corolla æqvales, l. corollæ æqvales.
- 3 — ult. cui, l. qva.
- 4 — ult. cui, l. qva.
- 5 — 34 corolla æqvales, l. corollæ æqvales.
- 7 — 14 cubitibus, l. cubitis.
- — 32 pollices, l. pollicem.
- 8 — 22 Tab. III. fig. 1, l. Tab. III. fig. 4.
- — 24 post petala adde e. Pistillum.
- — 34 cui, l. qva.
- 12 — 8 & passim ubi occurrit, ochreæ, l. ocreæ.
- — 17 genus, qvum, l. genus qvum.
- 13 — ad finem descriptionis K. Monocephalæ adde Tab. IV. fig. 4. A. Culmi. B. Capitula. a. flos m. n. b. idem m. a. c. pistillum.
- 14 — 3 PASTILLUM, l. PISTILLUM. Descriptioni K. brevifoliæ adde Tab. IV. fig. 3. A. Culmus vagina folii cinctus. B. Capitulum. a. flos m. a. b. pistillum m. a. K. Tricipiti adde Tab. IV. fig. 6. Capitula terna cum involucreo. a. flos naturali. b. aucta magnitudine, c. germen' adultum, d. pistillum.
- — 28 FLORFS, l. FLORES.
- — 30 glumen, l. gluma.
- — 32 apice, reflexa, l. apice reflexa.
- 15 — Descriptioni K. paniceæ adde Tab. IV. fig. 1. A. Culmus. B. Umbella cum involucreo. C. spicæ. a. flos n. m. b. corolla m. a. c. pistillum.
- 16 1 (5) l. 15.
lin. ultima hunc, l. hanc.
adde Tab. IV. fig. 2. A. Culmus, B. Umbella cum involucreo, C. Radii, D. spicæ cum involucris. a. flos m. n. b. m. a. c. pistillum m. a.

- Pag. 17 lin. 22 peticlitarer, l. periclitarer.
 — — 27 partium, ut, l. partium ut.
 18 — 25 duobus, l. duabus.
 19 — 11 qvatrupo, l. quadruplo.
 20 — 12 cui, l. qva.
 22 — 5 a fine membraneceis, l. membranaceis,
 — — 33 UNICOLARUM, l. UNIOLARUM.
 26 — 5 imagine, l. margin.
 — — 9 cum involucris adde D.
 — — 21 subsimplex, l. subsimplex.
 — — 27 Rosette in Ægyptia, l. Rosettæ in Ægypto.
 29 — 35 Thraſi-Italorum, l. Thraſi Italorum.
 — — 21 varieta, l. varietas.
 33 — 35 ullo vitio, l. ulli vitio.
 34 — 12 tuncatæ, l. truncatæ.
 35 — 14 Pedicelli, l. Pedicilli.
 39 — 18 slaveſcens, l. flaveſcens.
 41 — 18 rachides, l. raches.
 48 — 25 foli nititur, l. foli innititur.
 — — 28 respondit, l. respondet.
 49 — 12 qvatrupo, l. quadruplo.
 — — 36 rachides, l. raches.
 51 — 3 a fine RTAMINA, l. STAMINA.
 54 — 12 infimis duobus, l. infimis duabus.
 55 — 15 subtumidæ, l. subtumidæ.
 57 — 18 poſt aculeata, dele inæqvalia.
 58 — 19 infima, l. infimas.
 — — 5 a fine INVOLUCRUMI, l. INVOLUCRUM.
 61 — 22 transformatum, l. transformatam.
 — — 35 poſt includens adde g flos hermaphroditus, cuius filamenta antheris mutilata apparent.
 63 — 36 e e corollæ, l. e e corollæ, qvarum e sterilis, adde f stamina & pistillum floris fertilis m. a.
 g. Pistillum sterile.
 64 — 18 hac, l. hoc.

Ad Tabulas Iconum OBSERVANDA.

In Tabula II. litteras majusculas omissas facile supplet L. B.


- — III. ad fig. 2 littera C omissa culmo adscribatur.
 — — VIII. fig. 3 littera C ad mueronem omissa.



Restio dichotomus.

Restio triflorus.

Tab. I.



M. Haas Jr.

1. *Restio vimineus*. 2. *Restio virgatus*. 3. *Restio paniculatus*. 4. *Restio compressus*. 5. *Restio distichus*.

Tab. II.




Mono. Haas f.



1. *Restio triticeus*. 2 *Chondropetalum testaceum*. 3 *Chond. nudum*. 4 *Restio Thysifer*. 5 *Restio distachyos*.

Tab. III.



1. *Kyl. panicea* 2. *Ky. umbellata* 3. *Kylling. brevifolia*. 4. *Kyllinga monocephala*. 5. *Cyperus dubius*. 6. *Kylling. triceps*.

p. 15.

p. 15.

p. 13-14.

pag. 13.

p. 20

Tab. IV.



M Haar.


1. *Cyperus erucinus*. 2. *Scirpus miliaceus* Lin. 3. *Cyperus procerus*. 4. *Cyperus eruentus* (planta minor)
pag. 25. pag. 57-58. pag. 29. p. 25.

Tab. V.




1. *Cyperus aristatus*. 2 *Cyperus haspan*. 3 *Cyperus squarrosus*. 4. *Cyp. elegans*. 5. *Cyperus surinamensis*.
pag. 23. pag. 36. pag. 25. pag. 31. pag. 35.

Tab. VI.



1. *Cyperus tuberosus*. 2 *Cyperus fastigiatus*. 3 *Cyperus pangorei*. 4 *Cyperus corymbosus*.
pag. 28. pag. 32. pag. 31 pag. 12.

Tab. VII.



1. *Cyperus fennicus*. 2 *Cyp. alopecuroides*. 3 *Scirpus nodosus*,
pag. 25. pag. 38. pag. 52.

A. *Cyperus mucronatus*.
pag. 49.

Tab. VIII.



Meno. Haas. sc.



1. *Cyperus Santonici*.
pag. 41.

2 *Cyperus difformis*.
pag. 24.

3 *Cyperus compressus*.

pag. 27.

4 *Cyperus pumilus*.
pag. 29.

Tab. IX.



M. Haas,




1. *Cyperus polystachyos.*
pag. 39.

2. *Cyperus ligularis* Lin.
pag. 35.

3. *Cyperus strigosus*. Lin.
pag. 40.

Tab. XI.



G. Haas sc.

1. *Scirpus dipsaceus.*
p. 56.

2 *Cyperus flabelliformis.*
pag. 143.

3 *Cyperus effusus.*
pag. 22.

Tab. XII.



G. Haas. sc.

1. *Scirpus dichotomus* Lin. pag. 57.

2. *Cyper. Luzulae.* p. 23.

3. *Cyperus monostachyos* L. & *Scirpus tristachyos.* pag. 18.

Tab. XIII.




1. *Cyp. tenuiflorus*. 2. *Cyperus hexastachyos*. 3. *Scirpus monander*. 4. *Cyp. pygmaeus*. 5. *Cyp. pygmaeus*.
pag. 30. pag. 28. pag. 50. pag. 20. pag. 20.

Tab. XIV.



1. *Scirpus spiralis*. 2. *Scirp. plantagineus*. 3. *Sc. caribou*. 4.-5.-6. *Scirpus setaceus*. 7. *Cyp. conglomeratus*.
pag. 15. p. 15-16. p. 16. pag. 17-18.



1. *Cyperus laevigatus.* 2 *Scirpus bulbosus.* 3. *Scirpus capensis.* 4 *Scirpus Flotentotus.* 5 *Schoenus fasciatus.*
pag. 19. pag. 46. p. 53-54. p. 54. p. 67.

Tab.XVI



G. Haas sc.

UNIVERSITATIS
BIBLIOTECAE
MUSEI DE GIGANTIS NATURALIAE

1. *Scirpus ciliaris*. 2. *Scirpus prolifer*. 3. *Scir. autumnalis*. 4. *Scirpus barbatus*. 5. *Scirpus squarrosum*. 6. *Scirpus argenteus*.

p. 55.

p. 55-56.

p. 58-59.

p. 52.

pag. 19-50.

p. 58.

Tab. XVII.



1. *Schoenus astulatus* Lin. 2. *Schoenus terminalis* Lin. 3. *Schoenus cuspidatus*. 4. *Schoenus compactus* Lin.
pag. 63. p. 63-64. pag. 65.

Tab. XVIII



1. *Schoenus involucratus*.
p. 61.



2 *Schoenus Fabi*
p. 62.



3 *Fuirena umbellata*.
p. 70.




Tab. XVIII

UNIVERSIDAD CENTRAL
BIBLIOTECA
J. E.
MUSEO DE CIENCIAS NATURALES

M. Haas, sc.

Schoenus cephalotes.

Tab: XX.



1. *Schoenus surinamensis*

pag. 68-69.

2. *Schoenus setaceus*

pag. 62.

Tab. XXI.

